



RB168,660



*Presented to the*  
LIBRARY *of the*  
UNIVERSITY OF TORONTO

*by*

Prof. Stillman Drake




STILLMAN DRAKE



CP 25

(3 1606?)



Digitized by the Internet Archive  
in 2024 with funding from  
University of Toronto

<https://archive.org/details/vitaioannisvince00gual>



VITA  
IOANNIS VINCENTII  
P I N E L L I,  
PATRICII GENVENSIS.

*In qua studiosis bonarum artium, proponitur  
typus viri probi & eruditi.*

AVCTORE PAVLO GVALDO,  
PATRICIO VICETINO.



AVGVSTÆ VINDELICORVM  
*ad insigne pinus.*

Cum priuilegio Cæs. perpetuo.

---

ANNO M. DCVII.







ILLVSTRISSIMO  
ET REVERENDISS.

D. DOMINICO PINELLO,

S.R.E. CARD. EPISC. OSTIENSI,

Sacri Collegij Decano,

PAVLVS GVALDVVS VICETI-

NVS SALVTEM.



Ximum illum Philosophum, Magistrum, vt Cicero ait, intelligendi & dicendi, cuius nomen æternis præclarum monumentis, nemo non admiratur, gloriatum ferunt aliquando, quod Socrate viuentē vixisset. at ego nō præclare minus mecum censeo actum, cui contigerit primum eo sæculo nasci, quo non tantum de facie noscere, sed & colere obseruareq; licuerit per annos non paucos IOH. VINCENTIVM PINELLVM, doctum & probum supra omnia pæne nostrorum temporum exempla; tum vero deinceps vitam eiusdem moresq; elegantissimos commendare posteritati. in quo quidem munere, vt rei magnitudini mihiq; adeo ipsi non fecerim satis, (quis enim eius viri merita explicet pro dignitate?) confidam tamen obuenturum inde mihi laudis & existimationis non parum, quod lubens

contulerim vires omnes meas in Viri cl. res, si non vniuersas, at quas licuit mihi, sermone celebrandas. Illud vero quam eximium? extare te nunc ex eadem gente DOMINICE CARD. Ill.<sup>mc</sup> qui vt IOH. VINCENTIVM, non vi magis affinitatis quam charitatis, perpetuo amaueris, ita videaris hilaris excepturus scriptionem hanc meam, quæ gentilis tui laudes prædicare sit aggressa.

Et sane cui hæc alij inscripsissem, quam tibi? in quo absolutum actionis exemplar, vt in IOH. VINCENTIO contemplationis propositum habemus. Ille per faciles semitas, & amœna Philosophiæ vireta, tu per salebras & sentes Iurisprudentiæ; ille in Musarum congressu, tu in Iudiciario & forensi puluere; abditus ille in domestica bibliotheca, tu in conuentibus, in Legationibus, in amplissimorum Patrum pæne quotidiano cœtu; in Academia ille Patauina, tu Romæ in oculis orbis terrarum, variis adeo itineribus eo peruenistis, vt IOH. VINCENTIVM intra limites vmbra-tilis illius vitæ suspexerint omnes, te vero ciuilibus muneribus exercitum, fides, prudentia, integritas in sanctiss. Cardinalium collegium cooptarint, in quo collegas omnes, & vniuersos Christianæ Reip. Episcopos, à Summo Pontifice primus, anteis dignitate, fastigio illi proximus, à quo non abfuturum te diu boni omnes augurantur. Munus igitur hoc tibi tot nominibus debi-



debitum, apud te esse patere Vir Ill.<sup>me</sup> non indignum prorsus quod extet meæ in nominis & gentilitij splendoris tui gloriam obseruantia testimonium, complectendum tibi si non auctorisatione, at eius memoria, cuius laudes prædicare consilium fuit. Illius ego enarrandis rebus gestis, vt nō quam illum decebat operam præstiterim, at quam ego potui impendisse. Et quid homini potest dari maius (inquit iunior Plinius) quam gloria, laus, & æternitas? At non erunt æterna quæ scripsi! non erunt fortasse; scripsi tamen (vt respondeam eiusdemmet Cæcilij verbis) tamquam essent futura. Tu hæc DOMINICE CARD. Amplissime, accipe vt dantur, non sine iucunda magni gentilis tui memoria, delectationi proculdubio futura.

Vale.



# MARCO VELSERO

II. VIRO AVGVSTANO,

PAVLVS GVALDVVS VICE-  
TINVS SALVTEM.




Viserio amant MARCE VELSERE, eo allicientis naturæ propensione ducuntur, vt rei quam amant bona omnia, perpetuitatem adeo ipsam, in hoc vicissitudinum humanarum æstu contingere flagrantissimè cupiant. qui sane affectus, quo magis *insitus*, eò semper solertior fuit in perquirendis rationibus, per quas tendere *sibi* ad propositum hunc finem liceret. Hinc antiquioris æui decora, historiciæ narrationes, tabulæ, signa ærea marmoreaq; , posterioris callographicum inuentum, quæ omnia eò spectant, vt non solum habitus corporum delineare, sed & animorum exprimere ornamenta possimus. qui sane affectus amoris beneuolentiæq; impulit etiam me ipsum, non modò vt IOH. VINCENTII PINELLI imaginem describendam curauerim, sed & cum per annos prope xxx, à die quo primum studiosè magnum virum obseruare cœpi, ad eum quo supremo in sinu meo animam egit, dilexerim supra quam sermone explicari queat, coëgerim etiam intra non magni voluminis angustias,



gustias, è latissimo rerum campo, præcipua quædam ipsius vitæ capita, tum vt mihi etiam nunc exemplar referrent, ad quod formare me possem, tum vero etiam vt mœrorem leuarent, quem mihi incusserat amplissimi viri quam feceram iactura. Propositum hoc meum cum plerique communium amicorum vt sit explorassent, perurgere cœperunt, vt ne publicæ litteratorum rei lucubrationes meas inuiderem, studiosis scilicet omnibus gratas futuras, apud quos PINELLI memoria, & grata & sancta iam diu esset. Me vero hæ preces, vt non permulcebant, gnarum videlicet tenuitatis meæ, ita in eam sententiam traxerunt, vt fœtum hunc meum dispiciendum traderem, examinandumque tibi V. Cl.<sup>mo</sup> PINELLI amico, bonarum artium patrono, qui prudentia, eruditione, & animi candore in consilium aduocatis, tum demum pronuncies an è re PINELLI, an è litterarum, an è mea sit, vt in lucem hominum prodire sinam qualescunque hæc subseciuarum horarum reliquias. hoc tibi arbitrium vt deferam, faciunt multa; præstantissimorū quo teneris studiorum amor, impollutæ quam nobiscum profiteris religionis patrociniū, & princeps in Pinelliana amicitia locus, qui te potissimum alliciet, vt more maiorum his animum aduertat, quæ pro tuo nutu vel abdent sese, vel dabunt in conspectum.

Mihi

Mihi enim, cui non alius quam IOH. VINCENTII gloria obuersatur finis, si tibi cum me affectum non videatur, sufficiet voluisse saltem, continebiturque scriptio hæc mea intra domesticos parietes, contestatio utique gentilibus meis non iniucunda, fuisse mihi cum ætatis nostræ maximo viro non vulgares præstantissimæ amicitia rationes. Vale.





# ANTONII QVÆ- RENGI.



*Erpetuâ rapidis annis obfiste iuuentâ  
Musarum pia cura liber,  
Quaque diem promit, qua mergitur aquare Titan,  
Fer magni super astra decus*

*PINELLI; non rara altæ sapientia mentis,*

*Non morum sine labe nitor,*

*Inuida Lethææ metuant obliuia noctis.*

*Promeritus quoque tollat honos*

*Insignem cælo PAVLVM, quem dulcis amici*

*In tantum laus egit opus.*

*Gloria Germanæ gentis te VELSERVS heros,*

*Ante alios per docta virum*

*Agmina dimittat celebrans: illo auspice tutam*

*Ad Gades ad Bactra viam*

*Carpe volans, fama q, diu te crede vocanti.*

*Ingressum quocumque feres*

*Te læta excipient vrbes, sed lumina Tusci*

*Præsertim tibi clara maris*

*Magnanimi plaudant Ligures, cinemq, verendum*

*Posteritas imitata color.*



ALOYSII VALMARANÆ  
VICETINI E SOCIETA-  
TE IESV.



*E PINELLE, reum mortis genuère parentes,*

*Et vitæ ingressus ianua mortis erat :*

*Lactea Lethæis miscebat pocula poclis*

*Paruuli, eratq; viri tempus edentis edax:*

*Longa breui moriens traxisti funera vitâ,*

*Longior at longo funere vita subit :*

*Nam GVALDVS calamo, quod non potuère parentes*

*Stirpe, virum in memori viuere mente dedit.*

*Quæ tibi vita fuit, non est : tibi vita perennis,*

*PINELLI inscriptus Vita, libellus erit.*



# BERNARDINI STE- PHONII E SOCIETA- TE IESV.



*Paca PINVS, & vetusta, nobilis  
Gnidi Paphig, sylua, sibilantibus  
Comis sonora: sic susurrus ingruat  
Tepentis aut Fauonij, vel arduis.*

*Serenus Auster implicata brachiis  
Volutet vsque ludibunda murmura:  
Beata sic perennitas aqua tibi  
Amica, semper obloquente sibilo  
Coma volumen humidum secus citans,  
Amœnitate fertili riget nemus:  
Vt hinc & inde Pinea grauis nuce,  
Gemas, onusque sustinere vix queas:  
Vige salubre Cypridis nemus domus:  
Vige perenne gaudium Liguria:  
Quod & benignus educat Gnidi lepor:  
Quod & leporis aura Paulus educat,  
Superstitatque, sospitatque fœtibus  
Tuis, suisque: Paulus vnus omnium,  
Quot & fuere, quotque sunt, eruntque post,  
Amœnitatis instar integellula,  
Amoris, & decoris, & tui sequax,  
Tenaxque veritatis, & boni tenax.  
Vige: vigebit aureus simul decor:  
Vige: vigebit elegans simul fides:  
Datura frigus hospitale posteris,  
Domus virentis vsque quaque textili  
Repexa fronde: siue littoralibus  
Maritimisque florem leporibus  
Cubile perbenigna garrientibus,  
Vt ante, semper apparare gesties:*



*Alumna seu Cytheris euocauerit  
Ligusticasque Romulasque Gratias,  
Iocis remixta Lydiis & Atticis.*

*Tuos ad hosce cespites frequens ego  
Mensque Paulus, ingeni grauis lepor,  
Tuos ab usque Regia Cypro satus,  
Ab ultimaq; Pineos origine  
In hoc cacumen editos, in id decus,  
Redordiemur inuicem: modis ego:  
Vt ut libebit ille: sine libera,  
Seniore lege sine mauolet  
Rotundiora verba dulce voluere:  
Vtroq; mirus artifex, tui memor.  
Vigebis usque: spondet id Gnidi Charis.  
Et hic vigebis in sodalis hortulis,  
Loquente semper irrigata riuulo:  
Vt alba poscit, alba reddit ut fides.  
Et has, arata litteris fidelibus,  
Sodalitatis indices notas gres.  
Meâ ne stirpe latiore creuerim,  
Tuâ ne PAVLE culte diligentia  
Amica Pinus, ambigo. Sed hoc liquet,  
Quod interire posset, id dedit genus,  
Quod <sup>interire</sup> ~~interire~~ nescit, hoc AMOR dedit.*



# FAMIANI STRATAE E SOCIETATE IESV.



*Morem audieram patrem doloris;  
Nec dum credideram. utriusq; mores  
Longe dissimiles, sefelleraut me.*

*Sed iam percipio miser, querorque*

*Vero verius esse quod negabam.*

*Nec solus queror, hoc idem queruntur*

*Mecum, docte PINELLE, qui te amarunt,*

*(Nam quis, docte PINELLE, non te amaui?)*

*PAVLVS ante alios pereleganti*

*Ne totus pereas vetans libello. Hunc hi te moriente partum Amoris*

*Partum in pectore sentiunt dolorem,*

*Infantem sine lacrimis dolorem*

*Qui nasci nequit. Et Catoniano*

*Mi supercilio quis exprobat*

*Lachrimas oculis perenne fusas!*

*Quid ergo? ex oculis Amor creatus*

*In pectus cadit, hic creat dolorem,*

*Qui vestigia per paterna, ad ipsos*

*Se refert oculos, & inde adauctus*

*Lachrimis, velut amnis imbre, prima*

*Incunabula pectoris reuifit.*

*Hinc dolere, & amare se sequuntur.*

*Qui dolor modo natus occidente est*

*Te PINELLE, in Amore delitebat,*

*Proque vno dolor occidente, mentes*

*Multorum numerosus occupauit.*

*Sic quæ sidera per diem latebant,*

*Apparent moriente Sole, & vni*

*Plurima face funus exequuntur.*



# IOSEPHI CASTA- LIONIS I. C.



*Ditus antiqua Ligurum de stirpe parentum,  
Parthenope imperij claro quos auxit honore,  
Venerat exemplar morū PINELLVS in urbem.  
Quam posuit pulsus Phrygiis Antenor ab oris,  
Ingenij vt cultus caperet iuuenilibus annis.  
Ac licet in libris illic exegerit auum  
Abditus, & Regum vitarit tecta superba,  
Pollicitis magnis, precibusque vocatus in aulam:  
Haud latuit, vixitue vllō tamen ille beatus  
Rege minns. Testis Germania, testi Hiberus,  
Cumque Italo testis celeberrima Gallia tractu.  
Nam quo non adiit PINELLI gloria? Quisue  
Conspicua titulo doctrinae floruit vsquam,  
Cui cum PINELLO fuerint commercia nulla?  
Democriti incultos quis iam mirabitur agros?  
At tibi susceptos nemo non PAVLE labores  
Laudibus in calum tollit. Tu postera secla  
Quod stupeant, serique imitentur rite nepotes,  
Digeris in libros, & mores exprimis eius,  
Sollicitis qui opibus Regum secura potentum  
Privata nouit praeponere commoda vita.  
Tu pius officium merito persoluis amico,  
Cumque tuo longum producis nomen in auum  
Illius, officiantq; caues obliuia neutri.  
Hinc quoq; permultum sumit VICETIA lucis,  
Et tanto natale solum se iactat alumno.  
Felix qui caro capiti, patriaeque tibi que  
Struxisti doctis monumenta perennia chartis.*

# LAVRENTII PIGNORII.



*Quos sollicitat doctarum forma Sororum,  
Dulci alit aut sapientia cura,  
Quos iuvat emerita splendere frondis honore,  
Decerpta ex Helicone beato:*

*Si lubet ô longum cælesti accumbere mensa,*

*Atque animum perfundere sacro*

*Nectare, non aliamquam PAVLI euoluite chartas,*

*Queis pius inclyta nomina amici*

*Imprimit æternum mansuris. ille perenni*

*Eloquio bonus, aurea vita*

*Concludit præcepta, virumque informat amantem*

*Musarum, & laudabilis oci,*

*Qua valeat certam Sophia contingere metam,*

*Et Fama decurrere campo.*

*Non legat hæc cui stat foribus confixa superbis*

*Mens, effræni perditæ luxu:*

*Non qui inhiat gemmis, perituroûe incubat aura,*

*Qui patriam, miserosque penates*

*Servitio premit infando. Num dicere laudes*

*GVALDE tuas ego carmine tentem?*

*Anne idem, mare cum feruet, deprendere nôrim*

*Quot veniant ad littora fluctus?*





## EMENDANDA.

**C**orrectiones foliorum ) ( & ) ( quare in fine.  
 Pag. i. v. 13. lege, *despectus*. p. 2. v. 25. *creantur*. p. 6. v. 3. *constituit*. v. 25  
*fratrum*. p. 7. v. 3. *CCC. Mil.* v. 12. *Multo*. p. 8. v. 23. *retinentissimus*.  
 Huc usque tantum sunt verba Folietæ, quæ sequuntur Auctoris. p. 9. v. 1. *ob*.  
 v. 4. *sapientia* v. 25 *functus* p. 10. v. 18. *primis*. p. 11. v. 18. *Verum*. p. 12. v. 16.  
*incepit*. v. 24. *Sernacula*. p. 13. v. 11. *omnia*. p. 14. v. 17. *aurea*. p. 23. v. 12. *omnia*  
*hac*. p. 27. v. 23. *dabat*. p. 29. v. 4. *Maxxonium*. p. 31. v. 2. *huic* & v. 32. v. 9. *cas*  
*monetas*. v. 16. *suarum*. v. 25. *affluentur*. p. 35 v. 30 *raptari*. p. 36. v. 19. *no*  
*sstro extare*. p. 38. v. 14. *expertus hac*. v. 26. *ex ceteris*. p. 40. v. 15. *Plinianum*. v.  
 16. *tam*. p. 43. v. 13. *qua suis*. v. 17. *nullumq;* p. 44. v. 2. *animi*. v. 3. *Modestos ille*.  
 p. 46. v. 3. *sed*. p. 50. 18. *descripserat*. p. 52. v. 20. *Chios*. p. 54. v. 21. & *in aliis*.  
 v. ult. *magnum frequenter*. p. 57. v. 7. *accedit*. p. 58. v. 14. *liberalissimè*. v. 16.  
*quicum*. p. 60. v. 17. *patiatur*. p. 61. v. 15. *restasset*. p. 68. v. 3. & *ut poterat*. p.  
 69. v. 20. *plausum*. p. 70. v. 6. *inuifendos*. p. 71. v. 7. *peruagare*. p. 72. v. 7. *dele*.  
*ad*. p. 73. v. 16. *elegantissimè*. v. 18. *pro littera N. substitue*, *Carolus de Lebe*  
*ron Comitem*, *Epi copum Valentinum*. p. 77. v. 10. *ita ad*. v. 21. *sic certè*. v. 24.  
*Namq;* & c. sunt auctoris verba. p. 80. v. 14. *permoueret*. p. 81. v. 9. *affinium* &  
*amicorum*. *Domum* p. 82. v. 23. *cuius cum in*. p. 83. v. 6. *tragædorum Erynnim*.  
 p. 87. v. 13. *amplissimis licet Patris Præfectiq;* *appellationibus inuitatus*. *San*  
*ctissimis Viris*. p. 88. v. 1. *molesteq;* v. 9. *conspicuum*. v. 24. *spectatum*. p. 89. v. 20.  
*charitates*. p. 90. v. 5. *vitæ*. v. 17. *soluentes*. p. 93. v. 2. *prouexerat*. p. 94. v. 23.  
*eius*. p. 101. v. 2. *Christi*. p. 103. v. 2. *reuerentia*. p. 105. v. 23. *commendarim*. p.  
 110. v. 4. *sisteret obsignaretq;* *Ex* p. 114. v. 5. *genere*. p. 117. v. 12. **HIERONYMVS**.  
 p. 118. v. 23. *vidimus*. p. 123 v. 13. *haustam*. In indice, *Amalthei Patauni*, de  
 le, *Patauni*. *Hieronymus Cardanus*. lege, *Cardinalis*. *Horatius Cornac* & *thi*  
*nius*. lege, *Cornacchinus*. Præterea hos in indice numeros corrige. *Aug. Va*  
*lerius* . 7. *Aulicorum* & c. 60. *Beneuolentia*, & c. 51. *Casar Benedictus*. 18. *E*  
*leemosyna*, & c. 94. *Guidus V baldus*. 18. *Guidus Pancirolius*. 38. *Hieron* *Mer*  
*curialis*. 59. *Hippol Aldobrandinus*. 17. *Pacis* & *concordia*, & c. 46. *Ptolemæus*.  
*Oliueius*. 61.

# VITA IOANNIS VINCEN- TII PINELLI,

PATRICII GENVENSIS.



*Ominum qui in scientiarum mitiorum-  
ue litterarum studia incumberent, reperti  
sunt omni ævo adeò pauci, quibus solidus  
unicusque earum fructus propositus ex  
animo esset, ut si quis eiusmodi sorte for-  
tuna compertus aliquando sit, ad miraculum vergeret, ra-  
raque ut dicitur in terris avis, spectaculo magis esset  
quam imitationi. His enim qui litteris operam unquam  
navarunt, is ut plurimum obuersatus est finis, ut aut  
rem quærent, nummaria quadam nundinatione profe-  
ctum distracturi, aut inanes honores ut consequerentur,  
proposita sibi scenica quadam & insolenti ostentatione,  
iis omnibus deliciis despectu penitus habitis, quas littera-  
rum suauitas, optimorum auctorum tractatio, doctorum  
hominum repetita consuetudo, eruditorum & sui aman-  
tium animis instillare consueuerunt. At non ita quos ex-  
pressit Christianus Rhetor; Magno, ait, & excellenti inge-  
nio viri, cum se doctrinæ penitus dedissent, quidquid laboris pote-  
rat impendi, cōtemptis omnibus & publicis & privatis actionibus,  
ad inquirendæ veritatis studium contulerunt, existimantes multo  
esse præclarius humanarum diuinarumque rerum inuestigare ac*

Lactan. in præ-  
fat. lib. 1. de  
fals. religio.



scire rationem, quàm aut struendis opibus, aut cumulandis honoribus inherere. *Luculenter ut solet. Doctrina enim ipsa*

— pretium sibi, solaque lare

Claudianus  
Panegy. in  
consul. Manl.  
Tho. in prin.

Fortunæ secuta niter, nec fascibus ullis  
Ergitur, plausu petiit clarescere vulgi,  
Nil opis externæ cupiens, nil indiga laudis,  
Divitiis animosa suis, immotaque cunctis  
Casibus, ex alta mortalia despicit arce.

Epist. 16. lib. 7.

*Hæc omnia, ætate nostra intimè nota, & vitæ institute comprobata fuere, vni ferme IOH. VINCENTIO PINELLO Cl. viro, cuius nunc vitam in publicæ rei commodum, & in veteris amicitia testimonium exordimur. Eiusce rei specimen, ab ipso, ineunte etiam adolescentia exhibitum, testem habet PAVLVM MANVTIVM, qui anno MDLXVI. per epistolam OCTAVIO SANMARCO gratulatur, quod se Patavium studiorum gratia contulerit, & amicitiam cum PINELLO iniuerit, in hæc verba; nam de IOH. VINCENTII PINELLI consuetudine nihil dico, non enim dubito, quin ipse iam perspexeris, quæ sint in illo iuvene virtutes, quæ probitas, quæ humanitas: ut omni dignissimus honore sit, qui tamen ab omni honorum cupiditate, sola vi tate contentus, longissimè distat. hæc ille. quæ sanè laus, ut ut ad animi compositionem, & ad institutionem educantium referatur, manat etiam à maiorum præstantia, & nobilitate; fortes enim creantur fortibus, ut in confesso est. Cuius domesticæ ornamentæ compendium hic attingemus, non quia monstrari egeat, sed quod ea demum germana laus est nobilitatis, quæ inter maiorum imagines aditum sibi com-*  
*parat*

parat ad immortalitatem. Gentis PINELLÆ unius è duo de trīginta Reipub. GENVENSIS nobilioribus & antiquioribus, meminit VBERTVS FOLIETA, his verbis: Lib. de Clario  
Ligurib.  
Gens PINELLA nobilis & peruetusta, multos egregios atque insignes viros, patriæque perutiles tulit. At encomium hoc, ieiunum fortasse visum, extorsit acris iudicij viro laudationem illam, qua vix ullam apud eundem reperias ampliorum. ea sic se habet: Gens enim PINELLA apprimè nobilis, turbulentissimis ciuitatis nostræ temporibus, procul ab omni fastu & ambitione, ab omnibusque ciuilibus contentionibus remota, cum nullo loco operam & industriam suam Reipub. subtraxerit, nullumque illius procurandæ aut munus vnquam intermiserit, aut laborem subterfugerit, non tamen aut ex malis publicis crescere vnquam studuit, aut per publicam priuatumue cuiusquâ iniuriam in altiore potentia aut dignitatis locum ascendere contendit. FOLIETÆ præclarum testimonium de familiæ PINELLÆ splendore & vetustate, comprobabit minimè nouitius scriptor ELEUTHERIVS MIRABELLIVS, cuius de Gothorum Regibus sermonem habentis hæc sunt; Ex familia PINELLA ortus est ILDOVALDVVS sextus Rex Gothorum. Exscripsit hæc FANVSIVS CAMPANVS, auctor nondum editus, cui Lib. 1. cap. 10.  
Gentes Italicas illustriores, earumque origines recensere curæ fuit. Eius mihi copia facta est ab amicissimo viro PAVLO TAEGIO, cuius animi candorem, & multiplicem rerum usum, liberalemque doctrinam, PINELLVS noster magni semper fecit. Sunt autem qui neruose asserunt (rumore ne domestico, an certis argumentis nixi, non satis scio) PINELLOS Cypro oriundos, manasse à Regia Lusianorum domo. Mihi neque in horum, neque in Eleutherij ver-



ba iuranti, compertum quidem est, gentem hanc insignibus præditam ornamenti, inter Italicas clariores recenseri iure meritò posse. Ideoque ego domestica PINELLORVM ornamenta consulto prætereo, Senatores videlicet, Militiæ Præfectos, Reipub. Duces, & alios complures, optimè de posteritate meritos viros, quorum, domi forisque, ad laudem, & gloriam extant gestarum egregiè rerum præclara monumenta. Summorum item Pontificum, & Regum aliquot perhonorifica decreta, INNOCENTII scilicet VIII. cuius avia PINELLORVM Gentilis fuit, ALEXANDRI VI. FERDINANDI patris, & ALPHONSI filij, Arragoniorum regum, quorum mihi omnium diplomata videre contigit, lubens omitto, rem actam minime acturus. illud sane satis superque fuisset, DOMINICI PINELLI Cardinalis amplissimi nunquam intermorituræ laudes, instituta narrationi leuiter aspersisse: at iis, optimo quidem fato, scriptorem alium tanto oneri parem obtigisse gratulandum. Supra gentilitia ut diximus decora, IOH. VINCENTIVS noster, natalibus Neapolim patriam fortitus est, Urbem Italicarum ferè omnium nobilissimam & elegantissimam, quam loci amœnitas, & Urbana nobilitatis splendor eò prouexerunt, ut Hispanis, qui nunc eius potiuntur, vernacula vocis, qua Italicè Neapolin appellamus, illud Hispanicum etymon unicè probeatur, quo Urbs Neapoli ornatior in eorum ditione extare usquam pernegatur. Et sane Hesperidum Alcinoique horti, præ Neapolitano agro ignobiles inamœniq̃ fuerunt.

*runt: nec aliunde videtur maximus poëtarum laudanda Italia, multiplex illud, & nobile argumentum arripuisse. Eximia enim sunt illa, tractusq; huius terrarum pecu-  
liaria,*

*Sed grauidæ fruges, & Bacchi Massicus humor  
Impleuere: tenent oleæque armenta que lata.  
Hic ver assiduum, atque alienis mensibus Aestas,  
Bis grauidæ pecudes, bis pomis utilis arbos.*

Virg. Georgic.  
lib. 2.

*Et profectò apud nō iniquos rerum aestimatores, quid mollius eo celo? quid uberius eo solo? quid hospitalius illo mari? Splendidiſſimam igitur patriam nactus PINELLVS, nascitur anno MDLXXXV. patre COSMO, animi maximi viro. Huic Ennianum illud animo voluenti, Multos rem suam bene gessisse patria procul, Genua placuit Neapolim proficisci, magnam ibi copiosamque mercaturam facturo. Et vero Genuensium priuatæ publicæque cum Hispaniarum Regno contractæ rationes, Neapolim eos frequenter aduocant, cuius regni non contemnenda hodie portio Genuensibus cedit. Negociationem autem liberalem illam & minimè sordidam, ciuibus vrbiū liberarum & probari, & ornamento esse, extra contro-  
uersiam est. Ex quo capite COSMVS apprimè laudandus, quem Bartholomeus Maranta probæ vitæ, sanctæque religionis vnicum exemplar appellat. In quam sententiā Folietæ; COSMI enim eximia animi moderatio, & nostræ ætati conspecta, & posteritati memorabilis inprimis est. nam nemo in quærendis opibus castius est versatus, famamq; & mentem ab omni sordium & auaritiæ labe integriorem purioremque seruauit; & iis opibus partis, quæ ad cultum honorificè tuendum sufficerent, modo cupidi-*

Cic. Epist. 7. ad  
Trebatium lib. 6.  
fam.



piditati salubriter posito, omnique qua stus genere, ac sollicitudine valere iulla, præclarum exemplar postens ad imitandum in se constituit. præterea, nulla in te priuata ac ciuili vita modum excessit, præterquam in ædificiorum magnificentia, sumptibusque in filiorum cultum, in belis, in aulis Regum, in gymnasiis magnificentè tuendum largè suppeditadis: qua in laude perpetuæ & contestatæ gentilitiæ commendationi proximus fuit. *Nupsit COSMO CLEMENTIA RAVASCHERIA e Lauanæ Comitum nobilissimo stemmate, Bariensis, vti appellant, Prioris filia. Suscepit is ex ea filios sex: mares quaternos, fœminas binas CORNELIAM & LVCRETIAM: illa IOH. SIMONI CARACCIOLLO, hæc ANTONIO GVEVARAE collocatur. Capuæ ille, hic Nidi primarias equestris ordinis curias (vulgo Seggi) domestica dignitate attingebat. Spectat autem ad quinas patriciorum hæsc curias, seu conuentus manis, Neapoli urbana annonæ, & ciuili Iuris procuratio, quibus è stato, & legitimo familiarum numero quinque Viri ex urbana nobilitate præficiuntur. Eò procures itare, tum Reipub. tum animi gratia consueuerunt, ex quo fit, vt magnam etiam apud exteros consecutæ sint hæ publici Consilij Sedes sermonis hominum celebritatē. Ei filiorum qui primus natus est, GALEATIO nomē fuit. IOH. VINCENTIVS secundo loco, CAROLVS, qui admodum adolescens periit, tertio, IVLIVS quarto editi sunt. IOH. VINCENTIO contigit vt geminus nasceretur; eodem enim partu, & vt ferunt octimestri, infrequenti admodum, & dubiæ videlicet vt medicis placet, vitalitatis, cum CORNELIA sorore prodit in lucem. Et sanè æquum erat admiranda*

*randa vita peimordia illi obtingere, cuius ingenium, & vitæ rationem posterì nunquam satis admirabuntur. At COSMVS pater cum ad ~~M~~<sup>M</sup>. CCC. aureorū summā rem domesticam & familiarem, felici euentu redegisset, IOH. VINCENTIO tum Patauij degente, obiit iam octuagenarius. Is filium qui reliquos ætate anteiret, ceterosque deinceps e familia maximos natu, amplissima Primigeniorum iura testamento sibi habere iussit. Dum viueret, oppidum Neapoli proximum comparauit, Iulianum nomine, loci deliciis insigne, & incolarum frequentia: ibi ipse Prætorium elegantissimum, per amœnos hortos, laxa viuariorum septa, regio prope more excitauerat. <sup>Anteq.</sup> ~~Pauo~~ antequam vita excederet, mercaturæ nuncium (quod etiam FOLIETA testatur) lubentissimo remisera, atque à maiori natu filio minoribus certam pecunie partem testamento legauerat, quam GALEATIVS religiose persoluit semper, IOH. VINCENTIO præsertim, & quidem magna cum accessione, quod fratris enixos ad virtutem conatus vir ornatissimus vnice amaret: ideoque inter hos fratres ad vltimum vsque vitæ spiritum gratia non rara, mutuique amoris specimē periucundum animaduersa: & quod mirere, adeo fratrum omnium horum pectoribus IOH. VINCENTII virtus infederat, vt si quando dissidiorum exordia vxoribus filiisue seu affinibus (vt fit) incidissent, tunc eum per litteras non consulere, eiusque rescriptis non obsequi religioni haberent. GALEATIVS adolescens ad  
beli-*



bellicam gloriam aspirauit, nauauitque strenuam operam PHILIPPO II. Hispaniarum Regi in bellis, Senensi, Truentinoque, & ad Echinadas nobili illo nauali certamine, quo Turcarum opes debilitatae afflictaeque, nostris maris imperium veluti precario concesserunt. Itaque GALEATII spectata industria PHILIPPVM allexit, vt Turonensem Ditionem, quā ille in Lucania sui iuris fecerat, Marchionatus titulo ornaret, cui beneficio maius quidpiam adiectum volens, eundem Acheruntinum Ducem declarauit, cum Acheruntiam vetustissimam Apuliae ciuitatem, cuius Horatius meminit, quaeque hodie Acerenza, sibi acquisiuisset. Viri huius encomium ex FOLIETA desumptum exscripsimus, quia narrationi nostrae animaduertimus non minimo ornamento futurum. GALEATIVM in paterno sinu, paternaque cura & diligentia educatum, omnesque artes non modò libero homine, sed summæ fortunæ amplitudine dignas edoctum, non magis paternæ peramplæ opes, quàm suæ ipsius virtutes ac merita extulerunt, quippe qui omnia vitæ munera cumulata implerit, omnesque officij gradus erga propinquos, & ditioni subiunctos, atque ad eò omnes homines, persanctè, & diligenter seruauit: nam propinquos & amicos liberalitate & hospitalitate, subiunctos vero æquitate, iustitia, charitate coluit, veritatis in omni vita retinentissimus. Duxit uxorem, LIVIAM nomine, è vetustissima familia Squarciafica, à qua dotis nomine accepit, in Iapygia Galatenz Marchionatum, Galatena, Cupertino, Velia, & Librano, elegantibus oppidis insignem. Delectatus est is polytropia quadam, & varia peregrinarum rerum experientia, quam ipse sibi, non peruolutandis libris, vt IOH. VINCENTIVS, sed profectio-nibus pepererat, & gentium externarum moribus indagandis. Et profecto biuium hoc ad ciuilem prudentiam ducit regis & compendariis itineribus. Libri enim, vt sensit Demetrius Phalerens, nos de plerisque admonent, quæ ne amici quidem audent attinge-

c usq. tantū sunt  
ba Foketæ, qua  
rūtur sui Acheris.

re: turpia honestaque omnium ætatum exempla ob oculos ponunt, quæ à vitio auocent; quæ ad virtutem impellant. Peregrinatione verò, nisi quispiam secum ipse peregrinetur, tanta rerum vis, tanta vndique colligitur sapientiæ copia, vt quisquis illa afficitur, ceteris excellere videatur. Itaque nobilis ille orbis terrarum peragratior, domo Tyanæus, conducere adolescentibus aiebat, voluntarium sibi met ipsis exilium indicere; hoc tamen, vt nihil aliud, profecturis (quæ fuit GALEATII PINELLI sententia) vt res admirari desinerent, seposita, quod nemo non præclarum ducat, eorundem ignorance. Ita mihi ille, cum ipsum officij gratia Neapoli aliquando conuenissem. Decessit is de vitæ statione anno MDXCVIII: exacta planè ætate, omnium pene hominum ordinibus Neapoli eius mortem dolentibus. cuius viram summo cum splendore traductam probarant, cuius virtutem, cuius prudentiam non semel experti erant. Vnicum filium reliquit COSMVM aui cognominem, qui partem iam gentis existimationi, præstantiori aliquo decore consultum in posterum volens, magni Cancellarij munus è septenis Regni Neapolitani, post Proregem, insignioribus, grandi pecunia, LXX. aureorum millibus coëmit, successitque CÆSARI DAVALO, magni illius Vastij Marchionis filio. Proceres Neapolitani per molestè tulerunt, honorem eum sibi ereptum, & in peregrinum hominem collatum; egeruntque cum PHILIPPO REGE, vt emptionem irritam faceret, quod aduenis hæc capessere non liceret. At COSMVS, & exemplo ANDRÆ AVRIÆ affinis sui, quæquæ olim magno munere fuerat Neapoli functus, & gentiliis meritis, apud Regem obtinuit. *At in semitam redeuntes, lectorem monitum volumus, secuisse nos narrationem hanc vitæ PINELLIANÆ in præcipuas sectiones duas. Continebit altera, quantopere IOH. VINCENTIVS eruditionem eruditosque amarit, quo conatu in scientias incubuerit, quo delectu nobilium ingeniorum monumenta conquisierit, qua demum via peruenerit ad fastigium immortalitatis. Complectetur altera, tum mores eiusdem, animique ornamenta, tum vitæ, cultus, nobiliumque in-*

Philostratus  
lib. 2

stitutorum rationes, quibus ipse quoad vixit laudatissime usus est. Perspicuum hinc erit & constabit, primum, ingentem eam esse voluptatem, qua perfunditur serius, qualis ipse omnino fuit, litterarum amator: deinde cuilibet qui velit ipsum imitari, latissimum patere (curis & ambitu procul) existimationis & gloriæ campum, in quo summa cum animi tum corporis tranquillitate, Philologia & Musis comitantibus, versari possit. Verè enim ille; Vnam esse ex omni laudum genere, ingenij gloriam, qua sine vlla cuiusquam querela perfrui ad extremum usque homines soleant. Quibus accedet in corollarij non minimi vicem, mentis molestias, & animi aegritudines leuari semper, abigi plerumque, suauissimis illecebris studiorum, quæ & ipsas eruditorum animi remissiones condire adeò solent, ut quæcunque sine illis aliquando obtigerint, insuaves prorsus animi palato videantur. Optime igitur indolis puerum IOH. VINCENTIUM pater eruditus viris, nobili Philosopho IOHANNI PAVLO VERNALIONI in prisimis, tradidit instruendum, qui eum breui græcè latineque doctum, ad eum profectum euexerunt, ut litterarum humaniorum periodo Neapoli absoluta, Iuri civili, Philosophiæ, & Mathematicis non perfunctoriè fuerit initiatus. Vidit hæc prædicauitque Bartholomæus Maranta insignis Medicus, qui Methodum suam simplicium medicamentorum euulgaturus, inscripsit eam anno MDLVIII. IOH. VINCENTIO, tres tunc & viginti annos nato. Appellat autem in epistola ea quam editioni prefixit, doctissimum medicum.

Bar. Maranta.



dicarūque materiæ peritissimum: *hec addens*; huc accedit, quod bonam partem eorum quæ in meo libro continentur, in tuis hortulis obseruauimus, in quibus quam plurimas plantas ex variis regionisq; regionibus, magno illas quidem impendio aduectas, perpulchrè alis, de quibus sæpe etiam inter nos commentati sumus, innumeras admirabilesque naturæ varietates magna cum admiratione pensitantes. *Ille vero eiusdem MARANTÆ quàm præclara!* Hanc Plantam, non contemnendis coniecturis, Dioscoridis Pistacium credit esse IOH. VINCENTIVS PINELLVS, vir (vt ceteras animi dotes propè innumeras taceam) materiæ medicamentorum vt quouis alius peritissimus. *Neque hoc tantum adolescens callebat, sed & alia plurima, si eadem Marantæ credimus, ita scribenti*; Nam etsi in grauioribus studiis à teneris vsque annis versatus, in primisq; in Iurisprudentia, atque in re tam Philosophica quam Mathematica, in quibus ita excellis, vt nulli eorum qui sese in iis iactant concedas; Medicam tamen materiam ita perfecte calles, vt omne studium in hac vna scientia consumpsisse videaris. Hoc vero eò magis mirum est, quod non minus in Græcarum litterarum, Latinaque eloquentiæ, & poëticarum rerum studiis præstas. *Vt ex his in magnam admirationē tra-*  
*ducamur, qui fieri potuerit, vt omnia hec in adolescentem conuenirent; præter suauissimos & sanctissimos mores, de quib. ita MARANTA;* adde & optimos integrosq; mores, quibus omnib. te, nobilissimamq; familiam tuam, ita exornas, vt pater tuus COSMVS. probæ vitæ, sanctæque religionis vnicum exemplar, hoc vno in primis se felicem prædicet, ac iucundam se agere senectutem testetur; nihilq; te non sibi de te magnum, quod prudentem virum sperare deceat, promittat. *At quia musices cognitio sapientibus viris non minima Philosophiæ portio semper visa est, eò quod humanas affectiones egregiè curet, animosque ab officio deflecentes in semitā reuocet, ideo etiam*

Lib. 2. cap. 7.

huic operam suam impensam voluit, praeunte domestico tunc & familiari praeceptore Philippo de Monte, quem vidit nostra aetas Phonaſcum Caſarei Chori. Animi recte conſtituti indicia hæc ſunt, quæ uſque adeò Philoſophorum quidam olim comprobarunt, ut ſe matutinos ad lyram componerent, ſomni torporem & ſomniorum deliria ablegaturi. Animaduerverat autem hic noſter, domi, inter amplexus parentum, & familiarium obſequia, in vrbe deliciarum plena, militariſ & equeſtribus, quàm Muſarum ſtudiis aptiore, non peruenturum ſeſe ad eam gloriæ metam, quam ſibi deſtinarat, ideò Gymnaſij Patauini fama permotus, quod ceterorū in terra Italia Policletæam normam appellariſ, captusque nomine, & amore

—— Vrbiſ tam nobiliſ æuo,

Quàm ſtudiis, & Dardanio poſitore verendæ.

profeſſionem incēpit meditari, repugnante tamen patre, iam ſenio conſectō, qui ſpes ſuas omnes in hoc uno adoleſcente collocarat, cui iamdiu reddituum ampliſſimorum procurationem ſenex optimus mandarat, nullis unquam ab eo exactis rei familiaris rationibus, ut olim narrare IOH. VINCENTIVS conſueuerat. Perſtabat uti diximus in ſententiâ pater, ægreque chariſſimum filium à ſe diuelli patiebatur, cuius rei teſtem damus SCIPIONEM AMMIRATVM, qui in dialogum vernacula lingua conſcriptum, Marantam Medicum narrantem induxit, IOH. VINCENTII patrem profeſſionem hanc ſummopere aſperna-

tum,

Iacob. Ruſin.  
Patau.

Dialog. Symb.  
heroic.

tum, quod eum Neapoli etiam putaret proficere in litteris posse. Subdit idem, filij voluntati tandem obtemperasse indulgentissimum patrem; & sese tunc, nobilissimi adolescentis precibus, hoc propositum, crescentis lunæ symbolo expressisse, adiecta epigraphe, **REDIBO PLENIOR. IOH. VINCENTII** virtuti (cuius se olim prædicat coniectorem) id symbolum datum. Narrat ibidem Maranta, intuenti sibi gloriam, qua hic adolescens maxime excellebat, emblema huiusmodi excidisse; arcum videlicet ita intentum, ut cornua propè coire videantur, imposita sagitta, cuius ferri acies in cælum tendat, & <sup>omnia</sup> ~~omni~~ inscriptū, **SIC ITUR AD ASTRA.** Hæc, quæ ille pluribus, hic ea mente recensui, ut ex illis, patris in **IOH. VINCENTIUM** amor, ut quæ Neapoli discessuro impedimento fuerint, ut qua fama celebritate notus fuerit, adolescens annos natus quinque vel sex supra viginti, deprehendatur. **AMMIRATI** dialogus prodit anno **MDLXII.** quo, si, lunæ plenæ instar, absoluerat vniuersum orbem disciplinarū, asserēte Ammirato vaticinatum se, & multo ante prospexisse præclaros **IOH. VINCENTII** ad gloriam, & immortalitatem conatus, quò peruenisse dicemus eum, qui spatio **XL.** annorum in eodem vestigiis insistens, eadem studia, nunquam remissa, vehementi illa animi contentione, fuerit amplexatus?

— Vno se pectore cuncta vetustas

Condidit, & maior collectis viribus exit.

Huc pertinet aliud emblema, quod ipse sibi Patavij degens concinnarat; terrarum orbis, quem serpens ambiret hori-

Claudianns.  
Panegy. in  
consula. Manl.  
Theodor. in  
princ.



zontis in more, & huic superstans radiato capite albens columba, adscriptis sacrosancti Euangelij verbis, ΓΙΝΕ-  
 Matth. c. 10. ΣΘΕ ΦΡΟΝΙΜΟΙ ΩΣ ΟΙ ΟΦΕΙΣ ΚΑΙ ΑΚΕΡΑΙΟΙ ΩΣ  
 ΑΙ ΠΕΡΙ ΣΤΕΡΑΙ, docturus, prudentiam sibi non vassri-  
 ciem placere. Oderat ille versutos, fallaces, & veterato-  
 res, qui subdolis ingeniis virtutis nomen obtenderent, in-  
 formi persona virtutum parentem prudentiam dehone-  
 stantes: aliud agere aliud simulare improbum ducebat,  
 cui nefas fuit semper, non ita se gerere, uti inter bonos vi-  
 ros bene agere oportet. Prudentia autem sine simplicitate  
 calliditas est, simplicitas sine prudentia, stultitia. Sym-  
 bolum hoc, in auctarij vicem, imagini IOH. VINCENTII,  
 quam amici ΜΗΜΟΣΤΥΝΟΝ, in æs affabre incidi cura-  
 vit, adiunxit MARCVS VELSERVS II. VIR Augusta-  
 nus, humaniorum litterarū, & Catholicæ religionis laude  
 clarissimus. Gestabat ille quandoque aureum annulum  
 signatorium, in cuius palatidem aurea hic idem colum-  
 bæ orbis & serpentis character extabat, nullis tamen ad-  
 scriptis litteris, nisi quæ circuli pars interior digitū ample-  
 xatur, ubi hæc è Pindaro incisa: ΜΑΚΤΥΝΟΝ ΤΕΛΟΣ ΟΤΑΕΝ.

Pind. ode iv.

Vtebatur hoc ille, quoties se rei alicuius commoneferi opus  
 esset, excitans sese Pindarica gnome, ut innueret, momen-  
 tum præcipuum conficiendi negotij, in arripienda occasione  
 consistere. Venit ergo Patauium PINELLVS vergente  
 iam anno MDLVIII. indicante id Maranta, qui sub ini-  
 tium Iulij mensis eiusdem anni, ita ad Gabrielem Fallo-

In princ. Me-  
 thod. simpl.  
 Medicament.

pium

*pium Medicum primum scribit; De PINELLO, est enim* iuuenis, præter antiquam generis nobilitatem, & Græcis, & Latinis litteris impensè eruditus, & cum liberalium artium ferè omnium cognitionem profiteatur, tum in hac ipsa de simplicibus medicamentis scientia plurimum excellit, in primisque in expendendis doctissimorum virorum sententiis acriter pollet iudicio, quod & tute ipse fatebere, cum illum intus & in cute (ut dicitur) noueris: paucis enim post mensibus Patauium studiorum causa se recipiet.

*Hoc postremum caput confirmat epistola Hieronymi Seripandi Archiepiscopi Salernitani, & maximi Cardinalis, qua ille anno MDLIX. Patauium ad IOH. VINCENTIVM Italicè ita scribit, inter cetera, gaudere se sibi, quod ex laudatione sua in funere CAROLI V. optimi Imperatoris, arripuerit occasionem amicitie cum PAVLO MANVTIO contrahende. Hinc duo præterea eliciuntur: alterum; iam tum à magnis Viris PINELLI habitam rationem, alterum, hoc anno eam cum MANVTIO consuetudinem & amicitiam iunctam, ut hic nunquam Patauium veniret, quin ad PINELLVM hospes familiaris diuerteret.*

Lib. 4. epist.  
selectior viro-  
rum illustriū.

*Placebat patri, ut in Gymnasio Patauino Iuris prædicationis operam daret, spectanti nimirum opes & existimationem, quas I. C. nostro & patrum ævo longe maximas habuere. Aula Romanæ amplissima munera animo reuolvebat COSMVS, quibus filij studia pridem destinarat, ideoque cogitabat (ut ALPHONSVM SOTVM Dominicanum instituti Sacre Theologiæ in Gymnasio Patau-Professorem narrantem memini) Apostolicæ Camere, ut*  
vocat,

Lib. 4. epist. 5.

*vocant, Clericatum ipsi comparare, quæ sententia iamdiu  
 federat & GALEATIO fratri, Duci Acheruntino. Neque  
 patri aliquandiu non obtemperavit IOH. VINCENTIVS,  
 ut ex Paulo Manutio discimus, cuius hæc verba;* Magna  
 fuit, atque etiam nunc inter homines est de genere vitæ controuer-  
 sia, cum alios ita doctrinarum cognitio delectet, ut ab agendis re-  
 bus abhorreant: alij non sibi tantum, verum etiam amicis, & pa-  
 triæ, planeque omnibus hominibus homines esse natos existi-  
 ment, ex quo sequitur, ut scientiarum studiis vltimum rerum ante po-  
 nant; hoc discrimen, in quo valde pro sensu partium dubia veritas  
 fluctuat, tu quidem, quod ad te attinet, optime PINELLE, opti-  
 misque & eruditis viris meritò charissime, egregia quadam, vulgo  
 non satis cognita, ratione sustulisti; simul enim vtrumque studium  
 complexus es, tum earum disciplinarum, quibus exulta mens v-  
 berrimos in omni fortuna ferre fructus solet, tum Iuris civilis,  
 quod alienos ad usus maximè porrigitur: ardua res & operosa, quod  
 exemplorum declarat inopia; sed ingenio tuo nihil difficile.  
*Hæc ille ad PINELLVM, uti paret, adolescentem; cum per-  
 gat scribere:* in Philosophia quidem, cum operam studiosè des-  
 M. Antonio Genuæ, cui veterum doctrinarum arcana patent, quo  
 nemo peritior Aristotelis interpres, nemo vir melior usquam viuit.  
*Et inferius:* Hauries enim ex eodem fonte, non ea solùm quæ  
 vel olim in Lycæo, vel etiam in Academia disputabantur; sed id  
 quod longe præstantius est, Christianam pietatem, à qua manat v-  
 na, & in qua item vna Philosophia perficitur. *Obiit autem Ge-  
 nua Anno M D L X IV.*

*Jam verò, cum Philosophiæ Philologiæq; suauissimis  
 fontibus labra admouisset, Iurisconsultos cum operosis illis  
 suis voluminib. res suas sibi habere iussit, eo animi ardore,  
 ut cum ipsi pater pecuniam curasset, qua Iuris interpre-  
 tum libros coëmeret, in Græcos ille codices, Eustathium  
 præ-*



*præsertim, nobilem illum Homeri explicatorem impenderit. Scio ego non deesse, qui hac studia effusius rideant, perinde ac inania quædam, & fluxa, quæ neque nobis ornamento, neque aliis vsui sint: dedecere hæc Principes viros, & verè nobiles, ad quos publicæ rei administratio pertinet, quorum operam familiarium, & cognatorum commodis inservire par est. His Picus, Italia nostræ Phœnix, In lib. epist. unica responsione faciet satis. Scripsit is olim ad Andream*

*Corneum, studia hæc non ad ostentationem, sed ad cultum animi dirigi, in quo vno consistere legitimam felicitatem: cùm ipsius Philosophiæ studio nec ad vitæ constantiam, nec ad delectationem animorum ullum maius, aut melius à Deo munus homini datum sit. Et nemo certe negabit, quin PINELLVS rectè fecerit, & sapiënter, genio, quo se ad has artes raptari intelligebat, indulgendo. Carnificina ingeniorum nulla maior, quam promiscuè, & sine ullo delectu impellere hominem in ea studia, quæ ipse fastidiat, & auersetur. Hinc torpent animi iuuenum pestilenti hoc sidere afflati; hinc bonarum artium, & bonæ mentis verius, contemptus, & odium;*

*hinc rerum tumor, & sententiarum vanissimus strepitus, Ut ille* Petronius in Princ.

*ait. Neque aliunde fœdi plerumque exitus, quos tum deum vitareliceret, si patres sapientis naturæ monita non aspernarentur. Prodit in hanc sententiam grauißimus auctor Plutarchus, Apollinem Delphicum Romanæ elo-* In Cicrone

*quentiæ parenti, qua ratione ad immortalitatis fastigium peruenire posset consulenti respondisse, hoc illum affecturum, si ad propensionem, præscriptumque naturæ, non ad*

*sententiam aliorum vitam institueret. At is, fame & gloria præposterè sitiens, vulgi rumusculis percitus, & domesticorum commodis consultum volēs, ultro se perditum iuit, non secus atque ille,*

Demosthenes,  
Iuuenalis  
Sat. x.

*Quem pater ardentis massæ fuligine lippus,  
A carbone & forcipibus, gladiosque parante  
Incude, & luteo Vulcano ad Rhetora misit.*

*Illud sane obseruandum (ut in orbitam redeamus) sinistro genio, & inuita Minerva aliquid agere dicerēne temerarium esse, ne quid dicam maius.*

Patauij PINELLVS cum Dominico, gentili atque affine suo coniunctissimè vixit, quem non multo post vidit, & lubens, clarissimum Cardinalem; amicosque tum primum habuit excoluitque; officiis sane omnibus, Guidum Vbaldum è Marchionibus montis, Cæsarem Benedictum postea Pisauensem Episcopum, AVGVSTINVM VALE-  
RIVM, doctrinæ etiam tum sanctitatisque meritis ad Veronensem Episcopatum, & ad Cardinalis honorem prolu-  
dentem; Iohannem præter hos, & HYPPOLITVM Aldo-  
brandinos, quorum alterum vidimus Cardinalem, Sum-  
mum Pontificem alterum. Vixit Patauij annos III. su-  
pra XL. per quos nemo fuit apud Italos vel externos qui in-  
genij laude clareret, qui non PINELLVM officiosè obser-  
uarit, & quamuis consilium mihi sit ab eorum indice con-  
texendo abstinere, ne lectores tædio afficiantur, eos tamen  
parcè admodum recensebo, quos narrationis series, siue re-  
rum gestarum fides, ad finem properanti obtulerint. Id-  
num

num, exquisitum sane & singulare, haud silentio præter-  
eundum, anno videlicet MDXCIIIX. CLEMENTE VIII.  
Ferrariam Romæ profecto, ut eam urbem ex morte AL-  
PHONSI II. Atestini caducam reciperet, Cardinalium &  
insignium virorum plerosque omnes, qui ut Venetias se  
conferrent Patavium attigerant, ad PINELLVM honoris  
gratia diuertisse. CAESAREM Baronium Card. in pri-  
mis, amplissimi ordinis decus, quem æui nostri lumen nos  
Romæ nuper morte interstinctum cum bonis adeò omnibus  
doluimus. Baronio aderat ROBERTVS Bellarminus,  
doctorum votis, & propriis meritis diu olim designatus  
Cardinalis, qui & ipse congressus est cum PINELLO, ge-  
stiente præ gaudio, quod tunc temporis domi sibi inuisere  
contigisset, quos non nemo in disitis undecunque regio-  
nibus maxima cum admiratione veneraretur. Memi-  
niq̃ue ego Card. Borromæum iuniorem, probum illum non  
minus quam eruditum, & alios complures litteratos viros,  
audisse me Romæ dicentes, sibi non alia de causâ Patavi-  
nam urbem videre in votis fuisse, quam ut PINELLVM  
fama notū, de facie agnoscerent. Percupivit hoc I. Lipsius,  
quid scripto etiam testatum voluit; spero enim (ita ille) Epist. cent. 3.  
quia penè decretum mihi, sub annum instantem sæcularem in Ita-  
lia me siltere; & absit ut ea exeam, nisi te videam & amplectar.  
quid exeam? imò cum inibo, hoc fiet opinor: & inter prima &  
calida desideria mea est, ut hoc reddam effectum. Viue, viuam: nisi  
casus aut vis impedit, videbo. Et verò tantam eruditorum  
consensionem quis admiretur? nemo opinor, nisi qui igno-  
rabit, PINELLI domum Patavij animorum Prytanæum,

ad Italos &  
Hispanos.



*Bibliothecam ingeniorum, Musæum doctrinæ fuisse & eruditionis. Vixdum IOH. VINCENTIVS Patavij domicilium collocarat, cùm acerrimo studio ductus nobilium quotquot erant rerum dignoscendarum, quo ipse ad extremum usque vitæ spiritum honestissimè flagrauit, Tridentum proficisci decrevit, ut ibi sapientissimos, & religiosissimos orbis Christiani viros de maximis Catholicæ religionis dogmatibus consultantes, & agnosceret, & audiret. Socium sibi peregrinationis ascivit IOH. Franciscum MVSATVM Patricium Patavinum, Philosophum cognomento, litterarum omnium apprimè scientem, qui morum elegantia, & vitæ innocentia PINELLVM sibi adeo deuinxit, ut nihil supra. Contigit autem MVSATO, IOH. VINCENTIO superstiti esse, ut nimirum defuncti vicibus in re litteraria tuenda & exornanda, ut facit, persunderetur. Linguas hic noster non tantum Græcam, & Latinam callebat, sed & exoticas quoque, Hebræam, Gallicam, Hispanicam, quarum & auctores perpendere, & speciem formamque amare, & intuitu iamdiu nouerat. Vernaculum sermonem ita pridem excoluerat, ut nitorem in eo suspiceres & elegantiam, non elaboratam concinnitatem. & sanè prodit animum frequenter oratio; nec aptius vitro facies, quàm sermone mores exprimuntur.*

Hor. ad Pisones.

Format enim natura prius nos intus ad omnem  
Fortunarum habitum; iuuat aut impellit ad iram,  
Aut ad humum mœrore grani deducit, & angit:  
Post effert animi motus interprete lingua.

Neque

Neque vero pœnituit Patanium secessisse. Hic enim  
 eousque in scientiarum cognitione profecit, donec omnibus  
 admirationi esset. Audiui ego eum domi sepe sæpius maxi-  
 mis de rebus in eruditorum corona differentem, animad-  
 uerti quæ, mirari omnes quotquot aderant rerum selecta-  
 tarum copiam cum orationis splendore certantem. Pro-  
 prium Græcorum fuit, ex tempore dicere ad proposita om-  
 nia. Extemporalis huius eloquentiæ auctor laudatur nobi-  
 lis Sophistes Gorgias Leontinus, à quo arripuere Græci, à  
 quibus Romani. Abstulit autem secum bonarum artium  
 interitus exercitationem hanc, quæ linguam acueret, ex-  
 cogitandique celeritatem compararet. Excitauit vero  
 PINELLVS magno cum fructu, ut qui orationem mente,  
 & sententiarum gravitate honestaret. Hinc HIERONY-  
 MVS MERCVRIALIS, magnus ille sine controuersia Iatro-  
 nices, cui medica ars ornatum debet selectum illum & pe-  
 culiare, quo pristinam dignitatem nunc demum abundè  
 testatur, in admirationem actus. aliquando cum PINEL-  
 LV domi audisset, egrediens (aderant ibi forte commu-  
 nium amicorum plerique) ecquem ait Vidistis viro huic  
 multiplici doctrina conferendum? comprobauere qui au-  
 dierant, nec iniuria profecto. Hæc enim quæ diximus ita  
 eminebant in ipso, ut in his regnare propè omnibus vide-  
 retur. Ostentatio tamen ab eius dictis factisque procul abe-  
 rat, nihil de se magnificum, præclarum uerè sentientis; quo  
 fiebat, ut egregium duceret senescere se, ut ille olim, semper

addiscentem. Si quando verò, ut inter loquendum fit, animaduvertebat, asseruari à se libros, scripta, aliæque quæpiam recondita ac singularia, quæ amicis visa hætenus non essent; ea promere, atque adeo commodare ultrò nec petentibus auebat. Quo studio incitatus, in usum omnium, difficile dictum est quantis laboribus vir natus ad litterariæ reipub. commoda fuerit perfunctus. Vera hæc, & citra assentationem dicta. Is enim quæ volebat valde volebat; Lydium ingeniorum lapidem dixisses, amicorum omnia non secus ac sua ad amissim explorantem. Reposcebat ille ab amicis eandem sedulitatem; quam tamen præstare contigit admodum paucis, quos ille (ut par erat) aureos homines appellabat. Et profectò plerosque eximia illa diligentia, ne dicam morositas deterrebat, non æstimantes quanti intersit temerè ne, an consultò quidpiam agas. Instruxerat ille præclaram hanc suam discendi cupiditatem ope multorum, qui eadem voluptate afficerentur. Hos non in Italiæ, Europæque Urbibus modo sed & in oppidis, vicisque selegerat, quorum industria continenter vteretur, ad quos epistolas schedulasque oportune misisset. Illud sane in PINELLO mirandum, quàmnam ratione ipsi per imbecillam valetudinem luceret tot rerum meminisse, tot negotiis sufficere. Et verò hanc ille sibi præter ceteras methodum præscripserat; ut perlectis amicorum litteris, earum capita compendiarie via in codicem referret. Hunc sibi proponebat responsurus, sepositis epistolis, in quarum mox

tergo



ergo adnotabat nomen eius qui scripsisset, annum, diem, locum, & negotiorum indiculum. Harum fasciculos singulis hebdomadis in cistulas transferebat. Ad litteras cum demum responderat, selectas in manipulos cogi, annorum, mensium, septimanarum, dierum habitaratione digerere, & in vnum secludi imperabat. Consueuerat in super tabulas sibi quasdam conficere, in quas referret ea omnia quae ipse ab amicis quae ipsi ab eo vicissim postularēt; descriptisq; sumis negotiorum, petentiumq; nominibus, vno intuitu discernebat quid actum esset, quid agendum restaret: re cōfecta, nomina inducebat, postquā rescripta cum codice contulisset: & omnia manu plurimum sua conscribebat, (duobus quibus egrotauit annis exceptis) ne scilicet vlla in re officio deesset, neue cuiquam minus diligens videretur.

Et quamuis firma satis non sit amicitia, si qua, velut tibicines, vtrò citroque concursantium litterarum sibi vicissitudines postulat, quae nutantem infirmiusculamque fuscillent, frustrari tamen desideria amicorum inurbanum sanè est. Negociorum refertam epistolam scriptitanti, mos erat præcipua capita subdita linea indicare, vt eo confestim excurreret legentis oculus. Ego profectò neminem noui, tum in scribendo, tum in respondendo, PINELLO diligentiorē; cū enim annū Romæ secularem integrum exegerim, neminem omnino tabellarium, cui non ad me litteras daret, sibi vnquam elabi passus est, quantumuis æger, & medicis conclamatus decumberet. Id omnem superat admirationem, quod cū

Ioan. Picus in  
epist. ad Andr.  
Cornicum.

per

per annum è lecto surgere non licuisset, febrienti sine intermissione, vexato stranguria intimisque doloribus, lithiasin vesica, & renibus laboranti, ad extremum tandem quà tabe, qua nimis vigilis redacto, quòd inquam hæc & non minora patienti, libri tamen, scriptiones, plantæ, semina, fossilia, nummi veteres, & alia huiusmodi, nunquam ex animo exciderint. Dolori (quod mirum) ita imperabat, ut vnus medicis proderet, non ostentaret; mecum sanè interdum, & cum amicorum nonnullis strictim, & aliud agens, de morbi grauitate conquestus, illico digrediebatur, hilarem se, & communem præbens ad miraculum vsque. Hinc, ni fallor, patet quanti intersit præclaris actionibus consueuisse. Amplectitur enim eas animus, neque se ab iis vllò patitur incommodo diuelli. Obstrepan licet, obtundantque, hinc animi egritudines, inde corporis morbi, is qui semel, serioque litterarum suauitati animum adiecerit, attendet vni sibi non minus, quàm fidicines & circulatores in magna hominum celebritate. Actum sanè de bonis artibus esset, nisi ipsæ id amatoribus suis præstarent, quod de plebe sordidis & illiberalibus non paucis lucri cupiditas. In eam curam, dum vixit, ardentè incubuit, ut libros editos, manuscriptosque, linguarum doctrinarumque omnium in vnum cogeret, cui operi destinaret scriptores librarios plerosque, quorum ipse vnus operas ferè omnes mercede conduxerat. Bibliotheca eiusdem, quæ inter omnes penè Italicas, ac ferè dixerim Europæas,

*Una eminebat. Quinquaginta annorum opus fuit, magni ex eo saltem æstimandum, quod accuratissimus Vir in illud vnum contulerit curas suas omnes & cogitationes. Effinxerat eum ad hoc munus natura, quam ipse solertia & ingenij acumine eo usque prouexerat, ut non magis frequentes olim Apollinis tripodas consulentes, quam Bibliothecas instructuri PINELLVM inuiserent, à quo veluti à cortina Musarum, aurea huiusmodi rerum præcepta domum referrent. Librorum numerum mihi incompertum, ex eo inuestigare quis poterit, quod Neapolim post eius obitum capse librariæ plus minus centena tricenæ delatæ sunt. Et sanè librorum quos probitas, aut probitatis plerumque comes raritas commendaret, paucos admodum in eius Bibliotheca desiderasses. Jurisconsultorum commentarios non passim, sed parce admodum, & cum delectu admittebat, veluti Alciatum, Budaum, Cuiacium, Duarenum, Goueantum, Augustinum, & ceteros qui ius ciuile in pristinam dignitatem restituerunt: alios ab his longum valere iusserat. Hanc illi fortasse mentem PAVLVS MA-*

*NVTIVS iniecerat; Non enim te arbitror studiorum tuorum elegantiam ineptissimis, planeque barbaris quorundam scriptis inquinare velle, quæ cum immensa sint, pleraque tamen inania, laboris & molestiæ plurimum, utilitatis & oblectamenti minimum habent. Hac ille. Nundinarum Francofurtensium, Venetorumque bibliopolarum librarios quotquot erant indices sedulo perlustrabat, & ab amicis qua Italicis qua transalpinis omnia diligenter in bibliothecæ ornamen-*

Lib. 4. ep. 5.



tum percunctabatur. Si quid Romæ, Florentiæ, Parisiis, Antuerpiæ, Augustæ Vindelicorum, Venetiis, & alibi, PINELLIANA bibliotheca dignum prodiret, non deerant, qui vixdum edita volumina, & quaterniones aliquando è prælo recentes PINELLO misissent. Vidimus etiam doctorum hominum plerosque, egregios dico & nominis magni, ad suam dignitatem pertinere arbitratos, Musæum PINELLI exornari commentario quoque in suis. Vidisses ibi sphaeras cælestes, terrarum globos, organa Mathematica, tabulas geographicas, hydrographicæque, antiquorum ædificiorum typos, ichnographias, orthographias; fossilium rariorum prædiuitem metallothecam; loculos præterea forulosque, in quibus plurima eorum, quæ ars, naturæ ad ostentationem elaborarunt, condebantur. Veterum numismatum copiam non affectavit: selectioribus tamen nonnullis unice delectatus, quæ anti-quariis figeret crucem, studiosius quæsituris, si quid in ipsis reconditi eruditiuæ lateret. Uno ille Neronis nummo inuiso hæctenus & valde singulari, ingenia prouocauit complurium eruditorum, obtinuitque ut symbolum per-obscurum, amici conscriptione, quatenus licuit, illustraretur.

Laurentius  
Pignorius.

Recentiorum libros empturus, disquirebat an habenda esset fides titulis, qui speciosis plerunque verbis, ineptissimis voluminibus lenocinantur. Ideoque bibliopolarum consensu inuestigationi huic impendebat horas aliquot,  
malæ

male emptionis fastidiis obuiam iturus, quæ exprobare iugiter stultitiam domino solet. Librorum qui olim prodierant iteratas editiones cum primis cōferebat, & si quid additum seu demptum intellexerat, in eorundem margines referebat, magno cum sui tum aliorum fructu. Accidit enim sæpenumero, ut optimæ notæ libris frequentes editiones suauitate adimant, & probitatem. Bibliothecam hanc suam conspici, aut contrectari haud patiebatur, quod, ut ipse dicebat, variarum rerum congeriem informem contineret: cum tamen omnia aptè disposita essent, & suis quæque regionibus collocata. Artium porro, quas ingenuas appellamus, unaquæque suas hic, easque perpetuas stationes habebat. Grammaticen dico, Rhetoricen, Dialecticen, & ceteras; quarum agmen claudebant grauiores illæ, quibus mores formare curæ est, & rerum humanarum diuinarumque arcana contemplari. Harum omnium scriptores in varias dialectorum tractationumque classes distributos, antiquos à recentioribus ætatum series distinguebat. Armaria litteris quadratis, loculi numeralibus notis insigniti, elementario indici respondebant, in quo libros descriptos omnes habebat. Perquiramus cum PINELLO si lubet Plinij codicem; syllabus ipsum dabit in elemento P. cui scrinium adscriptum T. cum loculo III. & ad hanc rationem omnia. Libros manuscriptos tum chartaceos, tum in membranis, seorsum ab impressis in bibliothecæ umbilico, ut ita dixerim, collo-

carat. *Incluserat* verò capsis, extructis ad eam altitudinem, vt in summis, tanquam in mensa abacoue, locari orbés cœlestes & terrestres, & alia huiusmodi statui commodè possent.

*Commentarios demum, libellos, epistolas, historiolas, & alia huius ordinis, quæ ipse plurima anxie coëgerat, insigni collocatione aptis & accommodatis locis composuerat. Cui rationi rerum disponendarum, vti studiosis non iniucundæ, paulisper immorari operæ pretium duxi. In fasciculos ille singulos coniciebat commentarios aliquot, quorum scriptioni narrationis alicuius, bellicorum verbi gratia apparatus, rerum hortensium, similiumque, scopus propositus esset. Hos fasciculos in libri morem, non tamen compacti, charta emporetica operiebat, cui inscripti unus pluresue characteres elementarij, prout manipulorū numerus exigebat. Scriptiunculas quotquot erant, chartæ puræ folia disparabant, cum adscripta numeri cuiuspiā barbarica nota. Hæc omnia vno aut altero exemplo illustrabuntur. Jnerant congeriei, A, nobilium Mathematicorum scripta, inter quæ commentarius CAROLI TECTII de Circini Usu, notatus 18. In codice F, quem rebus Hispanicis destinarat, numeralis nota 31. Escuriaci descriptionem, aliæ quæpiam Caroli V. Tunetanam expeditionem indicabant. Ad manum erant hæc omnia ope codicis, quem in elementarias sectiones dispertitum indicem vocamus. In hoc sub littera, A, censebantur ea,*  
*quæ*



*quæ ad Mathematicas disciplinas, nota numerali præeunte. Exempligratia,*

1. Commentarius Galilæi Galilæij, Florentini Mathematices Patauini Prof. pro Copernico aduersus Iacobum Maritonium.

2. Iosephi Moletij de emendatione anni.

*In quem ordinem redegerat ea omnia, quæ primo illo elemento complexus erat. Subsequebatur littera B, quæ sub usdem numeris alia continebantur, apta nihilominus inter se & conuenientia. Neque Verò ad calcem codicis huius deerat libellus alter, in quo, elementaria ratione, summa quedam capita descripta essent omnium quotquot erant Manipulorum, hac methodo. Nota, V, res omnes Venetas indicabat, coniectas in fasciculum G G. Demus ergo, collubitum fuisse illi commetarium perlegere de æstu Veneti maris, quod Hadriaticum vocant, ad alterum ille indicem hunc actutum confugiebat, à quo ad priorem illum amandabatur, elementa G G inspecturus. Hic ille rerum Venetarum breuiario perlecto comperiebat, latere commentarium de æstu maris sub numerali nota 28. congeriei illius cuius character duplex G.*

*Non adeò faciles aditus (ut diximus) præbebat ipse ad hanc suam bibliothecam inspicendam. Iis Verò, qui illaudata periergia ducti, nullius pretij homines, illam videre affectassent, omnino interclusam volebat: sufficere dictitans commonstrari illis imagines illustrium virorum, quarum decurias aliquot in domesticis conclauibus asser-*

uabat. Hocidem VRBANI DVCI propositum olim audiui. Inuisenti enim mihi aliquando Pisaurensem eius bibliothecam, refertam optimorum librorum, admiranti quod esset ornamentorum, tabularum videlicet, signorumque inanis, bibliothecæ Præfectus respondit, dedita opera id factum, ut ne illuc conuolarent, quire litteraria non afficiuntur; multos enim bibliothecas inspicere, ut oculos, non ut animum oblectent. Illud sane in PINELLO apprime laudatum, quod libros libenter commodabat, doctis præsertim, & eis quos breui restituturos opinabatur, quorum si qui opinionem sefellissent, librosue inquinassent, aut corrupissent, his iterum petentibus duriusculum se præbebat, velut & illis à quibus ipse vel quidpiam impetrare non potuisset, vel quos rudes, & imperitos arbitraretur; Ennianæ sententiæ memor: Benefacta male locata, malefacta esse. Cum verò commodare aliquid nollet, utebatur communibus quibusdam non inurbane inficiationis locis, quorum ille princeps, librum qui peteretur iamdiu cum aliis Romæ esse. Annis enim ferme viginti antequam decederet, affinium flagitationes elusus, amandauit Romam capsas librorum duodeviginti, quas illic quoad vixit manere voluit, ut affines negocium sibi facessere desisterent, illuc aliquando ut ipsi rebantur migraturo. Statim atque librum commodauerat, describebat in schedula præter diem, nomina tum auctoris, tum illius qui accipiebat. Quæ omnia adiuncto conspicio aliquo ligneo, vel char-

chartaceo segmento inibi reponebantur, ubi statio libri erat, ut mittamus, relata hæc in codicem huic<sup>uni.</sup> rei designatum. Didicerat hæc ille ab Attica Musa Xenophonte, cuius verba Latine reddidit nobis maximus Oratorum Cicerone in hanc sententiam: Hæc postquam omnia secreuimus, tum suo quæque loco disposuimus, deinde quibus quotidie serui utuntur, quæ ad lanificia, quæ ad cibaria coquenda & conficienda pertinent, hæc ipsa ei qui uti solet tradidimus, & ubi ea poneret demonstrauius, & ut salua essent præcepimus. *Addit autem;* Hæc annumerata ipsi exscripsimus, eumq; admonuimus ut quodcunque opus esset sciret unde daret, & meminisset, atque annotaret quid & quando & cui didisset, & cum recepisset ut quidque suo loco reponeret. *Et sanè quis non videat plurima ordine destituta pessumire? Vetus est prouerbium, paupertatem certissimam esse, cum alicuius indigeas, uti eo non posse, quia ignoretur ubi proiectum iaceat quod desideratur.* Pergit porro grauissimus Philosophus sententiam suam obuiis & de media hominum vita arreptis exemplis comprobare, in choro canentium, exercituum, militum, armamentorumque in naui, quæ omnia rite disposita & usui sunt, & voluptati. Hæc omnia aptus & conueniens rerum ordo præstat, & alia non minora, veluti expediri citra laborem omnia, omnia celerrimè confici, seruosque rudes quantumuis & ineptos imperatis esse omnino pares. Videtis apud PINELLUM nostrum, decennem puerum Hieronymum nomine, qui refertissimæ (ut diximus) Bibliothecæ seriem ita mente & memoria complexus erat, ut omnia Domino, nutibus penè poscenti, protinus exhiberet.

Apud columella lib. 12. de re rustic. c. 1. & 3.

Inui-



*Inuidit mors conatibus pueri, qui IOH. VINCENTIO triste sui desiderium reliquit. At quia ad ordinem, quo vir clarissimus est egregie usus, nostra delapsa est oratio, quid vetat prodere nos minuto, at sane cōcinno exemplo, quanto is odio perturbationem prosequeretur? Pecuniam si quando vel dare vel exigere necesse erat, antequam numeraret, disponere per series, nummorum & metallorum classes cōsueuerat primum, argentum videlicet ab auro, maiorem à minori pecunia disparare, cōponere deinceps eas monetas, quæ idē penderent, postremo adnumerare. At vero vt narrationibus huiusmodi in futurum abstineamus, illud faciet ab eodem fonte haustum, Pinelliano videlicet, à quo nihil impurum, turbidum nihil nos unquam manare animaduertimus. Aestimabat ille ex rei veritate temporis iacturam, quam is faciat necesse est, qui nullam sibi proposuit actionum suarum rationem. Sunt in hac vita plerique male feriatī, quos non pudeat bonas horas nihil agendo, male collocare; eos non ineptē similes iis dixeris, qui pecunias, qui patrimonia prodigunt. Vt enim ab his frustra effusarum pecuniarum rationem extorqueas, cum multas liqueat impensas esse: ita illos vitæ lapsus, temporis fuga nequaquam admonent perire sibi non cogitantibus rem adeo pretiosā, & contra humanum votum, aditum immortalitatis obserari. Rem sanē dignam Democriti risu. Sunt qui nummi vnius iactura non parum affligentur, diei vel horæ, atque adeò anni non item: cū tamen hæc abeant*

abeant in præceptis haud unquam remeatura. At quia non sunt hæc publici gustus, ad PINELLVM reuertamur. Is à me cum audisset, MARCVM CORNELIVM EPISC. PATAV. clarissimum lumen ordinis sui, frequentibus aduentum, & salutantium officiis distineri; monuit, ut ipse ANTONII PERENOTI CARD. Granuelani factum ob oculos proponerem. Is dum pro Rege Neapoli esset, matutinarum horarum statas quasdam, & certas, quibus se conueniri volebat constituerat. Iusserat etiam, ut aditurum vespere præcedenti nomina profiterentur, è quorum ipse agmine XII. aut XV. seligebat, quos admitteret. Curabat autem ne inanibus exordiis tempus sibi & reliquis profuturum dilaberetur. Quo factum, ut cum aliquando admissus nescio quis iactare cœpisset, se Archiatrum esse, conductum publico ære, & alia quedam ad dignitatem, ut ipse opinabatur suam, non exigui momenti, exceperit Cardinalis, per me esto ut lubet, reiicienda hæc in aliud tempus, nunc ad rem de qua agimus aggrediamur. Ita ille garrulos, & molestos in publica commoda peccantes, coercere solitus. Curabat sibi PINELLVS librorum editorum inuentu difficilium quotquot comparari poterant exemplaria, tum ut haberet quod substitueret his, quæ casu vel furto pereunt, tum ut prospiceret, si quando iis egerent, commodis amicorum. Quod de libris diximus, de commentariis calamo exaratis dictum puta. Autographa enim perire sibi nolebat, exempla lubens commodare, at-

que adeò largiri consueuerat. Desidiam & torporem ingeniorum maximè insectabatur, quo fiebat ut amicorum eruditos impelleret semper, ad noui quidpiam vel pangendum vel meditandum. Si quid vero animaduernerat dignum quod hominum manibus tereretur, in amicorum pluteis latere, tum demum omnes machinas admouere, ut ne studiosis diu inuideretur, libris, opera, & presenti pecunia iuuare. Huic PINELLI rei litterariæ promouenda studio, non pauca doctorem virorum monumenta accepto ferenda. Testis de semetipso CAROLVS SIGONIVS,

Præfat. de iure  
Prouinc.

Me verò ut hæc facerem (IOH. VINCENTIVM alloquitur) cum res ipsa per se cognitione dignissima, tum tua in primis auctoritas impulit, quæ in omni re semper apud me plurimum valuit. Et infra. Quoddam mea sponte propter summum meum erga te studium, tuamque constantem erga me voluntatem eram factururus, ut aliquo te scriptorum meorum genere appellando, veterem meam necessitudinem notam posteris facerem, id mihi multo iustiore ratione in hoc libro retinendum esse duxi, ut quod te potissimum hortatore opus ad exitum perduxissem, id etiam in manus hominum in tuo multo ornatissimo nomine darem.

Lib. de vino  
& aqua.

Hieronymus etiã Mercurialis hæc olim præfatus: Complures aguntur anni ex quo Patauij, atque etiã in ædibus tuis, ad quas veluti ditissimam quandam disciplinarum omnium officinam, & cunctorum litteratorum celebrem conuentum, quotidie concurritur, de vini abusu semel differentes, in eam incidimus disputationem, vtrum ad nutrienda corpora hominum adeo conduceret, quemadmodum à veteribus esse putatum passim existimatur, cumque te recepissem, interdum me ea de re publicè esse in prælectionibus meis seriò locuturum, ad perficiendum non modò es adhortatus, verum etiam sæpenumero ita acriter influmasti, ut cui nunquam denegare quicquam iam tunc statueram, in negotio admodum utili & iucundo potissimum esse parendum iudicaerim;



*Et in fine ipsius epistolæ, inquit: collatis simul pluribus scriptorum exemplaribus, publicari mandavi, tibi quæ primario similis huius laboris & auctori, & patrono, dedicare volui, ut cum ab hoc dogmate minimè prorsus coram me aversus sis visus, si non mordicus tueri, saltem non infructuosum penitus fuisse conatum ostendere possis. Emisit cōscribentibus hæc nobis librum cui titulus:*

INDAGATIO VERÆ ET PERFECTÆ DEFINITIONIS  
LOGICÆ, HORATIVS CORNACCHINVS, *vir pietate*

*& doctrina insignis, in quo studium hoc sibi compertum*

PINELLI nostri extare voluit, honorificis hisce verbis: Præfat.

Non defuerunt etiam, qui acerrimis stimulis me ad incœptum prosequendum incitarunt. Præ ceteris, dum viveret IOH. VINCEN-  
TIVS PINELLVS, immortalis memoriæ vir, atque in omni optima-  
rum artium genere versatissimus, præcipuè verò in rerum abdita-  
rum causis, naturæ quæ arcanis perferutandis, studiosissimus & cu-  
riossissimus, cuius optima, & suavissima consuetudine utinam mihi  
diutius frui licuisset. Sed hanc mihi felicitatem mors invidit, quæ  
cum rapuit, cum miram hominis eruditionem, morum quæ suavi-  
tatem degustare vix cœpisssem. Ad hunc quasi ad oraculum con-  
fluebant omnes litterarum studiosi, non Italiæ modo, verum etiam  
totius ferè orbis terrarum: cuius rei testis est ingens epistolarum  
vis, quæ undique ad ipsum quotidie mittebantur. Cum hoc itaq;  
præclarissimo viro, hæc meas cogitationes cum quandoque com-  
municassem, vererique me dixissem, ne nova promulgando sermo-  
nem alicui de me darè, ille me valde hortatus est, ne ab incœpto de-  
terrèrer, quod diceret, noui aliquid proponere, si tamen id neq; re-  
merè neq; sine ratione proferatur, haudquaquam verendum esse.

*Et quoniam studiorum similitudo amorem parit, littera-  
tos explicari non potest quantum amauerit. Non ille se  
incondito affectuum impetu raptare patiebatur nouerat  
quid & quatenus amandum. Vetus dictum haud de ipso  
dictum: Amans quid cupiat scit: quid sapiat non videt.*

ANTONIUM QUÆRENGVM CAN. PATAVINVM dilexit

unicè, affectus suauitate morum, animi candore, diuinarum humanarumque rerum, & nobilium linguarum notitia penitior. Vidit hæc probè RANVTIVS PARMÆ DVX, non paternis tantum laudibus insignis, à quo est euocatus QVÆRENGVS, ad historiam cōscribendam, quæ res ab ALEXANDRO eius patre clarissimo Imperatore in Gallia & Belgio fortiter gestas, pro dignitate complecteretur. Eius ego specimen historiæ, ac veluti vniuersæ narrationis typum, visum & laudatum magnis viris, perlegi summa cum voluptate, gratulatusque sum sæculo nostro extare, quod & in hoc genere conferre cum optimis antiquorum possimus. Cum Quærengo eximiè amauit Claudium Puteanum Nob. Gallum, cuius non fictæ laudes, & amplissima munera recensentur à Iacobo Augusto Thuanò, è quo hæc descripsimus: artissimam in Italia amicitiam coluit cum IOH. VINCENTIO PINELLO Patric. Genuensi, omni litterarum genere ac rerum cognitione viro excultissimo & Philologorum fautore eximio, quam crebris officiis, postquam domum rediit, semper renouans, ad mortem vsq; seruauit. Oderat PINELLVS eos qui in hoc vniuersitatis theatrum, quem mundum vocamus, spectatum introducti, oculis tenus, tanquam hospites minimè curiosi, eo munere fungerentur. Allicit nos ad sui spectaculum natura variis admirandisq; imaginibus, quas qui despicit, idem se brutorum plerisque inferiore fateretur necesse est. Haud ita hic noster. Quicquid enim natura aut arte admirandum, quicquid bello pacè in insigne in Europa dum is viueret vssiam contigit,

Ex libro cix.  
historiarum.

id

id penitus scrutari pulchrum ducebat. Multiplices amicorum narrationes, delineationes varias, eo studio congeribat, ut nihil supra. Exemplum sit in multiplici iride, & tergemino sole anni MDCI. VII. ID. Februarij: Patauij, Venetijs, Romæ, & alibi, phasma illud sibi describi, & commentariis explicari curauit, ab amicis quorum periergiâ aliàs probauerat. Aetas nostra librorum tum veterum tum recentiorum oppidò ferax, paucos vidit in eo genere litterarum quas humaniores vocamus, quibus non inscriptum alicubi esset PINELLI nomen: & sanè decebat honorificè appellari eum, in cuius bibliotheca viri docti maxima studiorum suorum præsidia collocata intelligebant. Nimium hic & fastidiosum sit, recensere PANCIROLOS, SCHOTTOS, PERSIOS, SALVIATOS, & alios non paucos, quibus placuit eam PINELLO mercedem rependere, quam Milesius Thales sibi persolui optauit. V-

Apuleius in  
Florid. lib. 4.

nus certè SIGONII testimonium quin adscriberem mihi ipsi imperare non potui, adeò luculentū est & singulare.

Omittam, inquit, illud, quod vere mihi videor posse dicere, eum esse te, quem ego cū propter veterem erga me animi propensionem vnice diligam, tum propter variam præstantium multarum artium cognitionem, & incredibile ac constans virtutis ac scienciæ studium, omnibus istius ætatis ac dignitatis hominib. anteponom. Itaque cū in te omnia eluceant quæ præclara videri hominibus atque eximia solent, Genus patriæ claritas, Pinellæ familiæ decus, Cosmi patris optimi ac magnifici viri splendor, fortunarum amplitudo; tu hæc omnia perpetuo vno virtutis, ac doctrinæ, quo flores studio ita obscurasti, ut qui te laudant, hoc in maximis tuis ornamentis ponant, quod his omnibus quæ vulgo homines suspiciunt posthabitis, solam laudem ex beneficentia, comitate, multa-

Sigon. in præf.  
lib. I. de antiq.  
iur. prouinc.



rumque atque egregiarum disciplinarum notitia confectis.  
 Fuerunt plerique qui ne de facie quidem noto librorum  
 suorum patrocinium commendarent: tum ut cum eo ami-  
 citiam inirent, tum ut ex eius nomine libris quos edebant  
 existimatio non vulgaris, sed doctorum hominum accederet.  
 Quas rationes LUDOVICVS SEPTALIVS clarissimus  
 medicus obuersatas sibi profitetur, cum PINELLO suos in  
 Hippocratem commentarios nuncupauit. Neque minus  
 laudatum quod mox narraturi sumus. Ab ipso, tam-  
 quam tabularia Musarum asseruaret, exquirebant qui-  
 bus id curæ, quid editum quid non, scriptorum ætates, no-  
 mina, & alia sexcenta, quibus ille scrutandis eum sibi re-  
 conditarum rerum apparatus congesserat, ut nulli non  
 faceret satis. Expertus <sup>hæc</sup> idē Sigonius, qui ad calcem au-  
 reorum librorum quos inscripsit de regno Italiae, hæc habet:

IOH. VINCENTIVS PINELLVS, vir plane in omni studiorum ge-  
 nere singularis, ac propter eximiam humanitatē inter omnes ma-  
 ximè memorabilis, qui non solum pretiosissimum ingentis suæ bi-  
 bliothecæ thesaurum totum explicuit, sed nullum etiam diligen-  
 tiæ atque impensæ officium in hoc opere prouehendo reliquit.  
 Experti ANTONIVS POSSEVINVS, & GUIDVS PAN-  
 CIROLVS, viri nunq̃ satis laudati. PETRVS PITHOEVS  
 vir rei litterariæ studiosissim⁹, ad nouellas Iuliani anteces-  
 soris hoc abūde testatus, sed & permulta debeo viro clarissimo,  
 & nunquam laudato satis, IOH. VINCENTIO PINELLO, ex cuius vni-  
 ca bibliotheca plura mihi de IUSTINIANO didicisse contigit, quam  
 ceteris omnibus.

Neque libris tantum inquirendis nauauit operam PI-  
 NELLVS; CAROLI CLVSII, VLYSSIS ALDOVRANDI,  
 FER-

Sigonius.

Biblioth.  
 De notit. vtri.  
 Imper.

FERRANTIS IMPERATI, & aliorum hortos, musæa, metallothecas instruere ornareque sat agebat; labores pecuniasque optimè impensas arbitratus, quæ in amicorum commodum, & publicam cederent utilitatem.

BORROMÆVS iun. Card. cùm insigniorum virorum autographa schedia discuperet, dignoscendis marginalibus librorum annotationibus calamo exaratis vsui futura, vni PINELLO negotium detulit, qui diu grauissimeque ægrotans, breui tot nobilium scriptorum manus congeßit, ut & Cardinali multa transmiserit, & sibi non pauca in bibliothecæ ornamentum reseruauit; Cuius rei gratia hæc ad PINELLVM IOSEPHVS SCALIGER; Duo autographa patris tibi mitto, fragmentum Epidorpidum, & indicis cuiusdam, quem locupletissimum in Galenum confecerat, ut vna opera perspiceres, quæ fuerit eius idiosyncrasia, tam in mundo quam in litura. Libros idemmet à PINELLO sibi comparari exoptans ita scribit; Nos magna in penuria librorum sumus, qui immanibus sumptibus bibliotheculam nobis paramus. Neque verò nostra caritas afficit quam raritas, quæ hic accendit pretium eorum librorum, quos alibi copia viles facit. Itaque sæpe cogimur inuiti ad opem amicorum confugere, quod fecit ut & tuam implorarem. Itaque quamquam sentio quàm inciuilem rem faciam, qui tuas meliores curas morer, ut te meis rebus adiutorem parem: tamen, nisi graue est oro te, ut tua opera ludæi curent mihi illos libros, quorum nomina in schedio seposui. Ego frustra illos libros in Germania, Anglia, & Italia conquisiui. Et infra. Non satis est semel perfruisse frontem, nisi rursus orem te, ut si qui nummi prisconum Principum Scaligerorum reperiri possint, quales apud patrem vidi, eorum aliquot, aut vnus saltem copia mihi fiat, quod mihi non solum maiorum meorum, sed etiam tuo nomine charissimum æquum erit.

FRANC. MARIA VRBINI DVX, quem veterum Regum studia emulantem admiratur etas nostra, PINELLVM consulere haud grauabatur. Idemque cum actarum in orbe nostro quotidie gestarum, quæ Imperiorum olim instrumenta qui rerum potiebantur in arcanis habebant, colligenda sibi decreuisset, ad vnum IOH. VINCENTIVM confugit, qui eius votis egregiè respondit. Is horum actorum per annorum seriem compositorum, non modicam vt ita dixerim struem adseruabat, in quam non ea tantùm quæ ipse singulis hebdomadis accipiebat, sed & quæ amici, descripta coniecerat; vt auctiora minimis etiam rebus, seu alia interdum à suis, animaduernerat. Minuta hæc, & alicui forsan leuiora, at cordatis viris secus. SPERO SPERONIVS, Patauinae Urbis decus & PINELLO persamiliaris, Plinianum illud commendabat plerunque; Nullum esse librum tam malum, vt non aliqua parte profit. Qui enim hac rerum gestarum cognitione delectantur, non oculos tantum auresque inani lectione pascunt, sed & animos exemplis instruunt, pretiosum sibi thesaurum ciuilis prudentie comparantes. Contemplatur animus, è præteritis euentibus doctior factus, ea quæ in conspectu sunt, & mala si qua impendent, minus fractus, bona, si qua aduentant, minus insolens opperitur.

Si quando ipsi aliqua de re dubitare contigerat, omnes quos penes eius rei arbitrium esset, consulebat, quorum responsa componere, & examinare solebat. Si quod denuo

Plin. iun. lib. 3.  
epist. ad Marc.



non liqueret, monebat modeste & cum fructu. Vnus Neronis nummus de quo dictum supra, fuit in causa, ut ego Romæ non semel PINELLI nomine FVLVIVM VRSINVM conuenirem, cui uni, & non immerito, detulit ætas nostra primas in antiquitatis reliquiis censendis & disquirendis. Admonuit ille me, ut ad PINELLVM, quem is magni faciebat, scriberem, non uni datum ut omnia sciret, relinquendas & posteris aliquas ingeniorum exercitationes, laudatum illud NE QUID NIMIS, in litteris etiam sibi locum vendicare, in quibus perquirendi modum qui sibi non constituit, is se plerunque inaniter discruciet necesse est. At non his se limitibus contineri volebat hic noster, qui plurima, abiecta aliis & desperata, hac ratione protulerat in lucem.

Accidit quandoque, perraro tamen, ut amicorum quissiam exposceret ab ipso librum commentariumue, quos ipse non nosset, quo veluti classico excitatus, perquirere, scriptitare, omnia miscere consuevit, eo studio, ut & ipsum non lateret si quid eiusmodi extaret, & pleraque eius generis præclara alioqui à tenebris & situ vindicaret. Adeius arbitrium diremptas vidimus omnes fere de humanioribus litteris controuersias, quæ inter nostri æui doctos viros in gymnasio Patauino, exortæ: in quibus tamen æquum se adeò & officij non immemorem præbuit, ut Biante maior, amicos amiciores habuerit semper. At verò ut bibliothecam suam, quam in oculis ferebat, quo-

tidie locupletaret, hanc sibi inter alias rationem proposue-  
 rat, ut à litteratorum, qui diem nuper obissent, heredibus,  
 librorum indices compararet, ex quibus ea omnia perdisce-  
 ret, quæ sibi in bibliothecam essent transferenda. Quod  
 tamen rarò admodum accidit, cum haud æquè dominis, ac  
 ipsi nota essent, quæ in cuiusque bibliotheca latebant. In  
 his vero perquirendis quàm fuerit accuratus, declaratum  
 volumus unico exemplo. Vir clarissimus Venetus idem-  
 què doctissimus annis præteritis Vita functus est, PINEL-  
 LO charus, ut plerique omnes Venetorum, quos doctrinæ  
 illicio, & nobilium studiorum amore sibi deuinxerat. Libros  
 aliquot magni nominis manuscriptos ille diu in deliciis ha-  
 buerat, quos IOH. VINCENTIVS diuenditos redemit, &  
 cum eiusdem bibliothecæ reliquias bibliopola nescio quis,  
 schedas videlicet, atque alia eius generis coëmisset in gra-  
 tiam falsamentariorum, re comperta, illico hic noster nobi-  
 les illustrium virorum epistolas perire non est passus. E-  
 missarios ille habebat, quorum industria ex orci faucibus  
 sæpe sæpius eripuit insignium virorum liberales labores, in  
 quam curâ qua sedulitate incumberet, ex eo patebit, quod  
 mox narraturi sumus. Cribrorum, cymbalorum, & ci-  
 thararum artifices, quod non modicam vim membrana-  
 rum in artificium suum absumerent, singulis saltem men-  
 sibus conueniri à suis volebat, & id optimo ut plurimum  
 euentu. Amicos PINELLVS sibi conciliatos similitudine  
 studiorum, tanquam exemplar aliquod intueretur sui,  
 singu-

singulari beneuolentia prosequeretur, eos præsertim quibus curæ esset rerum admirandarum, quæ ab arte vel natura proficiscerentur, accurata disquisitio: EDMUNDVM BRVTIVM in his nobilem Anglum, disciplinarum Mathematicarum, rerumque militaris, & herbariæ apprimè scientem, cuius ille commentationes non semel suspexit, cuius se quandoque imparem curiositati est ingenuè professus. Huius quam diximus disquisitionis ille in PINELLO character; quòd cum is aliquando nescio quò proficisceretur, animaduertit non incolarum mores tantum regionibus distingui; sed & herbas, arbuta que alia in aliis locis nasci, substituique à natura in denascentium locum quotidie recentiora, quæ quis tamen limitibus contineantur, ac si externi soli horrescerent peregrinitatem. His qui animum aduertit, confectum plerunque itinerum molestiis, ne ille in sinu Musarum conquiescens omnia rimabitur, abdita licet semotaque, nullum sibi temporis articulum sine fructu diffluere patietur.

Hominum quò quisque inclinaret atque propenderet illico peruidere solitus, non è Metoposcopi alicuius traditionibus, sed præstantium tot Virorum consuetudine congressibusque eruditus. Vnica illi allocutio penetralia eius cum quo loquebatur in conspectum dabat; Versabat enim sermonibus Variis, seria iocosis temperabat, Protea dixisses multiformem illum, nec præsagientem minus atque diuinum. His Verò quos intimè nosset, insignia co-



gnomina certas rerum notas plerunque procudebat, quibus animo propensiones, corporis formas, aliaque id genus indicaret. Modestos <sup>ille</sup> & verecundos suspiciebat; à garrulis & gloriosis, ut à pestiferis & nocentibus refugiebat. Bar-dos, & inelegantes formidabat, odio insito penitus à natura, quod in horridos etiam incomptosque præposterè in-urbanèue aliquid agentes erumpebat. Tu illum elegantiarum patrem meritò appellasses, ita omnia cum modo & ad præscriptum rationis sibi gerenda constituerat.

Communibus & urbanis mirum in modum delectabatur, sanniones à congressibus suis abigebat, turpe hominum genus, cui in gratiam alieni risus, insania perpetuò conuenit in manum. Eruditos quantumuis, maledicos tamen & intemperantes, oderat odio Vatiniano, quorum pridem consuetudini renunciarat, qui rem honestissimam fœditate morum debonestarent. Hos si quando necesse habuit, inuitus tamen admisit, egitque data opera ut animaduernerent illorum sibi congressum, colloquiumque haud probari; malle se cū illitteratis at bene moratis multum esse, quàm cum illis tantillum. Et sanè qui litteris & probitate animum excoluerit, is supra fastigium mortalitatis elatus, Dei opt. max. gentilis videri solet; at vero si quis mihi potestatem optionemque fecerit, ut eligam utras velim, litteras an probitatem, ineptus profecto sim nisi posthabeam illas huic. Quid enim distat litteratus uite informis à genis malis? dixerunt illos Græci Demonas

*nas, appellatione à scientia ducta, improbos licet artifices omnium scelerum libidinumque. Alexandri Olivæ Cardinalis dictum extat, præclarum illud sanè & memoria dignum, Probum ægrius euadere quempiam, quàm doctum: At illud huic longè præstare, cum ex integris moribus vberes magis, quàm ex bonis litteris fructus percipiamus. Doctrinam ergo & mores qui coagmentauerit, glutino pietatis religionisue, omnium ille sibi amorem conciliet necesse est. Hæc fuerunt in causa ut PINELLVS nobilissimam Societatē quam IESV appellamus, diligeret charamque haberet, in qua ille amicos habuit; ANTONIVM POSSEVINVM, AVGVSTINVM IVSTINIANVM, IVLIVM NEGRONVM, PAVLVM COMITOLVM, LAVRENTIVM TERTIVM, FRATRES GALIARDOS, BARISONOS, BISCIOLOS, FRANC. FORTECIAM, ALEXANDRVN GRANELLVN, RICHARDVM ESIVM, aliosque non paucos, qui morum sanctitatem cum doctrinarum cognitione sociarant. His officia omnia præstare, de his honorificè multa prædicare iamdiu assueuerat; huius societatis non Patres tantum sacerdotesque, sed & fratres quos vocant maximè admirabatur, ut quibus modus decorumque in omni vita sit in promptu. Ex hac PINELLI cum his Patribus consuetudine, suspicati sunt nonnulli fore, ut ipsis bibliothecam suam testamento legaret. Quod utinam factum, & memoriæ profecto suæ, & publicæ utilitati optime consulisset.*

Hier. Garimb.  
in vita eiusd.  
Card.

Domini IOH. VINCENTIVS quotidie conueniebatur ab omnibus quotquot Patauij litterarum ingenuarum ornameto nobiles erant, neque ab his solum, sed & ab aduenis, quieò ventitare gloriosum sibi ducebant. Hic docere & doceri pulchrum, quò nemo asymbolus veniebat unquam, nemo sine recondito aliquo munere litterario, quibus ille ut erat instructissimus ad docendum, parem gratiam retulit semper. Transalpinis hominibus, qui bonas artes non tralatitiè amarent, curæ erat cùm primum Patauium venerant, hunc nostrum de facie noscere, ab eoque in albo, ut vocant, amicorum tesseram philothesium sibi comparare. Has ille elegantie & amoris plenas concinnare solitus, in gratiam studiosorum, quos etiam munusculis plerumque prosequabatur. Religioni in congressibus habebat digredi, quantumvis necessariò, tantisper ab iis qui eum conuenerant, nisi prius libros aliæue illis è bibliotheca prompsisset, quibus moræ tedium leuaret. At quàm officiosus fuerit ex eo possis arguere, quod cùm ipsi cum plerisque, qui in Patauino Gymnasio profiterentur, amicitia intercederet, ipsorumque aliqui (ut fit) alter alterum non omnino amarent; haud tamen unquam is officij lineas transfuisset. Quo factum, ut & ipsi PINELLO certatim bene vellent, & is pacem inter ipsos non semel conciliaret. Pacis vero, concordieque adeò fuit studiosus, ut illi valde soleret in ore esse, dissuere qui possit, si incidat minus re-

cile



*Etè facere : comitate, ut innueret, facilitateque nihil non expugnari. Et sanè de PINELLO id predicare possumus, quod de Solone Plutarchus, nullis eum se in ciuitatis dissidio immiscuisse factionibus, non magis huic, quam illi fauisse, sed conatus omnes suos parasse in ciuium concordiam. Quos inuitus vel occupatior admittebat, in vestibulo domus excipiebat, stare vel deambulare solitus. Hominem enim præclara cogitantem, nihil æquè torquet ac temporis iactura, quam tum maximè percipit, cum otiosis ineptisue aures suas dedere cogitur. Iure & festiue Horatius, quem nescio quis de genere hoc miserandum in modum obtuderat:*

De instir. Tra-  
ian. Imper.

Lib. I. Satyr. 9.

Hunc neque dira venena, nec hosticus auferet ensis,  
Nec laterum dolor, aut tussis, nec tarda podagra;  
Garrulus hunc quando consumet cunq̃ue; loquaces,  
Si sapiat, vitet simul atque adoleuerit ætas.

*Moris ipsius fuit, omnes qui eum venerant salutatum, ad infimos usque scalarum gradus comitari, domesticos ut libet atque familiares. Irasebatur quippe ineptis quibusdam, qui nescio cuius existimationis magis, quàm amicorum rationem habentes, sanctissimum amicitiae nomen inani verborum gesticulationumque obseruatione turpissimè polluant. Ne vero fructus illos quos ex amicorum congressu perceperat, ulla sibi abriperet obliuio, cum illi abissent, secedebat is in cubiculum interius, ubi quæ præclara in colloquendo animaduenerat, in commentarium manu sua referebat. Imò & cum amici adessent, nuquam*

quam non illi ad manus fuit calamaria theca, ut summa rerum quæ placuissent capita, ne exciderent annotaret. In hos commentarios si quis fortè studioforum inciderit, istum denique leonem ex unguibus, ut dicitur, æstimabit. Testatus sanè mihi est Antonius Persius, selecta doctrina non minus quàm PINELLI antiqua familiaritate illustris, consuevisse IOH. VINCENTIUM adnotare ad omnes quotquot nancisceretur alicuius pretij auctores, uberiores & politiores notas, quas acerrimo studio ab aliis non conquirebat modò, sed & excogitabat ipse doctè & eleganter. Aristotelis libellum commonstrans amico, eiusdem contubernalis Paulus Aicardus, & quidem ad eum modum compactum, ut pagellæ puræ in usum scriptionis essent interiectæ, subdidit; en quæ IOH. VINCENTIVS elaborat Aristotelis interpretamenta. Fuerunt sanè qui crederent, habere præ manibus historicum quidpiam, quòd viderent anxie propemodum perquirentem quidquid ubique terrarum contingeret dictis factisque memorabile, Nomothesiã præterea explorantem, & Topographiam regnorum insigniorum, urbium, oppidorumque. At quid Aristotelicum interpretaretur, quidque operis ille seposuisset sibi, in quod unum præclaras studiorum suorum opes cõferret, nos adhuc ignoramus, ut ut simus anxie percunctati. Quocirca in eam sententiam deuenimus, ut arbitremur cum IULIANO MEDICE, LEONIS XI. magni Pontificis charissimo agnato, iuvene quidem ornatissimo, quem PINEL-

IVS ipse Unice amavit doctum. probumque expertus, dis-  
 plicuisse quidquid vel olim adolescenti, vel iam seni exer-  
 citationis gratia excidisset, assueto nihil probare, quod  
 non esset numeris omnibus absolutum; cum quotidie ma-  
 gno reipublicæ litterariæ detrimento, nec minimo cum fa-  
 stidio, videret scripturientes eos, & ineptè passim volu-  
 mina procudentes, qui litteras vix à limine salutassent.  
 Tantis curis implicitus, non abiecerat hic noster, ut pleri-  
 que faciunt, familiarium curam, in quibus probandis mi-  
 hi semper diligens, nonnullis plerumque difficilis visus est.  
 Es sanè formas speciesque verius rerum, quam res ipsas  
 intueri dixisses: adeo nihil non eximium perfectumque, spe-  
 ctare didicerat. In his, ut probitatem mittamus, nihil  
 æquè diligebat ac vigilantiam & attentionem, quas ut  
 acueret, nutu quandoque si quid fieri vellet, significare so-  
 litus. At si qua minus exaudissent, repetebat, subiratus  
 tamen, & stomachanti similis; quæ omnia eò tendebant,  
 ut illis socordiam excuteret. Quidquid imperasset ad vn-  
 guem factum volebat, ferebatque permolestè, si quid ipsi  
 aliquando non ex præscripto actitassent. Nihil non com-  
 ponebat, ipse & quidem meditatus, ad normam rationis:  
 hanc abuci, compendij vel sapientiæ obtentu, pati haud  
 poterat. Quo factò familiarium fastum, nimiosque spiritus  
 obtundebat, quorum est spe fortunatioris euentus, consi-  
 luque, ut ipsi arbitrantur præstantia, ab imperatis disce-  
 dere, cum detrimento ac perniciæ eorum, quæ ipsorum fidei



committuntur. Seruis enim, ut ille aiebat, utilius est parere quam consilium afferre. Cauebat autem hac in re, ut in ceteris, à perturbatione confusioneque, tum ut familiares sibi quisque attenderent, tum ut clamoribus & iurgiis abstineret: quod ita executus est. Locos plerisque insigniores in templo D. Antonij, quod in eius vicinia situm, memoria commendarat, in quibus quotidiana omnia, tum dicta, tum facta ordine collocabat. Quo subsidio munitus, ad vesperam in summa scheda notabat litteram I, præcipuam nominis sui, quæ agmen duceret eorū quæ in crastinum peragere constituerat. Hæc demum linea concludebat, sub qua per classes familiarium nomina, littera ut diximus capitali adnotabat, cum indiculo eorum quorum curam cui libet demandasset. Quæ tamen sibi reſeruarat, ut emissitios famulorum oculos celaret, Græcè scribebat. Exinde die crastina primo diluculo seruis in cubiculum accitis, curabat ut ipsi in scheda exscriberent, quæ singulis obtigerant, ea prope serie, qua & ipse descriperat. Si qui scribere nescissent (quod tamen raro admodum contingebat) scribebat ipse non inuitus. Quibus peractis, curabat unusquisque sua, quorum ipse dominus exitum in secessu bibliotheca præstolabatur. Qua methodo citra confusionem, & omnes quod sibi quotidie faciendum noscebant, & familiares, rudes licet, imperiti que, ingeniosi exercitati que breui euadebant. Torpentes ille tardosque, Lentulorum gentiles appellabat; & narrabat subinde

inde, FERDINANDVM Regem, Catholicum cognomento, earatione familiarium nouitiorum ingenia explorasse, Ut oēs iuberet officij negociiue gratia cōuenire: Et ad magnatum plerosq; amandaret, à quib. cum demū redissent, quæ dicta quæ facta sciscitabatur, atq; eadem opera quis aptus ad eiusmodi munia obeūda, quis secus, obseruabat. Seruorum peccata, quæ modò alicuius essent momenti, memoria mandabat hic noster Usque adeò, Ut nunquam ex illius animo discederent. Meminerat eorum multis post annis, interpellabatque sæpe sæpius, Ut eorum reprimeret confidentiam, meminissent ne quid peccassent, quid præpostere egissent superioribus annis eodemmet die? Horum familiam satis frequētem aluit, Et quod mirere, altum domi silentium inter tot capita, quorum plerunque est non modò eadem non sentire, sed perpetuò dissidere. Hos ille fidos licet, minimeque loquaces, ita instituerat, Ut aduenientibus amicis decederent statim, ne videlicet aut illi obliuiscerentur conditionis suæ, aut hi se adhibitis arbitris exceptos suspicarentur. Fisdem tamen ope vel consilio, indigentibus ægrotantibusque defuit nunquam, imo summa beneuolentia illis opibus, his adhibita medicorum opera, Ut conualescerent sedulo curabat, quo factum, Ut quod raro contingit, metueretur idem Et amaretur à suis. Horum agmen secum trahentem nemo Unquam vidit, vix vno cum processerat contentum, eoque frequenter amandato, cum copia comitis esset, qui cum deambulare Et colloqui lice-

*ret. At quia vt diximus, docere vel doceri eximiè auebat, recepit lubenti animo in contubernium doctos aliquot viros, quibuscum differere de re litteraria continenter & per otium posset. Nec sane minimum hoc ingeniorum incitamentum; cum intra domesticos parietes monitores alimus, qui forment studia nostra, qui animum excitent reuerentia sui, quos neque subrusticus pudor, neque inanis assentatio à dicenda sententia deterreat.*

*Horum primus (quod ego sciam) MICHAEL SOPHIANVS, à quo Græcè peritissimo eiusdè lingue hausit intimas notiões: cui deinde succedere nō magno interuallo, THEODORVS RENDIVS, CONSTANTINVS PATRICIVS, NICASIVS ELLEBODIVS BELGA, qui Latinè nobis Nemesium de natura hominis expressit, quem apud PINELLVM degentem anno MDLXVIII. magni, vt par erat, fecit PAVLVS MANVTIVS, callidus elegantium ingeniorum æstimator. Præter hos domi habuit BENEDICTVM OCTAVIANVM, res Philosophicas Theologicasque doctum, IOANNEM CORESIVM, & LEONARDVM SGVTAM, domo Chior., optimarū artiū studiis impensè eruditos, MARIANGELI ACCVRSII filiū FRANCISCVM ni fallor, insignem moribus & doctrina. At egregium hoc studium doctorum hominum iuuandorum, mala valetudo intercipere aggressa, obtinuit, vt præter binos I. Lipsij alumnos, neminem amplius domi habuerit. Horum alteri THOMÆ SEGETO nomen, alteri ERYCIO PVTEANO, cui*  
*erudi-*



*eruditio modestiaque adeo suffragata, ut primum artis Oratoriae interpretem Mediolani, & Chronographum Regium, deinde successum in præceptoris locum, in Louanien- si Schola declararint. His graue præclarumque testimo- nium impartitus I. LIPSIVS.*

Cæt. 3. epist. ad  
Italos & Hi-  
spanos.

*Quicumque hæc legetis,*

Testor apud vos ex animo, ERYCIUM PVTEANVM bene hone- steque natum, educatum, institutum: Ingenio ad optimas artes fa- cili, & tenaci, in vtravis lingua Græca, & Latina peritum, versu & prosa bonum, vita moribusque modestum, & plura etiam reperi- enda in eo si quis pernouerit, quàm hic dicam. Habet Mathesim, Philosophiam, Musicam quoque, & planè dignissimus est cui bene velit, siue bene faciat, quilibet doctrinam, elegantiam aut virtutem amat. Commendo vobis talibus hunc iuuenem, à mea quoque institutione & manu profectum: ac spero, vel confido potius gra- tiam me debiturum quidem, si quis mea causa bene fecerit, sed & habituros mihi, si qui propius, aut familiarius sibi iungent. Ro- go, fides mihi sit sincerè scribenti; rogo gratia aliqua & subsi- dium in mea scriptione. Louanij anno MDXCVII.

I. LIPSIVS Professor, & Historiographus  
Regius ipse scripsit.

*De Segeto vero hæc ille.*

Ead. cent.

*Qui hæc legetis,*

Testor apud vos serid, hac mea manu, THOMAM SEGETVM, gente & domo Scotum, notum mihi à pluribus annis fuisse. Imo ab ipsa prima eius adolescentia, meum vel discipulum, vel audito- rem. Eo omni tempore, probis se probasse, ac mihi inptimis, ob acre, & excellens ingenium, ardorem studij, & discendi: atque ita profecisse, ut in meliori omni litteratura, paucos sibi æquales habeat, in æquali æuo. Addo & moribus modestum ingenuum- que esse, & dignum quem tales omnes æstiment, atque ament. Pe-

to igitur atque absens rogo, ut hunc in occasione adiutum velletis, fauere animis, consiliis, factis: bene locaturi beneficium quodcumque in eum confereris. Stirpes istæ fouendæ & attollendæ sunt, in commune reipublicæ bonum, cui boni omnes studemus: Louanij.

I. L.

Epist. 64.

*Idem LIPSIVS eidem alibi gratulatur, quod fuerit receptus in IOH. VINCENTII domum.* Gaudeo in Italiam incolumen venisse, gaudeo in domum magni PINELLI admissum, quem virum, æuo & gloria iam vererem, Italia vel inter veteres suos præferat & iacet. *Idemmet PINELLO gratias agens, quod SEGETVM apud se voluerit esse in vnius testimonij*

Epist. 76.

*sui gratiam, ita præfatur:* Si quis in Italia hodie veteri & merita fama est, eum ego te censeo VINCENTI PINELLE, & idè iam à pluribus annis tacito quodam affectu & colo & amo. *Eiusdem*

Epist. 78.

*quam præclara illa, & luculenta?* Malo fato & raro factum est, ut vna epistola bis missa, nec semel peruenerit. Haud magna alioqui iactura, nisi quod testimonium cultus mei, & affectus retardauit, non tamen oppresserit, vel nunc ecce reuelandum. Nam ego tuum nomen ab adolescentia prima & noui, & amaui, & venerarus adè sum: ut debui eius, qui virtutem, & doctrinam eximie coleret, & in se haberet, in aliis excitaret. Sunt istæ breues, sed veræ tuæ laudes, quas in his annis, & maturiore æuo, quia pernoui, magis etiam amo. Si aliqua similis affectus tui scintilla in me; triumpho, non solum gaudeo, & esse cum aliorum litteræ, tum tuæ loquuntur, ante duos menses plus minus ad me amanter scriptæ. Ergo amare amatum me possum dicere, & ut semper possim, te per genium tuum, virtuti & honori sic amicum, rogo. Louanij Kal. Decemb. MCDXCIX.

*Mibi verò animaduersum quod est, haud videtur prætereundum, LIPSIVM quoties PINELLI inciderit mentio, magnum fre<sup>quentes</sup> vocare, ut proximè vidimus ad Segetum;*

getum; & ad Clusium: Illustri viro VINCENTIO PINELLO cum scribes, quæso te salutem ei à me dicito, ignoto de facie, non de fama, amo virum magnū apud omnes magnos. *In eadē cent. ad MERCURIalem:* Abiisse te honestissima vocatione Bononiā audimus. Ni id esset, valde rogarem in viri magni VINCENTII PINELLI amicitiam me infinuare, quem ego iure æstimo inter Italorum primos. *Quem vero eorum PINELLI contubernalium quos supra recensuimus, designet PAVLVS MANVTIVS, haud sanè noui.* Is hæc ad IOH. VINCENTIVM in calce epistolæ; Vale, & familiarem tuum, cuius doctrinam, & ingenium in Lucretiana interpretatione mirum in modum probo, saluta meis verbis. Non paucos, præter hos, quorum fecimus mentionem, domesticos habuit litteratos viros, inter quos vnū in delitiis habuit, cuius & nos vitæ scribendæ non aliquantisper immorari, plerisque nefarium videatur: tum quia hic PINELLIANÆ animæ dimidium fuit; tum quia par viguit inter nos & mutua beneuolentia, ad extremum vsque vitæ spiritum. Neque vero id sine lectorum voluptate, quos certo scio incundè spectaturos, amicorum nobile par, quos cum celebratis illis componere possimus, tot annos summa concordia sine ulla querela vixisse. At mihi liceat quæso (ut cum D. Gregor. Nazianzeno dicam) Greg. Nazian.  
in laud. Athanasij. Δότε μοι μίγδον ἔτι εὐτελέῃ (καὶ ὡς δὲ δινηρήματι, Detur id amici docti piūq; memoria, quæ nunquam discedet ex animo meo, quæ ipse sibi aureis in perpetuum catenis deuinxit. Hic fuit PAVLVS ALCARDVS, cui patria Albingaunū Ligusticæ oræ nobile oppidū. Is Taurini primū per aliquot annos versatus, ubi in Philosophorum Medicorumque



rumque album descriptus est, anno MDLXX. Patavium venit, ut insignes aliquot Medicos, qui tunc temporis hic profitebantur, tum audiret tum affectaretur. Hic, ut Genuensem, eundemque eruditum decebat, sæpe sæpius PINELLVM conveniebat; quo accidit, ut genio conciliante alter alterum certatim amaret, charumque haberet. Nec mirum utique, cum πολυίσωρ πολυίσωρα, Φιλέλλω Φιλέλλωα, μισοπονηρός μισοπονηρόν amplectatur: Cum sit ad connectendas amicitias vel tenacissimum vinculum morū similitudo. Amoris huius eximium illud indicium, quodcum IOH. VINCENTIO tunc obtigisset Neapolim proficisci, uni AICARDO bibliothecam suā commendavit. Ex quo arguas licet, quanti aestimarit PINELLVS AICARDI & probitatem & integritatem, cuius spectatissimæ fidei crediderit litterarios illos thesauros suos, à quorum etiam conspectu plerosque arcere consueverat. Reversus aliquot post menses IOH. VINCENTIVS, AICARDVM secedere volentem comiter rogavit, ut secum paulisper maneret, hoc unum eius gratiæ & consuetudini indulgeret, in cuius domo per tot menses solus, & non inuitus fuisset. Annuit ille, non diu se mansurum arbitratus. At cum pestilens morbus annis MDLXXIV. & LXXV. Venetias primum, deinde Patavium peruasisset, in quem Lucretij carmina optimè quadrabant,

Lucr. lib. 6.

—— & mortifer æstus  
Finibus Euganeis funestos reddidit agros,  
Vastavitque vias, exhaust ciuibus urbem.

*hunc*

*hunc declinaturus PINELLVS, ut nemo non faciebat, secessit in amœniſſimum agri Patauini oppidum, Euganeorum collium decus, cui Montis ſilicis nomen, quo mala hæc lues appellere haud valuit. Eo diuertit cum PINELLO AICARDVS, magno amborum bono, cum inuicem longe lateque graſſantis morbi moleſtias excutere ſuauiſſimis colloquiis valerent. Huc acceſſit, quod cum illuc migraret Venetorum Patauinorumque Patriciorum non minimum agmen, ædes PINELLIANÆ iis omnibus paterent, eò doctrinæ animique gratia confluentibus.*

*Ut primum abiit peſtilentia, reuerſus Patauium PINELLVS AICARDVM, cuius ſuauiſſimos mores, eruditionem, vitæque integritatem deprehenderat, ut apud ſe aliquãdiu eſſet exorauit. Quod ſane ambobus optime vertit, cum alter ſine altero eſſe minimè poſſet, acciditque breui, ut quæ inter ipſos interceſſit beneuolentia tam altas radices egerit, ut neque mors illas conuellere potuerit. In PINELLI conſuetudine eiſmodi euasi AICARDVS, ut ſapientia, animi moderatione, humaniorum omnium litterarum cognitione, non paucos anteiret, inter quæ modèſtia, & ingenuus pudor ita eminebant, ut nemo eum, vix de facie notum non amaret. Linguas nobiliores, Græcam, Latinam, Italicam uſque eo callebat, ut ſiquid ipſi priſci inſolitiue interpretari libuiſſet, prorſus quid adderes non haberet. Ad VI. & XX. annos Patauij moratus, magni ſemper eſt habitus, idque ultra vulgarem modum.*

Memini ego MEL<sup>C</sup>HIOREM GVILANDINVM, rem Herbariam Patauij magna cum laude profitentem, & non minoris apud eruditos nominis, parcum alioqui laudatorem, aduenis quibusdam de AICARDO sciscitantibus respondisse, neminem illo Patauij doctiorem, etiam si gymnasij quotquot erant interpretes adnumerassent. IACOBVM DAVY PERONÆ D. Episcopum Ebroicensem, quem CLEMENS VIII in Cardinalium collegium cooptauit, in quo ambigas utrammirere, pietatēne an multiplicem eruditionem, Romaredeuntem, ubi summa cum fide Regis sui cum Catholica Ecclesia reditum in gratiam procurarat, Patauij anno MDXCVI. MARCVS CORNELIVS Episcopus Patauinus splendidissime excepit. Is ut hospitem tantum commodissime liberalitissimeque haberet, ut sedulo curauit, ita AICARDVM illis diebus in Ebroicensis gratiam domi habuit, quō cum doctis & eruditis sermonibus horis succisuis congregaretur. Hinc ille AICARDVM admiratus dixit aliquando, per id tempus quō sibi in terra Italia esse licuit, præter quatuor aut quinque magnos & eruditos viros, in quēis & AICARDVM reponebat, haud obtigisse ut alios nosceret. Quam amicitiam contractam similitudine studiorum, aluit in posterum uterque communibus officiis, epistolisque doctorum problematum refertis ultro citroque misitandis. Omnia dicta AICARDI factaque citra venditationem animaduertere, qui hominem nouerunt. Et licet frequenter lit-



teratorum congressibus adesset, non ideo tamen obtrudere sese visus unquam, erumpebat sane aliquoties, ne pedaria omnino sententia videretur, at parcè, & ea ratione, ut qui aderant animaduverterent ipsum ad scopum collimasse. Quæ nimirum seriò doctis familiaria, ut & paucis se expediant, & è verbo non temerè prolato virum multiscium metiantur. Quæ si cui non sufficiunt, is demum sciat, HIERONYMUM MERCURIALEM (qui nobis hæc scribentibus prope octuagenarius diem functus est) edere cogitantem librum illum suum de morbis cutaneis, quem is olim auditoribus suis dictarat, AICARDVM selegisse, qui menda tolleret, errores corrigeret, redigeretque in legitimam & germanam libri faciem. Neque verò imparem se oneri prestitit AICARDVS, qui librum GVILELMO SYRLETO laudatissimo Cardinali inscripsit, & MERCURIALI fecit abunde satis. Ea illi à natura insita humanitas, ut omnes sibi promiscuè doctos, indoctos, summos, infimos, deuinciret. Qua ratione qui illi obtrectaret reperisses neminem, nisi maleuolum insigniter & maledicum. Vertebat ille sese in omnes omnium propensiones ΦΙΛΑΝΘΡΩΠΙΑ quadam, cuius comites mansuetudo morum, ac facilitas, lenitasque animi, quarum est animis, velint nolint, dominari, pellicereque ad sese alienas quantumlibet hominum voluntates. Eius opera quisquis usus, nihil unquam habuit quod amplius desideraret, seu fidei seu diligentie. Quare id est affecutus, ut nemo non

A. Gel. lib. 13.  
c. 15.

auderet eius comitatem & industriam periclitari: Inuitant eum non semel amici, ut profitendi munus in gymnasio Patavino capefferet; neque defuere ex ipsius gymnasij moderatoribus, qui eadem proponerent, quos ille omnes unico responso refellebat, imparem se oneri & non translatitia illi doctrina opus esse, qui alios publicè docere velit. Eadem opera Cardinales, & dynastas non paucos, à quibus, magnis propositis conditionibus est plerumque euocatus, PINELLI domestica consuetudini posthabuit. Quæ res in causa fuit, ut AICARDVM PINELLVS eo impensius amaret, quò eius sibi consuetudinem cerneret acrius invideri: cum nihil æquè (ut nescio quis ait) amorem incitet accendatque, quam carendi metus. At IOH. VINCENTIO non erat quod metueret, despexerat enim iam pridem hic noster inanes honorum titulos, effrenemque pecunie cupiditatem, uni mentis tranquillitati intentus; quam abiiciat necesse est, qui illis sese fluctibus iactari patitur. Non nesciebat nimirum quantas immodicum honoris studium miseris aulicis constituat cruces, didiceratque peruolutandis nobilium scriptorum monumentis, viro honesti otij amanti, nihil æquè fugiendum ac superba, ut Horatius ait, ciuium potentiorum limina. Meminerat nobilis adagij; Procul à Ioue procul à fulmine, appositè ad illud eiusdem Poëtæ,

Sæpius ventis agitur ingens  
Pinus, & cellæ grauiore casu  
Decidunt turres, feriuntque summos  
Fulmina montes.

Hanc

Epod. od. 1.

Lib. 1. od. 10.

Hanc illi mentem, præter alia, iniecerat PINELLI contubernium, à quo videbat omnia hæc, uti apinas tricasq; contemni & reici. Optimum AICARDO visum, docti sapientisq; cōiūctum, à quo fratris loco haberetur, Principum virorum consuetudini præferre, quos nonnūquam deprehendas Phryxæos arietes, personamūe Aesopicam illam, cui extima species, & præterea nihil. Interiore se quandoque animi motu ad Ecclesiasticam vitæ rationem corripī sentiebat, at abstinuit, quia cū MARCO CORNELIO EPISC. PAT. charus esset supra quàm dici possit, videri noluit eo instituto prouentus aliquid amplioris aucupari. At in morbo qui postremus illi fuit, decreuerat cū primū conualesceret, animum religione liberare, mæcumque, si PINELLO superstitem esse contingeret, aut Veronæ cum PTOLEMÆO OLIVETO, quod vitæ restitisset absolvere. AICARDI liberalitas eo magis enituit, quò minus ipse diues fuit. Neque enim valuerunt rei familiaris angustia continere animum magna cogitantem, quin erumperet sæpe sæpius collatione insignium beneficiorum. Res domestica non omnino ampla ut diximus illi fuit, cuius ne experiretur tenuitatem, PINELLVS quâ officiis quâ beneficiis eximiè inuit. Neque sanè iis quibus minima fortune sunt, præclusus omnino est aditus liberalitatis, si Aristotelem audimus, cum diuitem faciant (inquit ille) non possessio sed usus. Amicis hic noster omnia largiri, ut ut pretiosa, consueuerat, modo animaduerteteret iucunda



esse quæ donaret. Inde iocari nos cum ipso, esse in potestate nostra quicquid haberet, ablaturosque, cum libuisset, ne petentes quidem. Monstrabat aliquando amicorum cupiam numismata quædam argentea recondita & selectiora, cumque notasset in eximia quæpiam oculos (ut fit) coniectos, misit sub vesperam familiarem, qui amicum domi conueniret, numismataque suis verbis donaret. Ut fuit elegantiarum omnium amator, librorum, nummorum, gemmarum, tabularum, nulli unquam pepercit impense, deterruitque PINELLVM aliquando, qui magnos in his comparandis AICARDI spiritus non semper approbabat. Quod tamen nullum inter ipsos unquam dissidium peperit, cum alter alterum summè diligeret, PINELLVSque AICARDVM filij, hic illum parentis loco haberet.

Philosfr. lib. 4.

Recte enim Tyanæus, causam esse amoris similitudinem, quæ in sapiente in affinitatem euaderet. At quod dictum mirum, cum familiaritas pariat contemptum, nemo unquam illorum ad id dilapsus, ut alterum minus, quam amicitia leges ferunt, amaret suspiceretue; ut enim (inquit Plinius Iun.) de sculptore, pictore, fictore, nisi artifex iudicare, ita nisi sapiens non potest perspicere sapientem. Horatij carmina in ipsos quadrabant.

Lib. I. epist. 10.

Lib. I. od. 13.

Felices ter & amplius,  
Quos irrupta tenet copula, nec malis  
Diuisas querimoniis,  
Suprema citius soluet amor die.

Et sanè, cuius oculos non præstringat, cuius animum nõ  
alli-

alliciat doctorum hominum par, volentium idem idem-  
 que nolentium? Thesauros & opes nemo sanus pratule-  
 rit his bonis, quæ eo maiora, quorariorem huiusce notæ a-  
 micitiæ reperiās. Neque non norat hæc IOH. VINCEN-  
 TIVS, homo si quis alius perspicax, & acer in iudicandis  
 rebus. Ideoque largitionibus & congiariis PAVLVM sibi  
 deumctum frequenter voluit, ut illi suppeteret unde  
 partam existimationem sustentaret. Ideoque, non multis  
 ante obitum annis, auræ præceptionis memor, ante mortem  
 amico benefaciendum, donavit illi inter viuos **IV. millia** Eccl. c. 14.  
 aureorum, è corpore grandis pecuniæ quam Romæ ha-  
 bebat. Quain re AICARDVS, idem qui semper, à PI-  
 NELLO impetrauit, ut non nisi mortis causa donaret,  
 quasi iam tunc animo peruideret præmoriturum se, & li-  
 beralitatis riuum ad caput unde manarat, turbato ordi-  
 ne reuersurū. Quod si AICARDVM PINELLO superstite esse  
 cōtigisset, non dubito quin ipsi IOH. VINCENTIVS biblio-  
 thecam suam legasset. Cum enim AICARDVS decedens  
 libros suos PINELLO testamento reliquisset, ille tum mihi  
 qui aderam, en qui rerum humanarum lusus? is mihi bi-  
 bliothecam suam legatam vult, cui ego meam volebam.  
 AICARDI bibliotheca (ita enim præ PINELLIANA o-  
 perosa illa & voluminum sane multorum videtur appel-  
 landa) selecta erat, classicisque auctoribus referta, vete-  
 ribus nimirum, quorum lectionem ille amicis decantato  
 carmine subinde commendare consueuerat:

Moribus antiquis res stat Romana virisque.

Enn apud Cic.  
in li. 6. de Rep.

*Horum plerosque eruditissimis ad marginem notationibus illustrarat, veluti Polybium, Caesaris commentarios, libros vniuersos Ciceronis, de Officiis præsertim, Plauti comædias, Cornelium Celsum, aliosque non paucos, quos ille veterum exemplariorum collatione meliores fecerat & auctiores, quos ni suppriment ij ad quos PINELLI bibliotheca perueniret, animaduertent breui omnes, qui hæc nostra legent, non fecisse nos gigantem è pumilione. Commentarium in Aristotelis Ethica elaborauerat præterea, in gratiam ALOYSII ORICELLARII, præstantissimi adolescentis, qui nunc Romæ in conspectum dat quicquid è PINELLI & AICARDI consuetudine sibi olim cõparauit. Fastidiebat AICARDVS immanem copiam librorum, quos IOH. VINCENTIVS coëgerat, dicebatque nolle sibi tot libros, & alia eius generis donari, quæ possidentis animum raperent in diuersa: quæ profecto vera esse nemo negabit, nisi qui bibliothecam non modo in suum (vt fecit PINELLVS) sed & in aliorum vsum instruxerit. Qui enim ostentationis gratia librorum strues affectant, nã illi ridiculi sunt, qui Musarum delicias, superuacaneam suppellectilem faciunt. Adde, congeriem tot auctorum sine vlllo delectu, quorum plerisque mos est, recentioribus præsertim, aut veterum scrinia compilare, aut meras nobis nugas obtrudere, horum qui acervos domi habet, quid mirũ si minimè sapiat? & sane vidit superior ætas in librorum*  
inopia

Senec. lib. de  
tranq. c. 9.



*inopia viros magnos, quibus cura fuit antiquos auctores, probos videlicet atque eruditos, lectitare. Obiit AICARDVS anno MDXCVII. IV. ID. AVG. festo martyris Laurentij die, cum octo aut ad summum decem dies aeger decubisset, laborassetque primum lateris doloribus, incidisset deinde in malignam febriculam. Tertio postquam egrotare coepit die testamentum condere voluit, quod est IOH. VINCENTII manuscriptum. In eo ut amicos vivens dilexerat, & munusculis fuerat persecutus, ita & amoris in eosdem sui moriens extare optarat illustria monumenta; quicquidenim ille Patauij habebat inter amicos; quicquid domi, inter affines & fratres partiri constituerat, vir amicorum admiraculum amans. Testamentum nimirum speculum morum frequenter est, in quo datur intueri, an testator quos amavit serio amauerit nec ne? Detrahatur ibi persona captantibus, & subdolis amoribus præteritionis adspargitur labes. AICARDVM utinam omnes illi imitarentur, qui amicos iustos & legitimos nacti. Quid enim pulchrius, quam gratè pieque eos prosequi iudicio supremo, quos indiuiduos vitæ comites habuimus? quid turpius quam eorum memoriam cum vitæ exitu interstinctam velle?*

*Quibus in testamento legauit quidpiam, & quidem cum honorifica appellatione, fuerunt, IOH. VINCENTIVS primum, cui libros suos fere omnes reliquit. Quanquam ille (exceptis manuscriptis quibusdam, impressisque non*

*J nullis*

nullis ad marginem adnotatis) reliquis abstinerit, ea mente, ut pretium illorum AICARDI fratribus representaret. Imo ut audiui, constituerat eiusdem sororibus mortis causa donare IV. illa aureorum millia, quæ ad se ex PAULI morte redissent, ut haberent quò expeditius nuberent.

Post IOH. VINCENTIVM, honorati ab AICARDO inter ceteros CÆSAR NICHESOLA PATRIC. & CAN. Veronensis, Latinè græcèque peritus, tabularum, signorum, numismatum, gemmarum amator si quis alius: munificentia adhuc, vitæque splendore insignis, & plerisque è dynastarum ordine apprimè charus; & PTOLEMÆVS OLIVETVS PATRIC. itidem CANONICVSQUE Veronensis, quem suavisissimi amici, Dominiq̃ue elogio in testamento persecutus est, nec sanè iniuria. Ut enim prætereamus nobilium scientiarum cognitionem, in quibus Mathematicarum disciplinarum peritia excellit, vitæ sanè candor, & aurea morum integritas, AICARDVM adeò raptim in amorem sui pellexerant, ut quod amplius adiceret nihil haberet. Me hic tertium nisi collocem, haud faciam recte. Exigit enim id suo prope iure mutua inter nos benevolentia, quæ corpora quatuor, totidemque animos, unum corpus, unam animam effecerat. Quæ nos Patavij studiorum morumque similitudo coniunxerat, eadem nos alibi comitata est, quam semper honoratam, sacrosantam semper habuimus. Neque aliu. de vindexiales illa no-

stra

*stræ ferie, quas in agro tum Vicetino, tum Veronensi, &*  
*ad Benacum quandoque, cum amicis quotannis exigeba-*  
*mus. Hinc illa deliberatio, curaturos nos aliquando, ut*  
*pictor quispiam insignis, nos in tabula iconicos delinearet,*  
*apposito videlicet emblemate aliquo, indite futuro apud*  
*posterorū amicitie nostræ. At invidit mors honestissima*  
*deliberationi, eripuitq; nobis potiore animæ nostræ par-*  
*tem. Suppellectilis domesticique instrumenti quod super-*  
*erat AICARDVS distrahi iussit, & pecuniam quæ inde*  
*redigeretur familiaribus, PINELLI arbitratu, distribui*  
*pro salute animæ suæ. Fratres, sorores, affines elegantissi-*  
*ma epistola consolatus est, biduo triduoque antequam mo-*  
*reretur. Me autem ille per amicitie iura obtestatus est,*  
*ut adessem sibi, & præstarem, ut sedulo feci, officia supre-*  
*ma. Nec vero quidquam eorum omissum quæ Christia-*  
*num hominem decent, migrantem è vita hac ad meliorem*  
*& beatiorē. Ita ille obiit intempestive quidem si annos*  
*quos vixit spectemus, & commoda nostrā; at tempestive*  
*satis si uberes sapientiæ prouentus, & innocentis vitæ*  
*rationes difficiamus. Quæris (inquit aureus Philosophus)*  
*quod sit amplissimum vitæ spacium? Usq; ad sapientiam*  
*vivere. Quæ sane cogitatio, illustribus ingeniis ad sapien-*  
*tiam consequendam acre incitamentum sit necesse est. In*  
*hos enim bacchatur mors, quæ præclara quotidie ingenia*  
*suffuratur, ut innuat nimirum vitreas esse laudes no-*  
*stras, tunc demum cum splendeant frangi solere. AICAR-*

Sen. epist. 93.



DI obitum nemo amicorum non defleuit, inter quos fuit LAURENTIVS PIGNORIVS, qui dolorem suum, & PAVLI in se merita, <sup>ut</sup> ut poterat contestaturus, in viri optimi memoriam, qui sibi bonarum litterarum semitam digito velut ostenderat, hæc apposite cecinit:

Qualis honos pelagi vitreis emergit ab undis  
Gemma nitens, quæ matris amor, quæ gloria conchæ,  
Tale decus tulerunt te orbi fata improbanostro,  
AICARDE: ah propere heu nimium decus addite cælo.

Hanc iacturam PINELLVS ægerrimè tulit, diuque nulla luctus leuamenta admisit, cum illum sibi ipse videret ereptum, quem (ut ille semper præ se tulit) habuerat in omni vita fratrem verius quam familiarem, is me aliquando conantem lenire desiderium quod sui reliquerat AICARDVS, ita est allocutus: Nunc demum ex PAVLI morte sentio quàm nullus prope sim. Ille mihi studebat, mihi laborabat: ego nihil (neque pœnitebat sane) inconsulto ipso audebam, amicos ille mihi parabat, paratos retinebat, consilio si quid impeditum aderat expediebat. An non hæc mihi, oro te, deflenda, ægrotanti præsertim, seni, peregrino, & quod caput est, mercenariorum familiarium iniuriis exposito? Hæc ille, vera sane, & citra ullam assentationem. Postremis enim iis annis, quos æger PINELLVS exegit, ætate præsertim ingrauescente, si qua inciderat litteraria questio, si quis recens prodierat liber, in AICARDI præclara diligentia totus conquiescebat. Abstinnit ille per aliquot dies ab ædium parte inferiore, ne conclavia

vide-

videret, in quibus AICARDVS diem obierat, in qua etiam non nisi post annos aliquot ingressus est, ne recrudesceret vulnus, quod ex amici iactura ad intimas usque animæ partes adaectum senserat. Abiecerat utique omnem spem in posterum aliquem AICARDO parem rependi, nec opinione sua frustratus est; doctrina enim & probitas eius indicaturæ, rarò admodum inter se conueniunt, a quo præsertim nostro, quo rerum nomina speciosa, rebus ipsis ablegatis, in pretio sunt. At non fecit AICARDI mors, ut ille deliciarum suarum obliuisceretur, litterarum inquam, & hominum qui illas amarent. Decreuerat enim domi habere LAVRENTIVM PIGNORIVM, probe cognitum sibi ex AICARDI familiaritate, cuius ingenium ille prædicare solitus, bonarum artium cupidum supra conditionem, cuiusque lucubrationibus ipse PINELLVS multum tribuere visus. Huius non irritum conatum in exponenda vetustissima tabula ærea, quæ fuit PETRI olim BEMBI CARD. summopere eruditi laudant. Intactum sane aliis opus, & quod non modo æui nostri hominum, sed & posterorum plausum mereatur. Dabit is alia propediem, antiquitati, cuius ille supra modum studiosus est, non obscuram faciem prælatura: ab illo ego non minimum adiutus in his consarcinandis, ut qui PINELLVM obseruare, & conuenire terque quaterque quotidie solitus, eo cum fructu, ut PINELLI in re litteraria curas acerrimas nemo illo hodie melius norit. Domo raro egre-

diebatur postquam AICARDVS vita functus est. Festivitas tantummodo diebus ad templa duorum ANTONII IVSTINÆÆ, ut sacris matutinis interesset, ceteroqui intra domesticos se parietes continere solitus. Extra urbem nemini visus, nisi cum processit (ut diximus) ad pestilentiam declinandam, & cum Neapolim ad inuisendos affines. Amicis vero ut secederet instantibus, equum obiectabat, rhedam, lecticam, ipsam adeo cymbam incommodam sibi. Frater ipse, quem non perfunctorie amabat, nunquam ab eo impetrare potuit, ut iterum Neapolim proficisceretur, incassum precatus incassum obtestatus. JULIVS frater, COSMVS & CÆSAR fratrum filij, non semel Patauium profecti, ut ipsum abducerent, irritis conatibus recessere. Hic ille iam diu sibi & Musis vivere decreuerat, ubi litterarum bonarum amorem hauserat, ubi doctrinarum suauissimos fructus degustarat. Nihil sibi posthac negotij cum patriæ ab hoc otio auocamentis fore tunc aperte denūciarat, cum tot Neapoliturbarum pertæsus, sepe sepius inclamaret, ô Patauium, ô Patauium, quandiu abero abste?

At quæ causæ cur unam urbem omni orbi terrarum prætulit? Patauium (ut nobilissimæ urbi quod bene de nobis merita est, rependamus) litterarum cupientes præ ceteris omnibus, amœnitatis & otij philtro allicit mirum in modum. Insigniores duas, mea quidem sententia, in terram Italiam colonias Troiani deduxerunt, Romam, &

Pata-



Patauium, aduenarum ambas frequentia celebres, dissimilitamen & prope diuersa ratione. Illa enim laboriosis hominibus, honorum diuitiarumque cupidis, hæc otiosis doctrinarum amatoribus patet, quos

Pax securaque iuuat, felicitis & otia vitæ,  
Et nunquam turbata quies, somnique peracti.

Statius lib. 3.  
Sylu. ad Claudiam uxorem.

Nullibi enim (Europam ut libet peruagare) Academiam reperias, in qua Musarum alitrix quies litteratos æque ad se inuitet. Hic nemo est, qui aduenarum vitam curiosius exploret, hic seu genio indulgere quis velit, seu ipsum defraudare, nemo erit qui impensè curet. Animaduertat hæc PINELLVS, narrabatque Patavij omnes, peregrinos quantumvis, perinde viuere ac si in patria essent; Germanos enim, Gallos, Polonos, eandem vitæ victusque rationem asseruare, cui domi assueuerant, quod nullibi videas. Aduenis enim alibi consuetum transire in mores incolarum, & patrios auersari. Bononiæ namque, ne longe abeamus, Germani, Galli, Hispani, Italicissimi omnino, conformantque sese ad ciuium consuetudinem; at Patavij nihil tale. Cuius ea possunt esse rationes: vel quod Venetorum moribus, honestæ huic ad placitum viuendi licentiæ Patavini assueuerint, ideoque nihil ad se pertinere putent, quo quis corporis cultu utatur, quid agat, quid meditetur; vel quod hic aduenarum frequentia non nisi ex quibus conditionibus se in ciuitatem, ut ita dicam recipi passa sit. Huc ergo peregrini se lubentes tamquam in portum

recipiunt, quot quot litterarium otium amant, quâ sibi lucubrationibus, quâ aliis publicè interpretandi munere cōsulturi. Clementia præter hæc aëris aduenis omnibus, sub alio quantumlibet cælo natis, domestica & familiaris, non minima in causa est, cur qui hic aliquandiu vixerint, honoribus quamuis & dignitatibus in patria & alibi aucti, ad Patavinam tamen libertatem quoties meminerint suspirent. Neque hac non usus PINELLVS, in cuius victu & vestitu elegantiam quidem & splendorem, sed non ultra priuatum modum notasses. Vestibus ille sericis in perpetuum abstinuit, laneis usus, sed optimis & præstantissimis, luxum & fastum quacunque ratione declinans, Socratis imitator, cui Sicyonij calcei habiles quidem aptiq; ad pedes visi, at sibi non conuenientes omnino. Domum qua parte se in conspectum interiorem dabat, instruxerat ornaratque Geographicis grandioribus tabulis, iconibusque illustrium virorum. Anno enim MDLXXXII. cum NICOLAUS PRIMVS Patricius Epidaurius Patavij diem obisset, PINELLO amicorum principi tum legauit non paucas clarorum imagines, quas domi habebat. Arripuit studium hic noster, grandiq; accessione bibliothecam, conclauia, atrium, eiusmodi ornatu honestauit. Vt enim plerisque moris fuit libros illi suos inscribere, aliis uero inscriptos elargiri, ita non defuerunt, qui imaginem suam bibliothecæ eius dicatam vellent. CAROLVS CIVSIVS hæc ad ipsum; Meis litteris significabam, me Franciscæ Raphaelen-  
gio meæ plantarum historię exemplar maiore & nitidior charta  
expres-

expressum tradidisse Francofurtum, vt inde ad illustrem vestram dominationem ablegaretur. Et MATTHIÆ LOBELLII effigiem mittere etiam volui, quam existimo Ill. V. D. non fore ingratam. *Multi autem, qui imaginem suam haud passi euulgari, PINELLI studio perspecto, à proposito facile declinarunt; inter hos IOSEPHVS SCALIGER, qui effigies patris & suā his verbis comitatus; Effigiem meam tibi mitto; nobilissime PINELLE, magis quia ita visum est, cui nihil negare debeo, quam quodd libenter id faciam, paucis enim id concessi, &, si qui impetrarunt, ab inuito exprefferunt. Quandoquidem igitur nefas mihi denegare, quod tuo iure à me exigere potes, age fiat, & habeat illa locum in angulo quodam, vbi non obruatur splendore illarum Heroicarum imaginum, quibus totum Museum tuum vt audio collucet. Ad patris imaginem hac; addidissem illi comitē imaginem patris; si nactus essem qui cera bene fingere posset qualem protomen habeo, os senis elegantissimē referentem: Si erit copia eiusmodi artificis dabo operam vt habere possis. Quae fere omnia etiam Gallicè scripsit ille ad ~~Episcopum~~ Episcopum Valentinum nobilem Gallum, qui PINELLO amicissimus, quibus referendis supersedimus, ταυτολογίαν vitaturi.*

Carolus de Le  
Comitem,

*Hasce imagines elegantissimis carminibus exornauit HIERONYMVS ALEANDER iunior, qui domesticum & familiare ornamentum, HIERONYMVM CARD. illum magnum, ab ineunte vsque adolefcentia æmulatus, Musarumque delicias AMALTHÆOS, auunculos suos, doctos viros, & in his PINELLVM cum Patavij studiorum causa degeret, officiosissime coluit:*

*Quæ præclara tuos ornant simulacra penates,  
Heroum PINELLE decus, virtutis alumne,*

K

Quam



Quam mire pascunt animos, ac lumina fallunt,  
 Dum tacitis spirant verborum silentia labris,  
 Immotosque oculis voluunt radiantibus orbes?  
 Magnanimi hic Reges, auro gemmisque; coruscant  
 Ostentant frontem, quam maiestate verendam  
 Mirantur, pictaque omnes sub imagine honorant.  
 Illic sanguinei visuntur fulmina belli  
 Heroes, quos nunc etiam spirare furorem,  
 Et rigidum vultu iures accendere Martem,  
 Parte alia Tyrio decorat fucata veneno  
 Purpura longeuos pulchro velamine patres,  
 Quis pia religio mundi commisit habenas,  
 Candidaque, in nitido se carbasus implicat ostro.  
 Nec minus intentos rara ad spectacula formæ  
 Alliciunt matronæ oculos, radiisque micantes  
 Haud vanas pictæ flammas iaculantur amoris.  
 Vos quoque, quos vigili studio, multoque labore,  
 Mercurius Pallasque suas duxere per artes,  
 Conspicuis tabulis spatiosa hæc atria seruant:  
 Viuida pallenti fulget sapientia vultu,  
 Hi mentes animosque trahunt, oculosque morantur.  
 Sed velut ætherei qui gemmea gaudet Olympi  
 Mœnia scrutari, & diuini percurrere sedes,  
 Frigida Hyperborei miratur plaustra Bootæ,  
 Nimbofasque Hyadas, claramque Lycaonis vrsam,  
 Et Lunam, & seræ qui noctis nuncius, idem  
 Lucifer auroram rutilanti prouocat ore,  
 Cunctaque per tacitum labentia sidera mundum,  
 Nil tamen ille magis, quam Solis suspicit ignes,  
 Hunc lucis fontem dicit, rerumque parentem,  
 Sic variis quicunque animata coloribus ora  
 Circum aulam aspiciunt, in te vnum lumina figunt,  
 Te te admirantur solum, te cernere gaudent,  
 Nec mentes oculisue queunt saturate tuendo,  
 Semideum PINELLE genus; tu maximus ille es  
 Vnus, qui reliquos claris virtutibus anteis,  
 Nectare quem Diuum pauit Tritonia vincto,

Cælestesq; dedit depromere pectore sensus,  
Ac solem veluti toto splendescere mundo.

*Habitu corporis IOH. VINCENTIVS gracili fuit, statura grandiori, colore candido, valetudine non nimis firma. Coquinæ cupedias iamdiu aspernatus: munditiarum tamen, optimorumque eduliorum appetens. Vini eiusque diluti ita parcus, ut toto anno Patauini dolij quadrantem circiter absumeret. Aqua utebatur hausta è Medoaco flumine, quam uti Romæ sit de Tiberina, fictilibus vasis asservabat, percolandam donec limus subsideret. Vino capiebatur albo magis quam rubro, leni, non tamen dulci, generoso, austeroque, pellucens cupiebat, ex cuius lectis in solo aprico, & optimæ notæ: circa panem & ceterum victum eâdem diligentia fuit, quam explicare pulchrum profecto esset, utileque iis qui valetudine imbecilla ad studia doctrinarum minus valentes accedunt. Hæc mihi probe nota, qui per multos annos VICETIÆ in patria moratus, PINELLO vina, obsoniorumque præstantissimorum apparatus quotannis curabam. Nec difficile sane, cum ubertas agri nostratis non Italis modo, sed & exteris probè cognita sit. Oculorum illi acies obtusior fuit; tum quia dextrum oculum tormentario pulvere perlusum cum fratre puer offenderat; tum quia ex visus imbecillitate frequentes floccos sibi ante oculos concurrere conquerebatur. Qua de causa cubicula viridibus auleis exornabat, prasinisque adhibitis è vitro orbiculis.*

reficiebat visum. Hepate adhuc utebatur iniquè calido, unde illi facies plerunque rubicunda. At quo minus corporis oculis valebat, eo magis animo viguit, in opera præsertim amicis præstanda, quos opibus & consilio supra eorum votum enixè iuuabat; C. Druso nobili illi I. C.<sup>to</sup> per-  
 similis, qui cæcus optime videntibus dux in consulendo adhibebatur.

Cicer. Tuscul.  
 quest. lib. 5.

A PINELLO ego non pauca didici, quorum selectiora quedam suppressere, & aliis inuidere turpis animi sit. Quamuis plane videam, eius generis plurima & superius relata, & inferius esse referenda. Monebat ille cum obstinatis & refractariis hominibus ea ratione agendum, ut sinamus illos errare quandoque, mitius acturos in posterum, neque sue omnino sententiæ confisuros. Monitum comprobabat auctoritate NICOLAI de PONTE, quem nostra ætas Ducem Reip. Venetæ tanto oneri parem vidit. Is cum in nescio qua legatione collegam haberet ingenij quam par esset feruentioris, distitabat, permittamus eum impingere, ut & nostro consilio uti discat aliquando. Quod sane & de Q. Fabio Max. legimus, qui Magistrum equitum Minutium huiusmodi nactus, elati animi, & plurimum sibi confidentem, eodem consilio habuit in posterum morigerum, & obsequentem. Narrabat PINELLVS, se ex DONATO IANNOCTIO, viro magni suo ævo in Italia nominis, didicisse, decedendum de via, declinandumque tantisper, cum equos aliasue è genere bestiarum que pauperem

Liu. lib. 22.



riem facere possint, cicures quātumlibet, obuias habemus; hac enim cautione toto vix anno mille passus confici, propulsarique ingentia pericula, quæ tum demum cum nobis acciderint, magno velimus redempta. Belluas ille ut caueremus monebat, quibus addimus nos efferos homines immanesque, à quorum consuetudine eò magis nobis impendit periculum, quo minus hominum munera quæ sunt, modestiam, æquitatem, morum facilitatem amant. Admonere præterea consueuerat eos qui ad longum iter se accingerent, ut ne dies certos <sup>ita</sup> ad præscriptum itineris destinarent, neue pecuniam parcè conficerent; accidere enim nobis repentina pleraque, & inopinata, quæ dominitas rationes non impediunt modò, sed & planè euertant, Prudentiam non versutiam magnificiebat; ingenui animi ratum ea dicere quæ sentias non plani in morem elabi passim, dataque opera ita loqui, ut sententia contra naturæ institutum, sermone tegatur magis quam aperiatur. Candidas enim (ut in prouerbio est) & apertas esse Musarum ianuas, neque homines quidem appellandos eos, qui vno eodemque fundunt ore calidum & frigidum. Eleganter sane L. Annaeus Seneca pronunciauit; Si certè viuendum est, Senec. ep. 83. tanquam in conspectu viuamus, sic cogitandum, tanquam aliquis in pectus intimum inspicere possit, & potest. Quid enim prodest ab homine aliquid esse secretum? nihil Deo clusum est. Interest animis nostris, & cogitationibus nostris interuenit. Namque qui bonum virum profiteatur, cordis sensa, cum opus sit in propatulo habere, tanquam si is, qui cum loquitur, cogitationis intima oculorū acie introspiceret, meminisseq; eiusdem dicti, neminem posse

Auctoris verbo

Idem cap. i. de  
element.

personam fictam diu ferre, ficta in naturam suam cito recidere.  
Cognatum vafriciei mendacium, vix dici potest quantum  
odisset. Seruili ingenij, parum certe liberalis esse dictita-  
bat mentiri subinde, & veritatem pulcherrimam virgi-  
nem, cuius nitor & forma respuant omnem cultum, fuso  
& lenociniis mendaciorum interpolare. Vidi ego non se-  
mel, dimissos ab eo parū honesta missione familiares, quod  
huius vitij labeculis adpersos agnouisset. Ab illis ipse non  
alia de causa (si quando quidpiam interrogasset) exigebat  
ingenuam responsum, EST & NON, ablegatis omnino  
verbis quibus se opinari profiterentur. Huiusmodi ho-  
mines affirmabat, quibus asseuerare aliquid religio sit,  
non nomine Stoicorum, sed stolidorum appellandos, ut qui  
vix vnquam compotes sui, diffidere sibi plerunq; & in-  
anibus concuti soleant terculamentis, quibus de mentis  
statu, si quem habent, deiecti, in opinionum salo perpetuo  
æstuiactantur. Non nimis æquus illis erat, quorum sum-  
ptus censum superarent, optima sententia memor, stultum  
esse id sequi, quod assequi non possis. Priuatos ideo homi-  
nes, nec multarum sane opum, egreferebat in conquirendis  
veteribus nummis, gemmis, tabulis, signis patrimonia  
prodigere: studium hoc beatis tantum & luxu affluentibus  
conuenire, apud quos multa eius generis reperias, quæ  
singula tenuioris fortune hominum multas congeries ob-  
ruere specie & pretio possint. Quod ad tabulas attinet, his  
consulebat qui pinacothecas supra vires instruerent, ut

exem-

exemplari quopiam contenti essent, quod Bonaroti, Raphaelis Urbinate, Titianiue protypon bona fide referret. Præstare enim veteres illos pictores recetioribus, quos graphices non ita studiosos, viuidorum colorum lenocinio vulgi plausus captare stomachabatur. In familiaribus amicorum colloquiis, sermonis varietatem amabat, docendi percupidus & dicendi, ut enim agros multiplici conserimus semine, ita ingenia, quæ Clemens Alexandrinus agros animatos appellat, non usdem semper meditationibus excolenda.

In Pædag. li. 2.  
cap. 10.

Sermones veterum auctorum dictis, plerumque Græcorum, distinguebat, condiebatque nonnunquam dictis iocisue, quos vel vetustas, vel illustrium virorum recens auctoritas commendaret. Horum omnium copiosam adeo suppellectilem sibi comparauerat, ut nemo unquam ab eius congressu discesserit nisi doctior. Ipse vicissim colloquentes in omnem partem versare, ut erueret quod sibi hætenus minimè cognitum in promptuarium seponeret. Qua ratione aliquem nullius pretij hominem cum vellet designare, dicebat ab eius colloquio diuertisse se inanem semper & vacuum. Si quid novi Patavij accidisset, rei seriem amabat ab omnibus quotquot eum inuisebant, cognoscere, quasi tum primum inaudisset. Afficiebatur enim varietate illa narrationis, quam ipse callidus verborum æstimator, in sermonis auctore, cui amoris odiiue causa adessent, deprehendebat. Neque hoc sine fructu,

erue-



eruebat namque latitantem sæpe numero veritatem, euentusque causas acu (ut in prouerbio est) solerti ratiocinatione tangebatur. Eodem consilio rumorum, si qui percrebuisent, auctores inuestigare consueuerat, quod hac ratione disquirere se posse confideret, verine an falsi quidpiam continerent. Aleuibus enim hominibus vix alios quàm inanes sermones prodire. Cuiusmodi nescio quem narrabat Romæ olim tabellarij aduentum, veluti magnum quidpiam, in aurem insusurrasse GABRIELI SILVAGO Patric. Genuensi contubernali olim suo, leporum ac facetiarum, perinde ac bonarum litterarum studioso. Ridebat suauissimè, si quando in aliquos Regum molestos amatores inciderat, quos neque officij, neque spei beneficiorum uic accceptorum ratio, sed inconsultus quidam genius permoueret. Horum è re dicebat fore, si aulas eorum quibus insamebant inuiserent, multa ibi conspecturos, quæ amorem abigant, odia prouocent non pauca. Illorum nonnullos eburneis aureisque simulacris persimiles, externa illa Imperij, felicitatisque specie, latere intus non ut in illis asseres, clauos, araneorum telas, sed animi vitia plerumque vix colliferenda. Horum consuetudine si quis utatur, animaduersurum breui, quam perniciofa sit; ignis enim in morem illuminare quæ remota sunt, quæ admotâ, comburere. Et hæc præcepta PINELLVS ita animo infixerat, ut quamuis domi quotidie audiret magnorum regum acta, non ideo tamen visus fuerit unquam gratiæ odiuic causa incessere

incessere quempiam, aut de aequitatis semita declinare. Quod illi in uniuersa vita apprime placuit, ut se amicis omnibus praearet eundē semper; ἀδίαφορίαν frequenter & cum primis commendans; & neutram in partem moueri. IOH. VINCENTII sapientiam una certē, quando alia non suppeterent, constantiae laus commendaret, ut qui in proposito susceptoque consilio permanserit semper; Patauij ille habitare constituit; huic deliberationi incassum admotae preces affinium, & amicorum domum conducit, utitur ea per triginta & amplius annos, migraturus nunquam, si per dominum licuisset; familiarium quidam ad triginta annos, quidam ad extremum vitae spiritum eodem domino vsi; Viuendi denique rationem, quam sibi ab ineunte adolescentia praescripserat, remisit nunquam. Quae faciunt, ut dogma hoc praecipuum Stoicę sectae paucis complectar, illustraturū quae diximus cum magna PINELLI laude. Constans hoc ille vitae institutum ὁμολογίαν vocabat, quam Cicero conuenientiā appellat; conuenientem nimirum per virtutem consentientemque vitam, cuius origo à diuinarum humanarumque rerum scientia sit. Hoc fundamento nititur vera sapientis felicitas, cum sapientia nihil aliud sit, Seneca de-  
finiente, quam semper idem velle & idem nolle, à quibus rectum abesse nullo modo possit; non enim potest cuiquam semper idem placere, nisi rectum (liceat mihi interserere orationi meae mundum orationis alienae) si vis eadem sem-

I. Lipf. Manus-  
duct. lib. 2.  
Dissertatio xv.

Epist. 20.

per velle, vera oportet velis. Quia ratione impulsus nescio quis, aiebat sapientem καὶ ἀνάλγητον ἢ σύμφωνον ᾧ. Recte sanè. Nisi enim sapienti, sua non placent: omnis stultitia laborat fastidio sui. Nec aliunde quam à constantia compositus ille perpetuo, mitis quæ sapientis animus, quem à vulgi turbis secretum, propriæ & mansuræ semper opes beant. Ex quibus non magno negotio eliciamus nos, non nisi sapientem esse eum qui vitam ad certam constantiæ normam dirigere velit, neque se de hoc statu mentis dimoueri patiatur. Animum enim insipientis quot fluctuationes agitent, nemo non videt. Hæc nihil certi, nihil explorati; vivere in diem, & quouis vitiorum aestu abripi assueto. Hæc qui in PINELLO non laudat, næ ille aut inuidum se, aut tenebrionem profiteatur necesse est. Expressit enim hic noster nostro ævo T. POMPONIVM ATTICVM, nobilem equitem Romanum; cuius ea præcipuè laus litterarum monumentis commendata, quod in summa Principum virorum gratia, summa etiam moderatione usus sit, quodque pari fastigio steterit in utraque fortuna. In constanti hoc vitæ instituto nihil in moribus non aptum aut inter se conueniens obseruasses. Modestiam enim, ut in Boteri carminibus habetur, iam tum à puero IOH. VINCENTIVS sibi desponderat, cuius in hac nostra narratione non obscura frequenter indicia prodierint, nolui tamen indictam præterire; ut detur nimirum intelligi, quam prudenti pocillatore usus, labra admoue-



vit calici voluptatis. Nemo in ipso unquam inconsultam famæ sitim deprehendit; adeo parcus patriæ, gentis, affinium laudator fuit. Actiones suas, aut eleuare, aut obtegere silentio; dicta etiam si quando præclara, ut non semelexcidissent, adscribere aliis solitus. Quæ ratione ambitionem, tragædorum Erynnum procul à moribus suis amandarat, cum assurgeret, caput aperiret, decederet de via, non religiosis modò viris quotquot obuios habebat, sed & his qui perfuncti vllis honoribus, Patriciis Venetis, Gymnasij interpretibus, aliisque non paucis, quorum plerisque nobilitate, opibus, doctrina maximè præstabat. Cum plures illum obsoleta nostris penè moribus Illustrissimi appellatione, multis tamen illi capitibus conuenienti, compellarent, abstinuit tamen pertinacissimè ab ea, & ne posthac ita vocaretur, ab amicis deprecatus est; corripuit etiam repressitque amicis verbis eos, qui ipsum honoris gratia Excellentem, seu Excellentissimum nominarent, eo pretextu, quod hæc non sibi, sed magnis in re litteraria viris deberentur, vixque possent ad se traduci, qui adolescens relatus in albū scholasticorum, vitæ institutum, cui semel assuevit, deseruit nunquā. At despectui haberi se, redigiue in ordinem, non ferebat; uti & iniurios in familiares suos, quorum æstimationem perinde tutabatur ac suam. Appellari se in aliqua scriptione minus honorificè quam decebat, enixe prohibuit. Exemplo sit PHILIPPVS PLEGAFECTA ciuis meus, nobilis ille polytropia & vario rerum usu, qui non ita pridem in patria obiit. Hic in com-

De Sesterti

mentario de Sestertiis, quem Romæ ediderat, PINELLVM nostræ ætatis summum Criticum appellauit, ea mente, ut penes coryphæum amicorum (eo enim loco IOH. VINCENTIVM habuit) rei litterariæ arbitrium esse pronuntiaret. At non huic ita visum, cum induci nomen suum, vel in aliud commutari epitheton illud postularit. Ægerrime tulit habitam mentionem suam à nullius præcij scriptoribus, obsolefieri hac ratione arbitratus nomen suum, cuius cura magno cuique præcipua. At vero non ita penitus hominem exuerat, ut à laudatis viris amicisque profectas laudes aspernaretur; quæ si veræ sunt (referebat Picus) nos ipsos nobis, si falsæ, illorum nobis amorem voluntatemque commendant. Vt Romam non migraret, ostendimus iam quibus artibus fratrum cognatorumque petitiones eluserit: cui tamen proposito, præclaro licet minimeque populari, non defuturos obtrectatores compertum habeo; amasse illum, videlicet otiosam & desidem vitam, quam cum laboriosa illa commutatam noluisse, quod ad eximios honores patere sibi viam utique desperasset. At valeant hi cum somniis suis, desinantque tum demum virtuti maledicere, cum legerint; quæ ego mox retulero, non sine admiratione. Ad CLEMENTEM VIII. PONT. MAX. recens declaratum, cum DOMINICVS PINELIVS CARD. venisset gratulandi causa, quæ fuit ille de IOH. VINCENTIO, num valeret, atque vbinam moraretur: cumque Cardinalis Patauij degere etiamnum respondisset;

set; hortatus illum est Pontifex, ut suo ipsi nomine salutem diceret, Romamque inuitaret, eius sibi aduentum iucundum omnino futurum. Nouerat illum Patauij CLEMENS, ut diximus, & viri moribus doctrinaque valde permotus, apud se iam ante constituerat Romam illum Patauio aduocare, in urbis & Pontificatus sui ornamentum. Cardinalis cum IOH. VINCENTIO nulla interposita mora accuratè egit, ut CLEMENTIS desiderio satisfactum vellet, patereturque se in lucem & conspectum hominum ab ocio literario, cui pridem assueuerat, cum nominis gloria & gentilium commodo auocari: non defuturos in urbe viros eiusdem ordinis, quibus eadem studia cordi sint, apud quos esse, quorum congressibus perfrui posset. Hæc & alia, quæ Cardinalis ad hominem excitandum studiosè collegerat, IOH. VINCENTIVM minimè exorauerunt ut Patauium defereret. Quinimò ad Cardinalem rescripsit epistolam modestiæ plenam, in qua enixè petebat, ut ageret suis verbis optimo Pontifici gratias ingentes: non licere sibi ætate confecto, imbecille adhuc valetudinis, morem gerere Sanctitati suæ; tanti beneficij oneri imparem esse: gratias quas referre non possit pro dignitate, animo habere, curaturumque ne vnquam è memoria dilaberentur. Inuoluit silentio hæc omnia eo studio PINELLVS, ut etiam fratri, ad quem singulis hebdomadibus litteras dabat, celata esse voluerit: essetque voti compos effectus, nisi frater de tota re factus fuisset à Cardinali certior, ut mihi ipse



Neapoli aliquando confessus est, cum haud modicè remissè adeò animi moderationem, quàm admiraretur quàm commendaret. Capuæ Archiepiscopatum (ut audio) eodem ardore quo non pauci appeterent, reiecit; neque se nobilissimæ Urbis præstantia, amplissimi Sacerdotij prouentibus, affinium precibus, de proposito dimoueri passus est; ut qui optimè nosset, in quas erumnas incidant ij qui se muneribus Ecclesiasticis incogitantes urgeri sinunt: obeundas ipsis molestias complures, nisi officij sui esse desertores turpiter malint. Quæ sanè GASPAREM CONTARENVM nobiliss. Cardin. impulerunt ut diceret, amplissima Sacerdotia plus in se oneris quàm splendoris habere, quoque maiora illa forent, eò molestiæ plus sollicitudinisque continere. PINELLO sanè in patria & alibi, satis ampla patuisset quorumuis honorum via, modò ipse non noluisse; at maluit ille, ut prædicauerat de adolescente

Epist. 16. lib. 7.

PAVLVS MANVTIVS, ab omni honorum cupiditate sola virtute contentus, longissimè distare. Recepissent eum Patauini lubentes in ciuitatem, magno splendore publicæ illorum rei futurum. At is Scholastici nomen ne dimitteret, quod arripuerat semel, constantissime recusauit. Ortus Neapoli & educatus, Neapolitanum dici se non ferebat; non quod affines, quos Neapoli splendore opibusque præstantes habebat, non amaret; sed quod Genuam patriam agnosceret, in qua à sexcentis iam annis gentilitij decoris primordia, & libertatem in oculis ferret: pulchrū

ratus

ratus eius ciuitatis primariū esse ciuem, quæ propriis confiliis, non alienis nutibus, autum imperium tutaretur: hanc patriam vocabat, huius se desiderio teneri asserebat, dolebatque quòd eò nunquam accessisset, vbi omnibus charus, amicorum & affinium copias recenseret. Ostentationem quæ saperent repudiauit semper; ideoque neque se unquam ad fastigium studiorum, quod vocant Doctoratum, emeritum licet, promoueri passus est: quam deliberationem egregiè tutatus est in omni vita. Et cum Patauī complures clarorum virorum cœtus cogerentur, quos Academias appellamus, Eleuatorum, Occultorum, Aethe-reorum & aliorum, nulli unquam nomen dedit; amplissimis viris Basilio, Gregorioque Nazianzeno in hoc non impar, qui ab ambitione & theatrāli quadam ostentatione procul abhorruerunt.

Nazianzeni o-  
ratio in laud.  
Magni Basilij.

Morum integritatem adeo adamauit, ut cum adolescens Patauī domum conduxisset è regione ædium clarissimæ tunc temporis fœminæ Constantiæ Fulgosiæ, ad quas animi causa horis subsœciuis ventitabant, quotquot Patauī tunc ingenij laude florebant, nunquam tamen eo diuerterit PINELLVS, pudori suo labeculam quampiam adspergi posseratus, si de instituto genere vitæ aliquantulum remisisset. Quod sibi propositum ne excideret unquam, vitreas fenestras, per quas inlectissima matrone, eiusque pulcherrimarum comitum cubicula introspectaret, pessulo obfirmatas perpetuò voluit, quod (ut aiebat) existi-

existimaret, nolle illas spectari se, molestæq; laturas si quis earum acta parùm tempestivè exploraret. Interdixerat sibi conuiuiorum, & chorearum præsertim, celebritatem, quod iis mulierum. Virorumque parùm sanis conuentibus auocari se à studiis extimesceret, eorum exempla animo voluens, qui harum illecebrarum turbine in voluptatum scopulos acti, existimationis naufragium fecerunt. Macæ animo vir clarissime, qui adolescentibus nostris Canona expressisti, ut ad tui conspectum voluptates blandissimas dominas procul haberent, modo gloriæ culmen attingere aliquando exoptarent. At quoniam hunc nostrum sæpe sæpius curiosum appellauimus, non diximus ea mente, ut alienorum exploratorem vitiorum notaremus, cui fuerit cura alienum dedecus ob oculos ponere, inquirenti videlicet in dicta omnium & facta; longè aliis illum moribus imbuerat natura, ne per annos quidem xx. & amplius scientem quales in vicinia essent ij inter quos vix vnus domesticus paries interiectus. Ea nobis voce propositum fuit nobilem animi propensionem exprimere, quam ille ad omnes inuestigandæ veritatis rationes acerrimam conferebat, aliarum omnino rerum, quarum huc non tenderet cognitio, negligens & incuriosus. Hinc fiebat ut spectaculorum minimè amans esset, irrideretq; eos, qui pompas, fabulas, saltationes, hastiludia spectatum irent. Cumque Vicetie anno CIO. IO. LXXXV. Academia uti vocant Olympicorum, regio prope apparatu, Sophoclis Oedipum tyrann-



tyrannum, Italicè redditum ab Vrsato Iulianiano Patric. Veneto, agendum decreuisset, confluerentque eo turmatim è vicinis Urbibus docti passim & indocti, substitit tamen ille domi, precesque meas & amicorum quotquot aderam, auersatus est, sibi suffecturam confessus AICARDI in eo genere diligentia, quem nolenti similis, permisit tamen fabula nobiscum interesse. Ferrariam itidem cum Pontifex Maximus Clemens VIII. aduentaret, ut eam urbem ditioni Ecclesiasticae suis auspiciis incruento bello restitutam inuideret, nuptiisque Hispaniarum Reginae, Flandriaeque Comitum, dictus ibi esset dies, cuius, & Pontificis gratia, Ferrariae cõuenirent Italarum procerum flos, Cardinales, Regum Dynastarumque exterorum legati, & tota pene Italia auulsa sedibus suis, vnus PINELLVS prætulit nobilissimo conuentui quietem Patauina, & audire maluit quam inuisere, quid actitatum esset in frequenti illa procerum Virorum celebritate. Non illum Pontificis Maximi minimè obscura erga se beneuolentia, non purpuratorum patrum amor, quorum plerosque officiis sibi & studiorum similitudine deuinxerat, non affinium charitates, quorum haud pauci inter Principes viros illius conuentus numerabantur, flexerunt ut pedem porta efferret, coniceretue se in turbas illas, è quibus non nisi post insignem bonarum horarum iacturam regredi liceret. Venetias, proximo & commodo traiectu, ut appelleret, spectatum Regum seu Ducum aduentum, statumque ac solem-

nem inaugurationis Serenissimæ Principis MAVROCE-  
 NÆ GRIMANÆ diem, nunquam adduci potuit, maluitq;  
 solus Patauij esse (discesserant enim ciues pene omnes) quā  
 vulgi se conuersationibus inepte immiscere: memor di-  
 cti Senecæ; vitæ quæcumque vulgo placent. Patauij, v-  
 bi degebat, ubi habitabat, si quid incidisset eiusmodi  
 spectaculorum, quæ curiosos allicerent, perstitit ille in pro-  
 posito nihilominus, neglexitque eò adicere oculos, unde  
 animus doctior redire non posset. Quo in genere eximium  
 illud fuit, quod narraturi sumus, documento futurum iis  
 omnibus, qui sapientiæ laude censi volunt, ne temere  
 credant, meminerintque esse germanas sorores, unoque  
 partu editas, credulitatem & pœnitentiam. MARCVM  
 BRAGADENVM, Cyprium chymistam illum, Patauio Ve-  
 netias traiciientem, nemo non accurrerat ut de facie no-  
 sceret. Nec deerant qui se beatos arbitrarentur, quod Pa-  
 etolum Hermumæ aureas volentes undas cernere da-  
 retur, atque adeo contrectare: continuit se domi subridens  
 PINELLVS, narrauitque mihi, qui eum tunc forte conuene-  
 ram, chymistarum insigniora quedam tum dictatum fa-  
 cta, quibus me sub vesperam usque lubentissimum deti-  
 nuit. Sentiebat nimirum vir magnus cum maximo ora-  
 tore, quem legerat ita scribentem: Me autem quid pudeat  
 qui tot annos ita viuo, ut à studiis nullo me vnquam tempore aut  
 commodum aut ocium meum abstraxerit, aut voluptas auocarit,  
 aut denique somnus retardarit. Quare quis tandem me reprehendat,  
 aut quis mihi iure increpescat, si, quantum ceteris ad suas res  
 obeundas, quantum ad festos dies ludorum celebrandos, quantum  
 ad

Epist. 2.

Cic. in orat.  
 pro Archia.

<sup>alias</sup> ad voluptates, & ad ipsam requiem animi & corporis conceditur temporis, quantum alij tribuunt tempestiuis conuiuiis, quantum denique alex, quantum pilæ, tantum mihi egomet ad hæc studia recolenda sumpsero? *Liberalitas etiam, quæ magna in viro nobili laus, in PINELLO non minimum enituit, cum vel beneficia minima rependeret maximis, vel dignos conquireret studiosè, in quos aliquid conferret. Modum tamen rationemque ad amussim adhibuit, ut ne videretur agere præposterum quidpiam. Cavit enim sanè quàm accurate, ut bonos tantum sibi obstringeret, ut beneficia tempestiue collocaret in eos qui officium agnoscerent, quosque res muneri data oblectaret: patebit hoc ex iis quæ hic exscribemus, in quibus animaduertemus profecto, si non immanes profusiones, at conuenientiam saltem, qua munera non vilescerent. In me ille olim audiuerat ab Episcopo Vicetino collatum honorem Canonicatus, cum munere adiuncto Theologicæ scholæ; disquisiuit statim, quid eius mihi tractationis præceptum esset, cumque Genesim cõperisset sacrorum Voluminum caput, de industria selectum, ea ratione, quod mihi primum in Ecclesia Vicetina, & in patria id muneris demandatum esset, instruxit is me, nihil tale cogitantem, elegantissimo librorum commentariorumque apparatu, quod desumerem quæ liberet ad ornatum interpretationis meæ, quibus adiunxit aureorum monitorum centuriam, quibus quatenus progrediendum, ubi sistendum, deliberandumque cum laude in suscepta interpretandi ratione, quæ mihi insistenda vestigia,*



qua methodo utendum, peramanter doctēque præscripserat. CÆSAREM NICHESOLAM quod inaudisset politicæ rei studiosum, luculentarum de ea re conscriptionum fascē ideo voluit locupletatum, quod sibi, præclari sane opus artificis horologium, minutum tamen, dono dedisset. Ab Archiepiscopo Bariense salgama quædam cum accepisset, renunciassetque illi Archiepiscopi familiaris, habere se in mandatis à domino suo, ut in comparanda librorum aliquot non contemnenda serie, PINELLI opera vteretur, præuertit hic noster, conquisitosque, & redemptos sua pecunia libros, tradidit Archiepiscopi familiari, frustra IOH. VINCENTII fidem obtestanti, frustra domini sui mandatum inclamanti. At non Italos modo, sed & transalpinos homines sibi demeruit, si quando opera sua indigere animaduerneret. Cum nobili Gallo, cuius nomini parcimus, recte factorum conscientia contenti, amicitiam Patavij contraxerat, colueratque mutuis officiis. Hunc domum redeuntem, & Mediolani politiam curiosè, ut advenæ eruditi consueverunt, explorantem, coniecerunt in carcerē Hispani, suspectum duplici nomine, & quòd Gallus esset, & quòd haberet tunc temporis solertissima natio, cur suspicionibus per finitimorum bella indulgeret. Vix hæc inaudiuit PINELLVS, cùm Mediolanū ad IACOBVM Menochium, & ad IACOBVM Mainoldum, Senatorij tunc ordinis clarissimos, sibi que amicissimos viros, litteras dedit enixè rogans, ut dimitteretur vir nobilis, quem

male

male consultus discendi ardor, nihil hostile cogitantem, eò loci protexerat. Mercatoribus etiam mādauit, vt pecunia iuuaret, curarentq; ne quid illi deesset. At Gallus longioris moræ impatiens, cum dies eius missionis aduētare, muliebri veste ex arce proripiēs sese, primis excubitis deceptis, à secundis in ponte sublicio deprehensus, prodēte virum gressu vltra muliebrem modum, in arctiorem custodiā datur, non sine capitis discrimine, quæ tamen omnia bene illi vertērunt, cum IOH. VINCENTIVS quā auctoritate, quā testimonio, libertatem ipsi amicorum ope impetrasset.

Neque non munificus in suos fuit, qui in alienos adeo liberalis; NICOLETTÆ GRILLÆ Agapiti clarissimi Trierarchi filiæ, Virgini lectissimæ, quæ fratris filio Cosmo Duci Acheruntino conuenerat in manum, nuptiarum causa dono dedit vniones duos, in aurium ornamento, preciosa indicaturæ. At hæc largitas cum illa minimè conferenda est, in quam PINELLVS mirè propensus: cum videlicet egentes, qui nō sua culpa rei familiaris iacturam fecerunt, opibus iuuamus. His ille, & probis quidem præ ceteris, nunquam defuit. Deo Opt. Max. animo lubenti hanc operam nauare solitus.

IASON DENORES Cyprius, ante patriam acerbissima Turcarum dominatione oppressam & afflictam, vir opulentus olim & fortunatus, ac primariæ apud suos nobilitatis, quiq; in Gymnasio Patauino Philosophiam de moribus aliquandiu cum laude est interpretatus, Patauij diē obiit anno MDXC. huic viuenti vt omnia abunde

præstitit amici officia, ita eiusdem uxorem & filios, cum sibi moriturus commendasset affectus suos, impensè fuit.

- CAROLVM TECTIVM Mathematicum amicum suum vita Patavij functum, pecunia sua non modò extulit magnifico funere, sed & sepulchro, & nobili honestavit elogio: haud
- passus perire memoriam eius, quem interioris notæ amicum habuerat, quem agrum omnibus officiis recreauerat. Imò quod multi laudabunt, imitabuntur pauci, affinem ipsius & heredem institutam, litibus implicitam, cum soluendo non esset, suis opera & sumptu gratis explicitam voluit. Hinc fiebat ut in probos & litterarum amantes, inopes tamen, si quando incidisset, nihil relinqueret intentatum quò eis opitularetur. Hæc demum germana vocanda est liberalitas, cui non maiora præmia proposita sunt, sed ingenua virtutis forma, sed candidus bonorum amor. Apage captiosos illos, qui se liberales videri amant, ut paria sibi, atque adeò maiora rependantur. Et quia non infrequenter fit, ut qui mutuo pecuniam accipit, amicus esse desinat, cõsueuerat hic noster bonæ frugi pauperibus, nummos non quot ipsi mutuo poscerent, sed pauciores elargiri. Inopem enim amicum (sive mutuo des sive neget) inimicum mox experiare necesse est, negantem auersatur, quod nullum sibi in eius opibus paratum subsidium, auersatur dantem, quia qua ratione alienum æs dissoluat non videt. Eximium illud, quod ter in anno quateruè, sub insigniores quosdam profestos dies, sibi in vicinia curabat describi
- quot-



quotquot maxime egerent, monasteria item, & inopum per urbem stationes, quibus viritim nummos diuidi citra ostentationem imperabat. Pestilentia ut diximus in agro Patauino grassante, haud facile dictu est, quam se munificum pauperibus præbuerit, quibus etiam antidota aduersus imminentem morbum largiri consueuerat. Hæ nimirum veræ liberalitatis artes sunt, quæ eò magis alligunt oculos animumque, quo minus auo nostro, deprauatis videlicet moribus, munificentiam amamus, captare assueti & captari, speque lucri potioris, speciosa virtutum nomina aucupari. Hospites quibus domum suam patere perpetuò voluit, lautè satis habebat, amator in hoc quoque genere munditiarum. Mensæ apparatus, & obsoniorum seriem qui viderunt, ijs sane domini mores unico argumento peruidere soliti. In hospitum verò gratiam, sobrius alioqui & abstinens, remittebat aliquantisper de proposita viuendi ratione, amicorum id ratus consuetudini indulgendum, & genio mensæ communis.

At inhibendus mihi demum progressus orationis meæ, impar videlicet magni viri virtutibus assequendis, quas nostratium & exterorum nemo non suspexit, non admiratus est. Diuertam igitur (inuitus licet) ad morbum eius & mortem, in gratiam eorum qui nosse velint, quantam in uno homine fecerimus bonarum artium iacturam. Nec sanè indignum quod expendatur, cur IOH. VINCENTIVS adeò infirma valetudine usus sit, qui sobriè admodum  
vixit.

vixerit, qui in victus ratione omnia ad normam exegerit, qui demum honestarum voluptatum lineas nunquā transilierit. Et hæc profectò in eam me sententiam compellunt, ut arbitrer duabus potissimum de causis hoc PINELLO accidisse; aut quòd maiori animi studio quàm valetudo ferret, libros peruolutaret, quorum est uniuersa trahere ad se animi corporisque munera; aut quod nimis familiariter cum medicis versaretur. Horum siquidem nonnullis, familiaritatis vel existimationis specioso obtentu, est in votis (venia sit dicto) homines torquere per varia artis experimēta. Quæ ut in medicos, quos sibi PINELLVS optimos, optimo euentu, prolata ut licuit vitæ, delegerat, minimè cadunt, ita me in alteram illam sententiam procliuiorem reddunt, per libros illi, ut plerisque aliis, animo valere, corpore imbecillo uti contigisse. Visus ipsi ut diximus hebes, legentem, nec ideo intermittētem torquebat, hepate adhæc utebatur supra modum calido, stomacho autem infirmo, crurū altero minus valuit aliquando; stranguria illi familiaris, quæ per tædia diuturni morbi ipsum confecit, atque adeo exanimauit. Quæ tamen tantum abest ut ipsius constantiam conuellerent, ut firmauerint potius: suspexerimusque nos virum in aduersis rebus æquè fortem, ac in secundis temperantem aduerteramus. Ad præscriptos enim sibi in victu & curatione medicorum canones, ita se composuit, ut abstinentia, qua ille usus, vix fidem habeat in egrotante, qui per annum cum morbo

*morbo luctatus est, de quo medici iam olim desperassent, qui sibi etiam posset in solatium aliquid indulgere. Quo factum, ut contra sententiam medicorum vitam in annis protraxerit, accepto ferendam dubio procul eximia illi, ad quam animum intenderat, medicis obsequendi voluntati. Versatur quippe in hominum ore frequenter, recte se habitura omnia, si egrotanti cum medico perito conveniat. Viribus se ut quotidie destitui animadverterat, rationem excogitavit qua falleret sese, auocaretque animum à molesta illa cogitatione. Ea fuit, ut crassiores è lecto culcitra amoveri sibi, reponique leuiora stragula curaret, aestivas adhuc interulas indueret, quadras etiam, scutellas, cyathos, aliaque è ministerio ad eandem rationem tenuiora sibi apponi iuberet. Neque dispari solertia cum erigere se, ut consueverat, in cubitum minimè valeret, adhibuit in eam rem funis vicariam operam, quem de laquearibus suspendi iusserat, apposito in imo paxillo, ad quem se iniectis manibus alleuaret. Famulos nunquam passus est in cubiculo pernoctare, quod diceret iniquum esse, ut penderent illi pœnas vigiliarum quæ domino obtigissent. At nos qui viribus quotidie minus valere, & ad interitum properare videbamus, in eam curam enixè incubueramus, ut ne intestatus discederet, nobilissimæ bibliothecæ distractioni obuiam ituri, quam Dux fratris filius, animi quodam presagio, nimium quantum auersabatur. Ille vero ne palam tenderet contra studia nostra, annuenti si-*



milis, rem verbis proferre cœpit, duabus (ut ego quidem  
 sentio) impulsus rationibus, vel quod corpore æger, animo  
 tamen valeret, consideret quæ conualiturum se, & cautu-  
 rum, ut dictitabat, sibi minori negotio rebusque suis;  
 vel quod arbitraretur testationem supremæ voluntatis  
 eos tantum decere, quibus heredes ad manum non essent.  
 Habere se domilectissimos affines charissimorum fratrum  
 filios, quibus cum deferrent sanctissima sanguinis iura do-  
 mesticas facultates, non passurum se, ut minus officiosum  
 quam par esset, morientem patrum experirentur, qui vi-  
 uentem omni officij genere essent prosecuti. Horum alter  
 COSMVS nomine Dux Acheruntinus, & magnus regni  
 Neapolitani, ut diximus, Cancellarius, patruo, supra  
 quam dici possit dilectus est; modestia enim, animi can-  
 dore, ingenij acumine, discendi studio, patrum adeo refe-  
 rebat, ut ille mihi narrauerit aliquoties periucunde, COS-  
 MVM à se diligere, quod se non tantum ore, sed & ratione  
 studiorum referret. Nouerat quippe librorum optimorum  
 amantem, nobilem bibliothecam sibi comparasse, quam  
 instituerat patrum supplementis subinde reddere ampliorē;  
 ut enim librū quempiam rariorē sibi deesse animaduerte-  
 rat, ad IOH. VINCENTIUM confugiebat, qui libraria ip-  
 sum suppellectili auctum volens, libros optimos, quorum  
 in hunc usum quotquot nanciscebatur exemplaria compa-  
 rabat, in eius bibliothecam Neapolim transuehi curabat.  
 Huic ille bibliothecam suam, nisi fallor, destinarat, optime  
 actum

actum ratus si libros ad eum qui amaret nosceretque, tacito iudicio sineret peruenire. Huic nos (ut & hoc obiter dictum sit) qui memoriam PINELLI colimus, eiusdem iconicam imaginem debemus, quam PINELLVS nemini non pernegasset. Impetrauit hoc à patruo COSMVS, cum primum Patauium venit, eo consilio ut Neapolim abduceret. Cum enim IOH. VINCENTIVS adolescentem animaduertisset indolis magnæ, maximeque in litteris arbitraretur profecturum si vixisset, ipsum amare supra affinitatem cepit, eoque, ut discedentis imaginem penes se detinere deliberaret, absentis utique desiderium lenituras. Non renuit ille, exposuit tamen esse sibi in votis patruum imaginem, quando patrum non liceret, Neapolim asportare secum, ut patri cognatisque hac saltem ratione obtemperatum iret. His auditis abnuere IOH. VINCENTIVS, haud commissurum se unquam, ut gloriolam captasse eo facto videretur; tum demum à patruum constantia metuens petitioni suæ COSMVS, obtestari cepit admonereque, videret quid ageret, certum sibi esse, nisi inuicem exoret, non stare promissis. Præbuit ille se difficilem diu, annuit tamen, & adolescentis optimi precibus, iconem suam est elargitus. Pictor huic rei adhibitus FRANCISCVS APOLLADORVS Venetus, Patauij iamdiu habitans, cuius in ea arte studium ad antiquorum artificum laudem proximè accedit. Hic nobis penicilli ductu PINELLVM, DVCEM ipsum, & AICARDVM in tabulis quas

ego adseruo, suauissimum amicitiae nostrae monumentum, ita expressit, ut nihil ultra desideret qui illos de facie nōrit. Et hinc studiosis ferè omnibus (quot quot in Italia nouimus) oblata nobilis occasio, bibliothecas & Musæa ornandi IOH. VINCENTII imagine, quam auidè à plerisque arreptam scimus, qui egregie nōrant, inter PINELLI laudes præcipuam illam seriò commemorari, de ambulantis musei, & spirantis bibliothecæ. Neque aliunde MARCVS VELSERVS, reipublicæ perinde literariæ, atque Augustanæ suæ nobilissimus II. vir, exhibuit nobis incisam in æs artificii plane manu, elegantissimam eiusdem PINELLI iconicam effigiem, quam ipse, & in gratiam hominum transalpinorum, & in testationem periucundæ quæ sibi cum PINELLO<sup>diu</sup> intercesserat amicitiae, vulgandam curauit. Nec mirum, cū ille tanti faceret quam cum IOH. VINCENTIO habebat animi studiorumque coniunctionem, quippe de ipso iam defuncto scribens ad CÆSAREM NICHESOLAM, eo se demum capite, inquit, laudari malle, quòd PINELLO intimè amicus esset, quàm alio quouis, insigni licet, factoque ad gloriam utcumque comparandam. His demum aliisue de causis, ut ad testamentum redeamus, non uolumus nos PINELLVM de semel arrepto consilij sui statu dimouere. At qui, si à condendo testamento, non tamen à Christianæ pietatis<sup>supra mir.</sup> officijs abhorrebat, eleemosynas in pauperes elargiri, Deo se, sanctisque omnibus commendare haud vnquam grauatus est. Per annum quo æger in

lecto



lecto decubuit, expiare animum confessione, eundem sanctissimo Christo corpore non semel piè admodum reficere consuevit. Familiares profectò quotidie decumbenti sibi septem quos pœnitentiales vocant Psalmos recitantes exaudiebat, neque ideò Deum sibi & cœlites omnes oratione propitiare intermittebat. Me sane ille nunquam dimisit, quin rogaret, ut ipsi Deum, vel quotidianis precationibus, vel sacrosancto Missæ sacrificio conciliarem: gaudebat quæ cum ex me postridie audiret, facta quæ imperasset, faustis officium meum, qualecunque id esset precationibus, & cumulata gratiarum actione prosequi solitus. Ad monasteria Deo deuotorum hominum, & virginum sacrarum, non raro familiares destinabat, qui collata in eleemosynam stipe, ægotantem dominum illorum precibus commendarent. Ad Aram D. Antonij Vlyssiponensis, cuius nomen quaqua patet Christianus orbis celeberrimum est, sacrum fieri pro se impenso studio expetebat, diuinam sibi opem eo precante affuturam confidens, quem Deus vi miraculorum excellere voluisset. Huic affinia illa, quod cum die festo ægritudine prohiberetur quin sacro interesset, consueuerat è domesticis religiosiorem dimittere, qui & suam vicem quatenus licebat expleret, certamque inter pauperes à se pecuniam diuideret, in expiationem eius delicti, cuius ille tenuem etiam conscientiam auersabatur. Et si quando diuinis officiis hebdomadæ vti appellant maioris, exaudiendis (quod raro admodum contigit) impedi-

N 3      batur,

batur, nihil antiquius habuit, quam ea domi ut recitarentur curare. Beatissimam Virginem eximiè coluit, eiusdemque festos dies. Quocirca paucis antequam obiret diebus, sub diem Deiparæ Virginis assumptioni sacrum; mihi ille tum, aduentat inquit tempus persoluen- dum tributum. Ego qui à morbo peius quotidie se habentem noueram, loqui illum de agrotationis molestiis existimabam, quarum monitu adfuturam propediem sentiret mortem, quæ naturæ pensum exigeret; at is ut me hærentem vidit, explicuit sese, de animo videlicet intellexisse sacra confessione purgando, eodemque reficiendo sanctissimo CHRISTI Domini corpore, ut quotannis eo die præcipuo cum sensu pietatis consueuerat. Amortis ille meditatione haudquaquam alienus fuit, cum optime sciret, naturam mortis ostiariæ munus iniunxisse, quo amota corporis sera, nostris animis aditum in cælum affectantibus, viam veluti postliminio aperiret. Cavit tamen cogitationem hanc ne plus nimio ostentaret; imo dedit operam, ne ab amicis, & familiaribus in ea deprehenderetur, turpe id sibi, & parum conueniens antea actæ vitæ instituto ratus, quam ita composuerat, ut in omnem euentum citra sollicitudinem aut curam obtemperatum iret legibus, quas Dei opt. max. administra natura in genus humanum sanxisset. Hoc ille præstabat, animum in alias curas traducendo, litterarias præcipuè, quarum suauitati iam tum à puero assueuerat. Memini ego cum ipsum semel adhortarentur medici,

ut

ut ab his abstineret, non renuisse quidem pro ea qua ipsos prosequeretur reuerentia, at post eorum discessum, conuersum ad me in hæc verba, Ego vero in hoc morbo, diutino ut vides & permolesto, tantis premor cruciatibus, ut nisi eorum amaritiam iucundissimorum mihi studiorum dulcedine diluam miserrimus profecto sim. Anatomes professor clarissimus HIERONYMVS FABRICIVS ab AQUAPENDENTE, qui cum CAMILLO FRASCATO egrotantem quotidie inuisebat, amici aliquando miseratus, quem ad exitum vitæ festinantem his cogitationibus distineri permolestè ferebat, admonuit, ut hæc abiiceret, decurrendi sibi vitæ spatij modicum quid superesse, adhortationem hanc esse officij sui, quod in maximo amici discrimine si deserat impius sit: animum se voluisse religione semel liberare, ne vilius ipsi unquam esset conquerendi locus. Subrisit ille, & perquam facetè, ut ut mortis proximus, à me sanè inquit si obiero, non est, quod obiurgationem metuat quispiam. Mox seriò, compositus ad grauitatem subdidit, agere se illi gratias; imminere sibi, nec imprudenti aut inscienti postremum vitæ actum, daturumque operam ut concluderet non indecore. Et quidem multis antequam decumberet diebus, de valetudine ut fit percunctantibus, respondebat, iam diu ferri se ad metam sagittæ in morem; obrepere sibi festinam præcipientemque senectutem ut eo responso monstraret.

Decessit Prid. Non. Aug. MDCI. animo pridie ritè ex-  
piato;



piato; cum enim animaduertissemus nos, qui egrotanti assidebamus, aduentare iam mortem, monuimus recte facturum si abstergeret sacra confessione antea vitæ labe, præceptoque sanctissimo Domini corpore, ad supremum se iter compararet. Deliberauerat ille, ut diximus, exequi hac in assumptæ Virginis beatissimæ venerationem, eiusdem festo die. At ex horum frequenti usu vegetiorem fieri animum probè sciens, eo præsertim tempore, quo sibi erat cum morte colluctandum, gessit nobis morem, adhibitoque Sacerdote, qui tum ipsi erat à confessionibus, Eucharistiam in crastinum sumere distulit, ut ad sacrum cœuiuium paratior accederet; decreuerat autem, ut retulit confessarius, tum demum testari, & heredibus suis eo pacto prospicere, quorum in se beneuolentiam postremo hoc elogio fraudare parùm officiosum ducebat. Porro Sacerdos consilium laudauit, adiecitque optimum fore si non in crastinum differret. Excepit is, reicere se consulto testamenti factionem in crastinam diem, ut præsentis Deo pe, rem non ita facilem aggrederetur. Vesperæ cœnauit hilaris; meque intuens, qui ibi pernoctare desieram ab aduentu CÆSARIS PINELLI, qui patruo ut adesset Neapoli aduenerat, monuit, ut domum abirem, aduentasse iam noctem, viderem ne per tenebras aliquid caperem detrimenti. Ast ego negavi me discessurum, velle siquidem apud CÆSAREM cœnare; quod ille subridens probauit. Ego sanè animum induxeram per eam noctem emanere eo consilio,

lio, ut sanctissimam Eucharistiam percepturo adessem, at Deus opt. max. eam mihi mentem (ni fallor) iniecit, ut viri in re litteraria memoria nostra facile principis, extremum spiritum exciperem, & piis de more precibus prosequeretur abeuntem. A cœna ipsius temporis nescio quid sermonibus extraximus, quousque illi visum instare cœna nostræ tempus. Tunc is me discedentem affatus, erupit in hæc postrema verba: Tibi gratias mi GVALDE, presagienti similis, & supremum valere pronuncianti. Tum CÆSAREMENIXE intuens salutavit alacriter. Quo factum ut nos in eam spem veniremus, producturum vitam ad aliquod tempus. At veluti in lychno intermoriens flamma erigit se subinde, & cum proximo defectu collectis viribus luctatur: ita PINELLI vires collegerant sese adversus impendentem mortem, & in corpusculo illo, quod vis diuturni morbi exederat, suprema munera peragebant. Ad mediam noctem iusculi aliquantulum, ut à medicis imperatum, exhauserat, cum reclinantem se in pulvinar, inuasit deliquium ita vehemens, ut non multò post vitam eriperet; accurrimus nos à familiaribus excitati, nec sanè intempestivè, cum ego spiritum è corpore proficiscentem Deo & cœlitibus omnibus, precationibus sollemnibus commendarem. Ita ego eodemmet Augusto mense ante quattuor annos AICARDO adfui, hoc vno in charissimorum mihi capitum iacturis fortunatus: cetera parùm felix; quod cause luctus ad manum essent, neque mitigaret dolorem

absentia, quæ omnes emollit asperos humanarum vicissitudinum euentus. Annos PINELLVS erat natus VIII. supra LX. nec ideo tamen non deceſſit immature; præproperum enim ſemper illius eſt funus, mea quidem ſententia, qui hominibus poteſt eſſe adiumento, vt hic noſter inſigniter fuit. Cadauer medici exſecuerunt, deprehenſique in veſica lapides quatuordecim magnitudine iuglandibus pares, & prægrandis vnus, cruentus, aſpera cute, & aculeata in renibus, in veſica verò arenæ & calculorum ſubſiderat nimio plus ſatis. Elatum eſt funus ad D. ANTONII, quò frequens PINELLVS religionis cauſa conueniebat, vbi condi AICARDVM curarat, cui etiam nobilem memoriam deſtinauerat, poſteris indicio futuram illius in ſe meritorum, & ſui in illum amoris. Exequiæ ſacrificiorum funebrium frequentia, & larga in egenos diuiſione nobilitatæ. Laudatus publicè non eſt, quod excluderentur omnes anguſtia temporis ab opere aggrediendo, quod ſui magnitudine, ſublimia quæque ingenia deterreret. Et vero quis illaudatum dicat, quem in vnum conſpirantes quotquot aderant Patauij eruditorum voces, in funere non tralaticiis laudibus ornauerunt. Quicquid enim ſcripſit Corn. Nepos de Attico, ibi de PINELLO conſtanti prædicatione inaudiffes, per XL. annorum ſpatium iniurium fuiſſe nemini, iuiſſe omnes; in ius de ſua re uiſſe nunquam, in ſimis communem, principibus parem, gratiſſimum omnibus. Libros illi non otioſè peruolutatos, ſed  
ad



ad exemplum instructionemque Vitæ, neque maiorem operam cognoscendis naturæ arcanis, quam excolendo animo impendisse. Nemo tum Patauij, qui litteras & humanitatem haud persunctoriè amaret nõ acceßit ad CÆSAREM, vt clarissimæ domus per eam iacturam extinctum splendorem doleret. At eius generis officio quamplures mecum persunctori, quod scirèt extare illas grauissimas causas doloris mei, amissum mihi patrem, patronum, amicum, qui me amaret, tueretur, diligeret, cui per XX. & amplius annos fuissèm intimè familiaris, quem & Patauij dum essem quotidie non inuisere, & absens non per litteras ferme quotidianas salutare, nefas haberem. Constituerat ipse (vt ex eius per antiquo familiari audiui) etiam apud posteros mutuam beneuolentiam nostram, insigni aliquo edito amoris monumento contestari, quod vt auerterit mors, non ideò minus debere me illi sentio, felicitatis & existimationis meæ (si quid mihi earum contigerit) parenti, & auctori. PINELLO enim & AICARDO adhortantibus, à patria non procul (quod magno quis emptum velit) nactus sum tutissimum asylum fortunarum mearum, domum MARCI CORNELII Episcopi Patauini, quem vti exemplar æui prioris, & miratur nostra, & suspiciet posterior ætas. In suam me is familiam illectum, suauitate morum, & animi candore, ea complectitur beneuolentia, vt habere videatur iusti fratris loco. Probitas nimirum, & humanitas solitaria non sunt, sed amant dare se in conspe-

*Etum, contrectari, & moderato usu nitescere opes suas. Et vero non alia ratione hominem homini deum fieri contingit. Horum ego mutuo amorì, quæ dixi ni accepta feram magna ex parte, ingratus profecto sim. Quid enim optandum magis, quam mihi in patriæ pene dixerim conspectu, in suauissimì fratris oculis, qui me à semetipso diuelli ægerimè tulisset, patronum optimum obtingere, per quem apud PINELLVM & AICARDVM, quos ille propter multas ingenij & humanitatis suauitates amabat, esse quotidie liceret?*

*Audisti quisquis hæc legis, priuatas doloris mei causas, vidisti iacturam: at detrimentum, quod Italia, & vniuersa penè dixerim Europa, in eodem passa sunt, quo satis digno genere orationis prosequemur? Eiusmodi viros parcè profert natura, opes suas in abdito habere iamdiu docta. Methonis fortasse annus transigendus iis qui alterum PINELLVM expectant, cuius studium humaniora studia restituat in pristinum splendorem, cuius opes in nobiles libros colligendos impendantur, cuius dignitas viris doctis patrociniò sit. Aetas sane nostra si quem feret eiusmodi, is (ita me Deus amet) non alius erit à NICOLAO FABRICIO Gallo, domo Aquis Sextiis, clarissimo adolescens, qui Romæ & Patavij vixdum plenam pubertatem egressus, eo ardore PINELLVM & PINELLI studia est complexus, vt omnibus nobis, & doctis viris quot quot his capiuntur litteris, miraculo sit.*

Post patruī obitum CÆSAR PINELLVS Patauī substitit per aliquot dies, tum vt creditores (si qui forte erāt) haberent quem adirent, tum vt bibliothecam ad COSMVM patruelem transuehendam Neapolim curaret; cuius semissem hereditario sibi iure obuientem COSMO dono dederat, cui, vt nos audiuius aliquando, mens fuit CÆSARIS liberalitatem pari officio compensare. At humana hæc studia quā parui Deus pendat, & sæpe aliàs, & tunc in pretiosa illa bibliotheca perspectum satis. Eius nobis iacturæ historiam pertexere in animo est, vt nimij rei litterariæ amatores, excitentur recēti exemplo ad comparanda sibi met ipsis bona illa, quæ nec vis temporis abolere, nec iniuria hominum interuvertere possint. Et sane ridendum nescio an plorandum sit, congestas bibliothecarum opes miseris modis quotidie dissipari, nec ideò minus deesse homines, qui summa cura in id incumbant, vt heredes onerosam sibi sarcinam prorsus abiiciant, vel controuersam coniciant in domesticas latebras, ubi cum blattis & tineis perpetuò pugnet. Patauī animam vix egerat PINELLVS, cum nescio quis ad Senatum Venetum detulit, è republica non esse, asportari Neapolim, cum IOH. VINCENTII libris, intima quæque Venetorum consilia. Collegisse illum per XL. annos, quicquid legatis Venetis legatione perfunctis adnotare, & in Senatu exponere moris est: opibus & gratiæ illius patuisse tabularia Senatus, rei videlicet Venetæ amatori: at defuncto ipso minime se-



rendum, ut arcana imperij euulgarentur, & in hostium fortasse manus inciderent. Probaui Senatus quæ dicebantur, imperauitque Patuij Pretori, ut capſas librorum centenas & amplius ſiſteret, obſignaretque, ex his in XIV. conieceramus libros manuſcriptos, quarum binæ nihil aliud continebant, quam commentarios & acta rerum Italicarum, exterarumque. Has oportuit ex compaſſo deferri in domum Pretoriam, ubi delectus habitus CCC. eiſmodi commentariorum, qui ſtatim Venetias amandati. At nos, qui videramus Pretorem Senatus imperio abuſum, ſuſpicionib. æquo plus indulſiſſe, Venetias perreximus, iacturam nimis grauem nobiliſſimæ bibliothecæ deprecaturi. Et cecidit ad votum res. Delegauit Senatus nobis nonnullos eorum ciuium quos à Secretis habet, mandauitque ut recenſionem Pretoris inſpicerent, dimitterentque nobis omnia, quæ res Venetas minimè attingerent. Ita factum ut ducentæ ſolummodo conſcriptiones nobis perierint, quæ in arcanum Tabularium cõditæ ſunt, appoſita ibi ſcheda, in qua notatum, decerpta hæc imperio Senatus è PINELLIANA bibliotheca. Præceſſerat hæc turbæ familiaris cuiuſdam furtum, qui per ſummum ſcelus quæſtum è domini morbo captans, pleraque eiſ generis, non animaduertenti ſubtraxit, diſtraxitque. At detrimenta hæc omnia vili æſtimanda, præ hoc ipſo quod mox enarrabimus. Bibliothecam Venetias deuehendam curaueramus, ut inde mari Neapolim impendio minori ap-  
pelle-

pelleret; at ne qua vis maior, ut in navigatione solet, pessundaret uniuersam, interciperetur, placuit in tria nauigia capsas coniici, quæ recta Fortori portum in Apulia peterent, excipiendæ à ciue meo Hieronymo Velo Episcopo Larinate, quem PINELLVS dilexerat, VRBANO etiam VII. Pont. Max. charum, & ad summa quæque destinatum, ni mors optimi Pontificis conatibus obuiam iuisset. Nauium harum altera cum trium & triginta capsarum sarcina in piratas Turcas incidit, qui prædæ opulente inhiantes, cum chartas & libros inuenissent, gaudio in iracundiam verso, inutiles sibi merces abiicere ceperunt in mare, quousque captiui nauarchi monitu deliniti, & tot exhauriendarum chartarum tedio fatigati, ab impotenti cæpto destiterunt. Ita nauigium exarmatum, nautæ in vincula coniecti, merces reliquæ in triremem comportatæ, & libri (ut ille monuerat) relictæ beneficio alicuius, qui cum nauigio in littus eiectos colligeret, asportaretque. Ita plane factum: cum enim fluctus maris nauim destitutam eiecisset in littus, è regione Firmanæ colonie, conuolarunt ad expositam prædam piscatores, aliique, quorum nonnulli libros domum asportare, quidam papyros in frusta dissectas ad rimas nauigiorum cum glutino adhibere, non pauci, specularium vice, tuguriorum fenestris aptare, & profectò memini audire me à quopiâ, per tractum sane quam patentem littoris illius, aliud tum omnino haud comparuisse, quam laceras schedas, quæ proiectas in littus, quæ

in

in salo fluctuantes. I nunc qui sine modo hæc amas: Reges magnos emulare, heredum improbitas, latronum iniuria, domesticorum fraus, elementa adeo ipsa perdent delicias tuas. Audi, audi, quisquis incubas librariis illis thesauris; I consultum publicæ utilitati, euulga ingenia magna, lucubrationes non tuas publici iuris fac, permitte ut alij proficiant nullo tuo detrimento, non minima tua cum laude: Quæ tu sponte rei litterariæ perennitati commodaueris, ea uniuersa effugient Adrastie manus. At Firmianus præses ut primum hæc percepit, edixit deferri ad se quicquid ibi chartarum librorumue eiectum fuerat, collectumque; ea mente ut domino restitueretur, si quem dies obtulisset. Me tunc Venetiis commorantem male percussit hic rumor; ingemuique fatum nobilis bibliothecæ, cuius genius cum IOH. VINCENTIO perisse mihi semper non dubiis argumentis visus. CÆSAR Neapolim versus proficiscebatur, nec mihi certum, ubi litteris assequerem abeuntem, consultius ergo visum COSMVM de tota refacere certiozem, atque interim curare, ut MARCVS Episcopus Pat. OCTAVIVM CARDINALEM BANDINVM, qui tum Anconitanæ Marchiæ legatus præerat, oraret ut naufragam bibliothecam conquiri, & asservari imperaret. Hac de re tum ego litteras etiam dedi ad HORATIVM MARTIARIVM Vicetinum, primum Episcopum ciuitatis sancti Seuerini, excitatæ annis ab hinc circiter MLIII. in vetustissima Septempedana colonie ruinis. Dux, perlectis litteris



teris meis, non segniter agendum ratus, certos homines in Picenum allegauit, qui Cardinalis legati opera, præmiis pænisque propositis, è tribus & triginta capsis, duas & viginti coëgerunt. Ita compertum peruisse XI, librorum octo, iconicarum imaginum duas, mathematicorum organorum vnā: librorum iactura quam grauis, incertum adhuc nobis, ea de causa quam afferemus infra. At siue impressos siue manuscriptos attigerit, in vtramuis partem deploranda. Et ne vlla bibliothecæ pars à turbis vacaret, libri illi quos à IOH. VINCENTIO diximus Romam missos, ut affinis spem faceret profecturum se illò quandoque, diem functo Abbate Rauascherio, cuius illos fidei commiserat, ab Apostolica quam vocant Camera, cum reliqua Abbatis domestica suppellectile obsignati, & penè distracti sunt. Inhibuit tamen CARD. PINELLVS, profuitque IOH. VINCENTIVM CLEMENTI Pont. probe cognitum fuisse. Quare libri redditi, & Neapolim amandati. Patauij non nemo studiosus doluit, sublatum ex ea ciuitate tantum thesaurum, quem homo talium rerum sciens, exquisita opera, per tot annos, è manibus selectarum eius regionis bibliothecarum congesisset. Et profecto si quis hæc bonarum litterarum subsidia iterum Patauij videre se non desperet, desipiat necesse est. At quamuis suspiciones, furta, piratæ, præstantissimam vti narrauimus bibliothecam afflixissent, recreabat nos tamen ea cogitatio, quod in Ducis manus peruenisset quicquid reli-

quum erat. Huic enim communia cum patruo studia, doctos amare, libros in deliciis habere, bibliothecam inter Europæas non exigui nominis breui concinnare. Destinarat huic suburbanum amœniſſimum Iulianum nomine, ubi opes in hoc genere ſuas exponeret aſſeruaretque, futuras perpetuo, ut cauturum ſe dictitabat, patrui & gentilitij nominis ornamento. Prefectum huic destinarat THOMAM SEGETVM domo Scotum, è patrui ut diximus contubernio eruditum adoleſcentem. Quæ meditantem diſtraxit proſectio Genuenſis. Vxor à patria iam diu abſens, flagrabat deſiderio reuiſendi affectus ſuos, quos puella vix nubilis Genuæ reliquerat. Annuſ indulgens maritus, filiosque ſecum deducit, marem alterum GALEATIVM nomine, ſcæminam alteram nomine LIVIAM, impuberes ambos. Excepere Genuæ cognati & affines magno apparatu, & ut ciuem decebat, in comitia ſua peramanter inuitarunt. Ibi cum per aliquot menſes moram traxiſſent, COSMO Genua diſcedere meditante, Mediolano Venetias pergere placuit, tum in gratiam uxoris, quæ Italiæ miraculum perluiſtrare auebat, tum ut patruo (ut ille non ſemel ad me ſcripſerat) monumentum Patavij in D. Antonij excitaret, pro gentis ſplendore, conſtitueretque annuam pecuniæ vim, erogandam in ſacra quotidiana pro eiſdem anima noxis expianda. Et quia non ignorabat COSMVS quantopere AICARDVM cum viueret charum habuiſſet PINELLVS, ratus eſt ſui officiij eſſe, ut quo-

quorum animos amor mutuus coniunxerat, eorundem cineres idē tumulus asseruaret, Scipionis gloriam pari exemplo emulatus, qui praconem laudum suarum poëtam Ennium, condiscipulum in eodem monumento praecepit. Quare COSMVS Patauij apud Galileium, in Academia res Mathematicas magna cum laude profitentem, hospitio peramanter exceptus, nihil antiquius habuit, quam locum in eo quod diximus templo maximè conspicuum seligere, intimum videlicet parietem ostij maioris, quem ipse pro dignitate marmoribus, signis aeneis, parergis elegantissimis exornasset. Qui tamen haud impetratus, fastidio quorundam, qui (alia permissa intra templum statione) nobilissimae aedis structuram deformari iactabant nouitiis ornamentis. Patauij ille anxie scrutatus est, an patruus quipiam deberet cuiquam, an è domesticorum numero alicui non abunde factum esset satis. Et quamuis obtulisset se nemo, deposuit nihilominus apud me non exiguam auri summam, diuidendam arbitrato meo in pauperes quosdam, quibus PINELLVM patruum, si testari contigisset, legaturum aliquid coniectabat. Patauio Venetias se contulit me comitante, gnaro videlicet ciuitatis, & rerum earum perito quas peregrinis spectare opera precium foret. Cessit ad votum res, priuataque & publica omnia, quae visu digna, nobis patuere. In nauali etiam (quod non nisi principibus viris & non passim deferri solet) lautissimo conuiuio excepti fuimus, commonstrataque omnes quot-



quot ad sunt bellicæ rei instrubiliſſimæ officinæ. Quæ omnia COSMO Venetiis hilarè comiterque exhibita, tum in patrii memoriam, quem ſuſpexerant uiuentem Senatorum & Patriciorum plerique, tum in gratiam ipſius, qui modestia animique magnitudine ſibi omnes vix dum in primo congressu demereret. Vxor adhuc ornatiffima fœmina, omnibus de rebus quæ matronam decerent, ornate & copioſe diſſerere ſolita, viris grauiſſimis miraculo fuit. De litteris illi, de re Poëtica, nautica, bellica, de gemmis, tabulis, ſignis, ſermo multiplex, qui varium ingenium proderet, ſupra ſexum ætatemque. Scripſit illa Venetiis Genuam ad Liuiam matrem, quam fuiſſet lautè regieque ad gentis morem excepta, ſibi que tum demum contigiffè, quod exiſtimaffet nunquam, ut ſcilicet longe maiores apud exteros ſibi honores, quam in patria in affinium ſinu deferrentur. Proſecturis inſtructa triremis S.C.<sup>to</sup> decreta eſt, quæ Laurentum uſque vectaret, cum ampliſſimis mandatis, ut vna & altera triremis quatenus opus foret exhiberentur, ſarcinis & comitatui comportando; Lautia inſuper decreta, & cibaria publico ere. At rerum humanarum quæ viciffitudo eſt, vix Venetiis egreſſos, & adhuc in conſpectu littoris poſitos, turbauit primum improuiſus & ſubito irruens Ducis morbus, tum venti vis ſubaduerſa, quæ comites impulere, ut relegerent iter, & Venetiis commorarentur quouſque conualeſceret COSMVS. At morbo quotidie inualeſcente, Patavium Dux denebi ſe imperauit, me-

dico-

dicorum opera, quos ea urbs celeberrimos habet plurimum  
 fidens. Eò aduectus, me curante diuertit in domum BENE-  
 DICTI GEORGII Patr. Veneti clarissimi viri, qui ad  
 IOH. VINCENTII exemplar factus, Venetiis aequè su-  
 spiciebatur, ac Patauij ille. Eadem studia, iidem mores,  
 mutuis semper exultant officiis amicitiam pepererant.  
 Huic ego dum viueret supra votum charus, cuius memo-  
 riam non sine lacrymis valeam commemorare, erepti vi-  
 delicet ab immatura morte tum primum, cum laudatissi-  
 mi patris honoribus omnibus in patria persuncti, vesti-  
 giis insistens, ad gloriæ metam aquis passibus properaret.  
 Patauij COSMO medici præstâtissimi HIEONIMVS FA-  
 BRICIUS, HERCVLES SAXONIA, & ÆMILIUS CAM-  
 POLONGVS frustra manus admouerunt. Morbi enim  
 vi grassante latius, quàm ope medica coërceri posset, post  
 xv. dies acerrimis doloribus capitis, & corporis vniuersi  
 cruciatu febrique confectus, & vehementissimo delirio  
 exagitatus, decessit. Adsumus religiosissimè morienti  
 LAVRENTIVS PIGNORIVS & ego, qui vixdum elapso  
 anno supremum hoc officium patruo præstiteram. Obiit  
 COSMVS anno MDCII. prid. Kal. Nouemb, annos na-  
 tus III. & XXX. de quo Virgilianum illud legitime pro-  
 nunciasses,

Ostendent terris hunc tantum fata, neque vltra  
 Esse sinent.

Æneid. lib. 6.

Vitæ siquidem innocentia, morum candore, paucos inue-  
 nisses

nisses pares. Auita religionis prima illi cura, inter delicias qua Urbanas qua domesticas, semper fuit. Quotidie sacro interesse, in hebdomada saltem semel refici pane cœlesti consueuerat. In societatem sodalium D. Francisci, quos Capucinos vocamus, ex privilegio cooptatus, de illis mereri optime nunquam destitit. Cœnobium iisdem & Ecclesiam in sua ditione excitauerat, magna in eos sustentandos erogata quotannis pecuniæ vi. Ex eorundem numero impetrauerat sibi apud quos animi noxas confessione expiaret, seque sacrosanctæ Eucharistiæ sumptione intimè recrearet. In pauperes annuatim diuidebat duodena & amplius aureorum millia, nobiles puellas honeste collocando, subleuando eos qui non suo vitio ad inopiam redacti essent, senio confectis, debilibus, languentibus, opibus suis eximè consultum volens.

Neapoli ante aliquot annos firmus & valens testatus erat, præterieratque bibliothecam, & IOH. VINCENTII monumentũ, patruo adhuc superstite, quorum recordatus fortasse cum egrotaret, petierat ab ALPHONSO SOTO, quo Patauij confessorio vsus est, ut morbo non remittente admoneret Codicilli, quem decreuerat testamento adiacere. Et sanè bibliotheca statum, & amplificationem, patriuque memoriam animo complexum videmus, quotquot cum illo Patauij familiarius versati sumus. At præclaris cogitationibus inuidit improuisum delirium, quod optimum iuuenem de statu mentis deiecit miserandum in  
modum



modum. Maritum optimum, & indulgentissimum, (& has funeris appendices liceat mihi persequi, amoris & benevolentiae ergo) vxor infelicissima luctu perpetuo prosecuta est, ereptum sibi à patria & affinibus procul, iniquissimis temporibus, eum virum dolens, cum quo vixerat sine querela, quo sospite vix ullam sibi matronarum Neapoli praeferrì optime norat : relictos sibi paruulos filios, non qui mœrorem leuarent, sed quorum conspectus luctum augetet, quorum orbitas matrem cruciaret. Neapoli in more positum est, vt mulieres in charissimorum sibi coniugum funere incidant capillos, cum defuncto efferendos, testes doloris, & indicio futuros interceptum sibi morte viri capitis si quod erat ornamentum. Consuetudinis memori, huic nostrae forcipes diu pernegata à familiaribus, & subtracta ferra omnia, quibus propositum exequi posset, donec filiulus matrem angi diutius nō ferens, auratam forcipem è loculis puerilibus promēs, matri obtulit, admonens capillos recideret sibi, & memoriam patris suprema illa contestatione recoleret. Laudauit illa filij pietatem, & sibi dicto citius obscura, spissam & flauentem comam in feretrum coniecit, operuitque caput nigra palla, qua circumfluente contecta, humi cubans in abdito sepositae cellae angulo, dolori habenas laxauit. Audiuimus nos ibi tum eam conquerentem, sermonisque nitorem admirati sumus, & ingenij alacritatem. Quo factum, vt tragicos poëtas minus improbaremus, quos frequenter animaduertas inducere

ducere in scenam dolore & mœrore confectas, Electram Hecubamue, ornatè tamen & copiosè differentes. Graue vulnus infixit domesticæ rei præmatura mors Ducis adolescentis. Honos enim summi Cancellarij, in quem vti diximus impederat ipse LXX. M. aureorum, è familia exiuit, neque translatus in filium est, vti pater præfagio fortasse quodam mortis aduentantis admonitus, tunc temporis maximopere nitebatur. Venetiis quidem puero factum nobile omen, quod nemo tum animaduertit, breui obuenturam illi Ducis appellationem, quam à morte patris natus est. Ostentabatur ipsis in ea ciuitate locus in aede Marciana, vbi copia gemmarum & vniouum ad miraculum usque, cumque ad mitram ventum esset, quæ ibi auro, gemmisque distincta asseruatur, in usum Ducis inaugurandi, puero spectanti oborta est de repente cupiditas mitræ gestandæ, quod vbi intellexit Præfectus Senator, qui tum aderat, mandauit ministris vti obsequerentur puero, cui ad eum honorem iam tum præsternebat mœrore obstitam viam, importunum patris optimifatum. Ducissæ erepto sibi vt narrauimus viro, nihil antiquius habuit, quam cadauer Neapolim præmittere, & Patauio discedere domum versus, tum quod eum terrarum tractum odisset, in quo naufragium fecerat deliciarum suarum, tum quod hiems, cuius ibi magna vis, quotidie appropinquaret. Comites habebat reditus, quos & aduentus, CÆSAREM PINELLVM, & IVLIVM SANGRIVM, ex primaria Neapoli nobi-


nobilitate elegantissimum virum, quibus me adiungere tum precibus tum obtestationibus ita enixa est, ut alieno maxime anni in hyemem vergentis tempore, non optime valentem, pertraxerit in sententiam suam, eius misertum, quæ cum lacrymis dictitaret, neminem præter me tum adesse, quicum causas luctus sui conferre posset, à quo mœrorem sibi lenari posse consideret. Romæ illam Neapolitanæ aliquot matronæ exceperunt, ubi me dimisit perinuita. Mihi vero, iter protinus remetiri constitutum erat, quod haud passus vir illustrissimus OCTAVIUS CARD. PARAVICINVS SACRI ROM. IMPERII Protector, cui propriæ dotes, probitas, humanitas, solertia, splendoris non minus, quàm aduentitij amplissimæ dignitatis, & auitæ gloriæ tituli contulerunt. Hic me multos iam annos addictum sibi (absit verbo inuidia) unicè fouet, exiguorum plane conscium meritorum, nec videntem quid ad amandum me ingenium acerrimum allicere possit, nisi perenne studium bene de unoquoque merendi, & ingenua mea apud omnes eius gratiæ contestatio, quam me præclarissimi viri humanitati debere sentio. Hinc ego hyemem Romæ exegi totam, ubi mecum IOH. VINCENTII interitum litterati omnes & singuli doluerunt. Nec defuerunt qui perquirerent an bibliotheca eiusdem esset venalis, elabi sibi quod nollent è manibus tantum thesaurum. Principem inter hos locum obtinuit FRIDERICVS BORROMÆVS CARD. Archiepiscopus Mediol. qui pietatem



Christianam ita cum studio litterarum coniunxit, ut præter absolutum CAROLI patrueis sanctissimi viri exemplar, quod refert ad amussim, habeat Italia in hoc etiam genere quem exteris gentibus ostentare possit. Is Mediolani bibliothecam instruit optimorum librorum refertam, innixam adhæc firmis legibus, quæ ab omni peculatorum iniuria tutam diu præstent, conquirit etiam undique eruditæ viris, qui agmen ducente Gratia Maria Gratio, viro docto & spectatæ fidei, tantas opes custodiant pro dignitate: quò utinam respexisset PINELLVS noster, cuius delitias, reliquas à piratarum iniuria, heredum discordia male perdidit. COSMO filius octennis heres obuenit, de cuius tutela dum inter matrem & testamentarios tutores diutius disceptatur, libri interim penè madentes, ut è mari collecti in capsas tumultuariè coniecti, nulli dubium ac cum tineis pugnent; ne dicamus, quod aliqui retulerunt, asportatos plerosque, & diuulsos miserandum in modum. Ineptos dicam nos an prorsus amentes, quos perennium bonorum oblitos, fluxa hæc & incerta sollicitant? hæc in causa fuerunt, ut non solum bibliotheca pessum iret, sed etiam & monumentum, quod IOH. VINCENTIO parabatur, euanescat omnino. Supremis tabulis COSMVS nihil addere potuit, actus in delirium ut diximus importuna morbi vi: heredibus quid animi sit ignoramus. Ut ut res habeat, cessantibus his, quos par erat hæc curare, CÆSAR NICHESOLA, PTOLEMÆVS OLIVETVS, &

ego, cogitabamus & hoc postremo munere IOH. VINCEN-  
 TII & PAULI AICARDI memoriam commendare po-  
 steritati, perpendentes nimirum, quam turpe sit eorū pror-  
 sus obliuisci, quibuscum suauissimè & coniunctissimè vi-  
 xerimus. Et quoniam, ut inquit ille, celo Musa beat,  
 meas partes duxi, auctarij non omnino ingrati loco, car-  
 minibus aliquot, quibus olim IOH. VINCENTIVS lauda-  
 tus est, mulcere animum lectoris. In his ego perquirendis  
 haud sanè anxiam, imo translatitiam operam posui, quod  
 eius vitam descripserim qui laudata agere, quam laudari  
 malebat. Mihi verò ad scriptionis meæ calcem de proxi-  
 mo iam decurrenti, contestari illud lubet, narrationis meæ  
 fidem oculatam esse, haustamque ex intima viginti &  
 amplius annorum consuetudine, quæ mihi cum PINELLO  
 intercessit, & præscripsisse me mihi veri rectique lineas,  
 ultra quas minime transsilirem. Inopiam rerum diffiteri  
 aut excusare consilium non est; cum nemini non pateat  
 quantas immatura COSMI mors offuderit scriptioni no-  
 stræ tenebras, quas ego dispellere frustra diu nixus sum.  
 Exoptabat ille perfici propositum hac de re meum, exhi-  
 buisset aduersaria, schedia, indices librorum, epistolas ad  
 patrum scriptas à doctissimis viris: instruxisset ille me  
 elegantissima suppellectile notarum, obseruationum, ad-  
 uersariorum; at ille dolendus deflendusque nobis abiit,  
 abstulitque secum inuidia fati vniuersos amores nostros.

*Mihi viam tentasse auiam plane, & difficilem satis erit,  
 ipsamque velut digito intendisse alicui, quem iuuerit Bo-  
 nus Euentus, ea proferendo, quibus nos destituti, exegi-  
 mus tamen aliquid non sine fructu, & delectatione  
 studiosorum, quibus hæc nostra Da-  
 mus, Dicamus.*





# HIERONYMI

## ALEXANDRI.



*Vstum & sagacis consilij virum,  
Dic lucifusa Pieri barbito,  
Quem nuper ereptum, gementis  
Hesperia illachrimat dolore.*

*Quem non inani gloria turbine,  
Non fraudulentæ cura pecuniæ,  
Non murmur auræ blandientis,  
Per miseras agitavit aulas.  
Miscet venenis pocula luridis  
Aula, & ferinis induere artibus  
Edoctræ mortales, dolosæ  
Iam potior cluet arte Circes.  
At ille doctis inuigilans libris,  
Queis comparatis undique, nobiles  
Instruxit aedes, innubarum  
Aonidum studiis dicatas,  
Latè potentis vim sapientiæ  
Scrutatus, alto mentis acumine,  
Pulchris Minervæ filiabus  
Artibus ingenium beavit;  
Caliginosis promere noctibus  
Sensus repositos callidus in diem,  
Oblivioso invidit Orco.  
Nomen, & egregios honores.  
Hinc æstuosi trans freta Bosphori,  
Trans Martialis littora Iberiæ,  
Ignara leti fama, clarum  
Nomen agit volante penna.  
Sed quid minuto singula carmine*

*Proferre tentem? Siderei greges  
Sub nocte lucentes serena,  
Et numerum fugiunt arena.*

*At non perennem concoquere est datum  
Felicitatem, hac instabili in pila  
Terra, procaci quam rotatu  
Sors agitat, properante dextra.*

*Eruptit Orci faucibus horridis  
Morbis, cruentarum Eumenidum genus,  
Qui dente seuus calculoso,  
Ab miseros lacerabat artus.*

*Intaminata non tamen insitum  
Mentis vigorem, spargere tabido  
Quiuit veneno, qui potenter  
Se laqueo explicuit tenaci.*

*Et nunc inanis per spatia aetheris,  
Graui solutum compede corporis,  
Decora virtus ferre gaudet  
Ignifero super astra curru.*

*Vates ut olim quem rapuit Deus,  
Flamma quadrigis undique lucidis,  
Postquam retorta vestis ictas  
Verbere dissociasset undas.*

*Qui celsa cæli nubila permeans,  
Ductusq; diuini numine, spiritum  
Mæroris æstu fluctuanti  
Discipulo duplicem reliquit.*

*At non recedens tu mihi spiritum  
PINELLE linquis. Quin potius meam  
( Fides dolori si qua danda est )  
Tecum animam super astra tollis.*

Obiit. n. mor-  
bo calculorū.

127

# HENRICI BEN-

## THEI ANGLI



*Vsis amicū nomen, inertia  
Ritu sepulta, non tacito feret  
Latere plectro, qui sororum  
Docta nouem sacer ora Phæbus*

*Libethrideo gurgite proluit:*

*Nec fas micantes sub tumultum faces  
Virtutis abdidisse; nec fas  
Ingenuos meritorum honores*

*Obluiones carpere liuidas,*

*Impune Stabit dum Clariæ decus  
Phæbus cateruæ, sub virenti  
Plectra mouens Heliconis umbrâ.*

*Amica Phæbo nomina candidâ*

*Stabunt PINELLI, sculpta simul nota  
Notâ perenni: nec rigentes  
Marmoreo tituli triumpho*

*Aut ære durant, qualiter inclytis*

*Inscripta si quos Delphica litteris  
Laureta seruabunt, futuro  
Mnemosy dum memoranda saclo*

*Et me canori per iuga Cynthius*

*Amæna collis duxit; & inclytos  
Edixit æternis merentum  
Carminibus celebrare fastos.*

*Facunda docto nostra PINELLIO*

*Sensere sese tempora, quem sibi  
Cinxere nascentem benigna  
Fronde sua puerum sorores.*

*Phæ-*



*Phæbum & Camænas inter, ad ultimum  
Hinc usque vitæ quod fuerat fuit:*

*Princepsq; Mæcenasq; vatum  
Et Clariæ Deus alter umbræ.*

*Nunc quæ disertis gloria vatibus,  
Vitæq; functis vitæ manet hænis,*

*Hanc Phæbus adiunctæq; Phæbo  
Castaliæ referunt Camæna.*



## IOANNIS BOTERI

AD IOANNEM VINCENTIVM

PINELLVM SYLVA, CVI TITVLVS,

OTIVM HONORATVM.

EX LIBRO DE REGIA SAPIENTIA.

**N**UNC scribenda, super genibus, mihi carmina tandē.  
 Debita PINELLO. doctæ præstò este sorores.  
 Huc & aues latis hilarantes cantibus auras.  
 Et Zephyrus placidis demulcens ora flabellis.

Inuitant, condensa umbras coryleta ministrant,  
 Et riuus gelidis argenteus adfluit undis:

Et memoranda viri foret alta Æneide virtus.

Omnipotens rerum genitor mortalibus agris  
 Inferuit, sparsitq; inter præcordia, flammæ;  
 Equeis mirus amor famæ, atque immensa cupido,  
 Terrigenum mentes stellanti attollit olympo.

Prædulci laudis studio, immortaliter omne  
 Raptatur mortale genus: pueriq; senesq;  
 Laudem adamant; laudē exquirunt matresq; viriq;.

At non una placet cunctis via. plurima certat  
 Turba armis, studiisq; feri clarescere Martis.

Pellæus inuenis, læta inter nuncia, plorat  
 Nil sibi vincendum, forti à genitore relinqui.

Vndecies centena hominum se millia Cæsar  
 Iactauit rapido misisse in Tartara ferro.

Præter ciuilis bella illaudata furoris.

Tantus amor famæ armorum virtute paranda.

Pars, cui obstat gelidus circum præcordia sanguis,  
 Castra odit, tristesq; tubas, senosq; tumultus:

Tendit at urbanis caelo se tollere rebus.

*Artibus his Cicero, Romana his Lælius urbe,  
Exemere olim informi sua nomina vulgo.*

*Plerosque, ingenij audacis pernicibus alis,  
Confisos, inuenta inuat sua credere luci,  
Doctorum latè manibus versanda virorum.  
Scriptorum hinc est omne genus, qui prælia Regum  
Tristia, qui terrarum oras, qui sidera cæli  
Describunt, radiosq; notant, causasq; latentis  
Naturæ ante oculos ponunt, aspersa nitentis  
Splendore eloquij; neque enim tibi fæda probari  
Scripta putem, tetra illuivie, cæcisq; tenebris.*

*Deniq; quotquot audent dulci quoque vivere fama.  
Tentare ac moliri aliquid conantur & ardent  
Egregium, ventura ferant quod sæcla nepotum  
Laudibus. Hi viuos ducunt de marmore vultus;  
Pyramidum hi miras tollunt ad sidera moles.  
Hanc visum cælo mortalibus addere curam,  
Hos stimulos, qui si cessent, languescere cernas  
Omnia. Præduris horrebunt sentibus arua;  
Deferet alma Ceres campos, collesq; Lyæus;  
Nulla artes, nulli florebunt denique mores.*

*Cornipedem acer eques ferrato calce fatigat,  
In cursumq; adigit: sinuoso carbasæ Coro  
Impellente, secant Neptuni cerula naues.  
G L O R I A dia homines acuit, stimulosq; sub imo  
Pectore vertit agens. His, ceu calcaribus, acti  
Temnunt cæli iras, ponti discrimina temnunt:  
Et dulcis patriæ obliti, oblitig; suorum,  
Atque sui, in fluctibus, in tela feruntur, & ignes.*

*Tu solus laudem assequeris PINELLE sedendo,  
Comprehendisq; manū, quam vix attingere cursu,  
Vix alij remis, atque aura prendere possunt.*



*Quid causa esse rear? non sat sententia constat.*

*An quia pernici fugientes illa volatu  
Sponte sua sequitur, nitidisq; amplectitur alis,*

*Atque eadem cupidos motis fugit auia pennis,*

*Ignotosq; sinit Stygiis fluitare sub undis?*

*An quia nonnullis ipso contingit ab ortu,*

*Vt cari, clariq; hominum celebrentur amicis*

*Plausibus ac votis, siue id felicia cæli*

*Sidera, diuino nutu, siue oris honores*

*Efficiant, habitusue aliquis, naturaq; multis*

*Affinis, similisq; & amor nata serendo?*

*Præclara ambitio! quod cunctis prosit, & obsit*

*Omnino nulli, atque omnis virtutis, & artis*

*Ingenue studiis vigeatq; & floreat vnum?*

*Hæc causa est, ni me penitus sententia fallit,*

*Hæc seges, hi laudum fontes, hæc semita, quæ te*

*Sublimem monstrat, quæ se via lactea ducit.*

*Arte hæc tantum alios superas, infraq; relinquis,*

*Quantum vlmæ corylis, quantum vlmis Hercules ar-*

*Herculeis syluis abies altissima præstat. (bor,*

*Altum alij teneant, pelagiq; ferantur aperto,*

*Credant vela Notis, credant Aquilonibus atris:*

*Per medias Syrtes, Siculiq; pericula ponti:*

*Per concurrentes rapidis Symplegadas undis,*

*Tendere iter, cursumq; iuuat, neque facta procellis*

*Saxa reformident; ausint tentare Maleam,*

*Ausint infames, sæua Acroceraunia, rupes.*

*Tuta tibi ac tranquilla placent, & nescia fluctus.*

*Veltibi nobilitas, titulis insignis auorum,*

*( Nam quis Pinellos nescit? Genua ipsa, superba*

*Sit licet, in primis numerat vos gentibus ultro )*

*Veltibi opes, fratresq; opibus belloq; potentes;*

*Vel ( quia diuini contemnis more Biantis  
Non tua ) tergeminos excelsa parasset honores  
Virtus, & digna imperiis, & digna tyaris.  
At res humanas pendenti vilia cuncta  
Visa tibi, præter pacata gaudia mentis:  
Gaudia diuitiis Phrygiæ meliora tyranni.*

*Cætera vel ferro deleta, vel ignibus hausta,  
Fulmine vel tacta intereunt, vel lapsa feruntur  
Sponte sua, in præcepsq; ruunt, & victa fatiscunt.  
Cuncta ruunt, firmumq; nihil tegit arduus æther.*

*Qualiter Oebaliæ studio rosa culta coloni,  
Sole oriente rubet, pallescit sole cadente,  
Talis vita hominum. Fluit, ac mutatur in horas;  
Et nunc stagna secat Zephyris tranquilla secundis:  
Nunc afflictæ vadis, aut duris cantibus hæret.*

*Nonne vides quam dira lues, & fæda repente  
Tempestas, Venetum florentem inuasit urbem?  
Vt nunc mæsta sedet pelagi Regina frementis,  
Tonsa comam, lacerata genas, percussaq; palmis,  
Pectora, natorum aspectans infanda suorum  
Funera? cœlicolas votis prostrata fatigat,  
Astra ferit clamore, undas manantibus auget  
Fletibus. Ipsæ etiam cautes, ipsa æquora, quamquam  
Sæua, gemunt, dominam tantos haurire dolores.*

*Ecce aliquis, Cererem missus Bacchumq; parare,  
Adfert pro victu virus. Coniunia luctu  
Turbantur, dum læta alibi connubia iungunt,  
Dum saltus dant, & tacta testudine plaudunt,  
Ecce cadit, subita morte, immatura puella,  
Et sponsum pheretro mutat, talamosq; sepulchro;  
Atque aliquis veterem tandem complexus amicum,  
Oscula dum figit misero, letale venenum*

*Inspirat, (res mira) cadit qui peste carebat,  
 Vivit is, in cuius latitabat mersa medullis.  
 Urbem alius trepide fugiens, pestem hausit in ipsa  
 Aut cymba aut rheda. Crebrò quod rere salubre,  
 Mortiferum est. Mens cæca hominum, atque ignara futuri  
 Coniungis ante pedes coniux procumbit, & ipsum,  
 Attonitum casu, letalibus afficit auris.  
 Euadunt famuli, natiq̃ue, & sola relinquunt  
 Tecta fuga, trepidatq̃ metu vicinia tota.  
 Non aliter, quam cum cælo graue fulmen ab alto  
 Finitimas tetigit flammis ardentibus ades.  
 Ex ipso infelix suxit puer ubere mortem,  
 Mortem eger tepido inclusam medicamine suxit.  
 Funera funeribus cumulantur, mortua viuīs  
 Corporibus permixta iacent: inuenta magistros  
 Deficiunt; nec iam vlla facit decreta Senatus:  
 Tantum orat, supplexq̃ manus ad sidera tendit.  
 Interea crescit virus, lateq̃ vagatur:  
 Non socer à genero, non hospes ab hospite tutus.  
 Si qui tabificum forte euasere venenum,  
 Illos certa domant ieiunia: squallida pallent  
 Ora fame, & rigidis hærent vix ossibus artus:  
 Genua labant miseris. Complexæ pignora matres  
 Expirant animas; trepidi clausere tabernas  
 Artifices; pendent opera imperfecta per urbem.  
 Quid multa? vrbs Itala decus, & clarissima gentis  
 Gloria, tot grauida imperiis, tot clara triumphis,  
 Vel Parthis, Scythiaq̃ iacet miseranda tyranno.  
 O hominum tenui quam pendent omnia filo.  
 I nunc, tolle animos, & rebus crede secundis.*

*Nec vero (vt video) credis fidisq̃, nec omni  
 Committis, nimium cupidus, tua carbasa vento.*



Cura tibi egregiis animum complere capacem  
Doctrinis, nomenq; tuum secernere vulgo,  
Laudibus ingenij queis haud secus undique flores.

Quam variis late pubescens floribus hortus,  
Fecundo quem terra solo, quem Dædala multa  
Arte manus coluit, mites qua surgit in auras  
Pausilypus, clarus Sinceri carmine collis.

Eloquij vis nota tibi, seu tollere cælo  
Magnanimùm res, ac decora immortalia Regum,  
Seu placare feros, seu mens impellere segnes,  
Seu retinere hilari caros sermone sodales.  
Nunc ruis, ut mixtus tonitruq; & grandine nimbus,  
Nunc tanquam infusus pratis florentibus amnis;  
Nunc velut æstivo percussus sydere riuus.  
Seu Romana rapit, seu te facundia Graiùm,  
Latantur veterum manes, animaq; virorum.  
Seu te Hispana trahit sorte altiloquentia, seu te  
Gallica molliet, seu te sermonis Hetrusci  
Mundities splendorq; inuat, tibi tempora nec tet  
Fronde Arnus merita, Rhodanusq; & diues Iberus.

Nimirum non fortè volant tibi inania verba;  
Verba sed è pleno manantia pectora veri.  
Natura tibi mersa patent arcana tenebris,  
Quæ vis materia, partes infusa per omnes,  
Instabili varias iungat sibi sædere formas,  
Quamquæ habet excutiat, quam non habet, expetat ultra.  
Inconstans, nullaq; colat connubia lege,  
Qualis adulteriis infamis sæmina crebris.  
Sitne eadem stellis gemmantibus, atque caducis  
Rebus materies late subiecta? quid astris  
Debeat inferior moles, atque ipsa voluntas?  
Sit ne aliquid præter lumen, quo Phæbus & orbes

*u Pausilypus, promont  
campaniæ apud Mercurium  
non procul a Neapoli, ab  
ad S. m. p. Puteolos ver.  
distant. Nomen habet  
amantate. h. e. a mar  
i. e. station  
Soy: Floyd. Dict. G.*

*Aethæ.*

*Aetherei afficiant ignem, mare, nubila, terras.  
Et quæ mixta gerunt ignem, mare, nubila, terras.*

*Quæ nam causa sali spumantis conciet æstus  
Tam varios? neque enim Siculi freta feruida ponti,  
Et Gessoriaci motu turbantur eodem.*

*Et mare ab Euxino Aegaum quod manat in æquor.  
Sic fluit, ut nunquam conuersis refluat undis.*

*At vero Herculeas fauces quod verbere plangit,  
Sic fluit, ut semper conuersis refluat undis.*

*Adde quod occasus solis petit æquor Eoum,  
Occiduumq; ortus. Dariena hinc littus, & inde  
Percussa resonat tellure, atque astra laceffit.*

*Quodque mihi auditu mirum accidit atq; aspectu.  
Cerulea dum Venetis rapior per stagna phæselis,  
Septima cum cælo sese luna extulit alto,  
Atque octaua, iacent maria, atq; immota recumbunt,  
Et nonæ incipiunt rursus feruere sub ortum.*

*Quæ ratio cur tam varij tibi Cynthia vultus,  
Tam varij cur sus errantibus æthere flammis?  
Cum te orbes supra positi voluantq; rotentq;,  
Cur nil ipse mones sphaeras Saturne minores?  
Quanta adhibenda fides Chaldeis, quanta futuros  
Æris incerti motus audentibus olim  
Descripssisse, velut prognata oracula Delphis,  
Ortaûe Chaoniis in syluis? talia nemo  
Euocet ætherias melius te lucis in oras.*

*Quid virtus sit, quid vitium, quis terminus ultra  
Quem ne queat pulchrum, nequeat consistere rectum.  
Quis finis, quod res omnes referantur, & ipse  
Haud vsquam. Quo sint virtutes fœdere nexæ;  
Quid reliquis tribuat prudentia dia, quid isti  
Contra ille referant, hæc tu altis fontibus hauris,*

*Fœcundasq; tuos ingenti gurgite campos.*

*Qua ratione vrbes frenanda, atque arte regenda,  
A te vtinam tandem tua discere patria posset.*

*Consiliis parere tuis præstantibus illa*

*Si posset, fœlix belloq; & pace vigeret,*

*Libertate domi, foris inclyta Marte superbo.*

*Non Regum nutus agra obseruaret, at ingens*

*Viribus, & terras frenaret, & aquoris undis*

*Iura daret, Cypri Reges, Syriaq; feracis*

*Horrerent Ligurum classes, Thracumq; tyranni,*

*Rursus & Aegæum, Genuam, Euxinumq; per aquor,*

*Multa cauis Genuam resonaret rupibus Echo.*

*Nunc iacet, heu dum bella gerit ciuilia, & amens*

*In sua districtum conuertit viscera ferrum.*

*Tu, quoniam spes nulla, premis sub corde dolorem.*

*Iam quid Cæsareas leges? quid iura piorum  
Pontificum memorem tibi nota? quid abdita cæli?*

*Natura vt triplex subsistat hypostasis vna,*

*Compleat immensum vt diuinus spiritus orbem,*

*Omni mole carens, atque omnis corporis expers:*

*Quæ vis tanta vnde, vt corpus contingat, & agra  
Detergat menti labes, & vulnera sanet?*

*Quæ Stygio vis tanta igni, vt percellat & vrat  
Infectos vitiis animos, & crimine nexos?*

*Omnia si memorare velim, sol fessus anhelos  
Oceano derattet equos, & dicere stultum est,*

*Omnino, quæ cuique oculis cognoscere promptum est.*

*Non ita tu sapiam tamen amplexaris, & artes,*

*Gracia quas peperit nobis, & maxima Roma,*

*Vt fugiat te quid rerum toto orbe geratur*

*Interea. Mundum ingenio complecteris omnem,*

*Gallia quid paritura noui? quem Belgica tandem*



*Belli habitura modum? quem discors Sarmata Regem?*  
*Quid nunquam maturat Iber? qua cogitat arte*  
*Romanus firmare pater, queis viribus agras*  
*Christadum res, & Parthos arcere furentes?*  
*Cretanè, an Melitæ tempestas horrida, quæ nunc*  
*Infestis Thracum fremit atque horrescit ab oris,*  
*Impendet? Casar trepidam munire Viennam*  
*Apparat, an Budam premere & vexare frementem?*  
*Hoc melius quàm tu, magni haud nouere Tyranni.*  
*Inde gerendarum præsto experientia rerum*  
*Tanta tibi, seu de belli ratione mouendi,*  
*Seu de pace graues edisseris inter amicos,*  
*Conticuere omnes intentisq; auribus harent.*

*Nec verò te sola iuuat prudentia rerum,*  
*Moribus hanc pura niue candidioribus ornas,*  
*Nutantemq; ex se, virtutum robore firmas.*  
*Ac veluti Regem meditatus forte magister*  
*Aemathium Cous, sic lumina miscet, & umbras,*  
*Sic oculos, sic arte manus, sic temperat ora,*  
*Vt caueat ne sit præclarior illa colorum*  
*Munere, quam laude ingenij, manuumq; labore.*  
*Haud aliter mira instituens tu ducere vitam*  
*Illustrem ratione, caues præstantius almis*  
*Virtutum titulis, ne quid miremur in illa.*

*In primis vero diuina MODESTIA visa,*  
*Cui numero ex omni dicas, quæ dicere amantes*  
*Verba solent, miseris nimium heu iam nota puellis.*  
*Hanc tibi connubio sociasti: hanc pectore toto*  
*Hausisti, hanc geris ore, oculis hanc lenibus apte*  
*Exprimis, hæc animi motus, hæc corporis omnes,*  
*Immissis pressisq; velut moderatur habenis.*  
*Huius ope, humana media inter crimina vite,*  
*Et rerum varios motus, hominumq; labores,*

Totq; viros, gente ex omni, tua limina vulgo,  
 Mellificæ ut volucres fului prætoria Regis,  
 Qui celebrant; purum labis trahis integer æuum.  
 Qualis Sarmatici tranquilla Borysthenis undas  
 Tendit inoffensos, olei immersabilis instar,  
 Per torrentem Hypanim cursus, tetrumq; per amnem  
 Illimes tutatur aquas, ac lene fluentes;  
 Qualis & occiduis Libyæ flagrantis ab oris,  
 Haud olim Hesperii ignotus classibus amnis,  
 Carmanos siquando petunt, Serasue repostos,  
 Millia per decies sена, altum excurrit in aquor,  
 Sic ut aquas nullus pelagi contristet amaror.  
 Talis tu pelago felix versaris in isto,  
 Mortalis vitæ illecebris intactus, & ægri,  
 Sic quasi agens aliud, vitas contagia sacli.

Quod si audire aliquid cen sit, tibi forte necesse.  
 Si quid amicorum causis impendere cura,  
 ( Et quis amicitias coluit studiosius, aut quis  
 Aut opera, aut auro socios plus iuuit egentes? )  
 Quod Peneus facit ipse facis. Quà Thessala Tempe  
 Perpetua herbosa vestit clementia veris,  
 Euroton exceptum, sed non ( mirere ) receptum,  
 Transportat Peneus, vitreo nitidissimus amne.  
 Liuentem, piceoq; undas horrore nigramem,  
 Certum per spatium, donec se eiecerit ultrò.  
 Ipse suos peragit liquenti gurgite cursus,

Non te vexat amor fului insatiabilis auri,  
 Contentum modico. non aula more, nec arte  
 Seruili, teque indigna, venaris honores,  
 Præmia virtutis. Non te importuna cupido,  
 Stultæ credulitas, abducit tramite recto.  
 Sat te sola beat moderata gloria mentis.

Non solum paribus PINELLE impendis honorem,

*Exteriorqꝫ loco cedis, dicisqꝫ salutem,  
 Appellasqꝫ prior, verum omni parte minores,  
 Sponte gradum conferre, paresqꝫ, incedere cogis.  
 Nec magis extenuat quisquam sua, nec magis altè  
 Fert aliena: haud ut tamen admireris, & ornes  
 Indigna, & cygni plumas affingere coruo  
 Te iuuet, aut falsis blandiri vocibus vlli.  
 Seruile est mulcere aures, blandumqꝫ sonare.  
 Turpe, ut amicitias veneris, prodere verum.  
 Recta virum & sincera decent, ac nescia fuci.*

*Extrema Aethiopum fertur regione tepentum  
 Mons humeros inferre polo, atque accedere caelo,  
 Sic ut nulli agitent immota cacumina nymbi  
 Vere sed eterno vigeant, & sole nitenti,  
 Insanas hyemes, fremitumqꝫ Aquilonis, & Austri  
 Audit sub pedibus, motura & fulmina gentes,  
 Largificasqꝫ imbres, tempestatesqꝫ sonoras.  
 Haud aliter tu (qua magna indulgentia Christi est)  
 Intentus caelo, atque animi inuariabilis alta  
 Pace fruens, vitæ speciem hanc, & fumea rerum  
 Lumina, quæ multorum oculis tam leta videntur,  
 Ceteraqꝫ, incerti rides miracula vulgi.  
 Usque adeo sedit tibi amica modestia cordi.  
 Hac magnas inter laus est tua maxima laudes:  
 Ut varios inter picti rosa veris honores,  
 Quos placidas iactat Chloris, spargitqꝫ per auras.*

*Non igitur mirum, si tot tibi iungis amicos,  
 Ingeniis, nec non illustri sanguine claros,  
 Pene omni de gente. Tagus quos turbidus auro,  
 Quos oleis vestitus Anas, quos Rhenus apricis  
 Vincetis, quos lentus Arar, quos Vistula praecept,  
 Quos modicis Sebetus aquis, quos gurgite vasto  
 Proluit Eridanus, celebrant tua tecta frequentes,*



*Qualiter Assyria rutilum Phœnica volucres.  
 Quinetiam hinc Ligurum princeps vrbs, nobilis inde  
 Parthenope, certant inter sese acriter, vtra  
 Te ciuem, natumq, suum sibi vendicet olim:  
 Nec vero Patauina nihil conetur, & ausit  
 (Quamquam heu fessa malis) tanto pro nomine sedes.*

*Nimirum, non sic affinis pondera ferri  
 Allicit ad sese magnes, aut lumina primo  
 Mane dies, virtus vt, sole nitentior ipso,  
 Ignotos notosq, trahit, iungitq, volentes.  
 Atque ea prapipue, qua re ipse excellis in omni.  
 Hinc amor, & laudum tanta argumenta tuarum,  
 Hinc decora egregia, hinc otii florentis honores.*

*Quos quamquam ingenti virtute tueris, & auges,  
 Haud virtute tamen temnis PINELLE minori,  
 Immo eadem penitus; nimirum ea gloria demum est,  
 Non qua hominum ex sensu, verum ipso à numine pendet.  
 Cetera more niuis, primo languentis Eoo,  
 Labuntur, tenues sensim disiecta per auras:  
 Gratia, amicitia, atque aggesta talenta talentis,  
 Et demum quidquid vulgus miratur ineptum.*

*Filius ille patris summi, qui missus ab astris,  
 Vitam morte sua nobis dedit, alitis instar,  
 Qui pascit charos, perfolso pectore fœtus;  
 Humanas quàm tempfit opes, quàm tempfit honores,  
 Quàm populi plausus? urbem cum posset, & orbem  
 Frenare imperiis, atque omnia regna trophæis  
 Insignire suis, famamq, extendere factis,  
 Vitam ignotus, egens, exegit, proditus hosti,  
 Raptatus, vinctusq, manus, cæsusq, flagellis,  
 Heu nineos artus! Quis cetera carmine tentet,  
 Soluere quæ in lacrimas possint, gemitusq, colubros.  
 Et tibi sunt imis percepta, & fixa medullis?*

# INDEX IN VITAM IOHANNIS VINCENTII PINELLI.

## A.



BBAS Rauascherius. pag. 113  
Abstinencia Ioh. Vincentij.

96.

Academia priuata Patavinæ.	87
Academia Olympica Vicerina.	88
Adiaphoræ.	81
Adhortatio ad bonorū librorum sup- pressores.	112
Aemilius Campolungus.	117
Agapitus Grillus.	93
Alexander Granella.	45
Alexander Olua Cardinalis.	45
Alexander Parmæ Dux.	36
Aloysius Oricellarius.	64
Alphonfus II. Atest. Ferrariæ Dux.	19
Alphonfus Sotus.	15. 118
Amalthæi.	73
Ambitionis & ostentationis acerri- mus hostis Ioh. Vincentius.	87
Andreas Auria.	9
Annulus Signatorius Ioh. Vincentij.	14
Antonius Gueuara.	6
Antonius Perenotus Card. Granuel- lanus.	33
Antonius Persius.	48
Antonius Posseuinus.	38. 45
Antonius Querengus.	35. 36
Apollinis Delphici responsum.	17. 18
Archiepiscopus Barenfis.	92
Augustinus Iustinianus.	45

Augustinus Valerius Cardinalis. 17  
Aulicorum & ambitioforum infelici-  
tas. 68

## B.

B Arilioni fratres.	45
Bartholomæus Maranta.	5. 10. 11
Basilius Magnus.	87
Benedictus Georgius Patric. Venerus.	117
Benedictus Octauianus.	52
Beneuolentia Ioh. Vinc. erga suos.	43
Bibliotheca eiusdem numerusque li- brorum.	25
Ornamentis variis insignis.	26
Magno ordine disposita.	27. 28. 29
Paulo Aicardo commendata.	56
Bibliotheca Cosmi Pinelli ampliss.	114
Bibliothecam nobilissimā instruit Fri- dericus Borromæus Card.	121. 122
Bibliothecæ Pinellianæ miserabiles ia- cturæ.	109. 110. 111. 112. 122
Bibliotheca Pisarenfis Ducis Urbini.	30
Bibliotheca selecta Pauli Aicardi.	63
Biscioi, fratres.	45
Bona vera quæ.	109
Bononia.	71
Borromæus iun. Card.	19. 39

## C.

CÆsar Baronius Cardinalis.	19
Cæsar Benedictus Episcopus Pi- laurenfis.	18
S 3	Cæsar

# INDEX.

Cæsar Nicheſola.	66.92.100.122
Cæſar Pinellus.	70.104.105.109.112.
120	
C. Liuius Drufus.	76
Camillus Fraſcatus.	103
Capuæ Archiepiſcopatum renuit Ioh.	
Vincentius.	86
Carolus Cardinal. Borromæus.	122
Carolus Cluſius.	38.55.72
Carolus Sigonius.	34.37.38
Carolus Teſtius.	28.94
Cicero quàm fuerit ſpectaculorum in- curioſus.	90
Claudius Puteanus.	36
Clemens VIII. Pont. max. quo an- no Ferrariam profectus.	19
Romam Ioh. Vincentiũ inuitat.	85
Clementia Rauaſcheria Ioh. Vincen- tij mater.	6
Clementis Alexandrini dictum.	79
Conſtantia Fulgoſia nobilis matrona.	
87	
Conſtantiæ laus.	81
Conſtanticus Patricius.	52
Conuiuiorum & chorearum celebri- tatem fugiebat Ioh. Vincentius.	88
Cofmus Pinellus Io. Vincentij pater.	5
Cur Genua profectus ſit Neapo- lim.	ibid.
Laudatur à Maranta & à Folietà. ib.	
amplæ illius diuitiæ.	7
eiufdem obitus & teſtamentũ. ibid.	
Cofmus Pinellus iunior, Galeatij filius.	
9.70.109.112	
comparauit à rege Hiſpaniarũ ma- gni Cancellarij Neapolitani digni- tatem.	9
Imago eiufdem,	99

Laudes eiufdem.	98.171.118
Profectio Genuenſis cum vxore & liberis.	114
Genuæ exceptus magno apparatu.	
ibid.	
Mediolano Venetias pergit.	ibid.
Patauio Venetias ſe contulit.	115
Ibi perhonorificè exceptus.	115. 116
Morbus, teſtamentum, mors eiuf- dem.	116.117.118
Mors illius graue vulnus infixit do- meſticæ rei, &	120
multas offudit Pinellianæ vitæ re- nebras.	123
Curioſitas in Ioh. Vincentio qualis.	88

## D.

Diſta & monita ſelectiora Iohan. Vincentij.	76.77.78.79
Diligentia eiufdem in perquirendis li- bris.	24.26
Dominicus Pinellus Cardinalis.	4.
18.94.113	
Donatus Ianoctius.	76

## E.

Eccleſiaſtica munera quantis mo- leſtiis ſint obnoxia.	86
Edmundus Bruſius Anglus.	43
Eleemoſynæ à Ioh. Vincentio è largitæ.	
93.84	
Eleutherij Mirabelij teſtimonium de familia Pinella.	3
Ennij poëtæ ſententiæ.	30.64
Ennius conditus in ſepulchro Scipio- num.	115
Ercius Puteanus.	52.53
Exiſtimationis propriæ, & familiarium ſuorũ deſenſor Ioh. Vincentius.	83
Face-	



# I N D E X.

## F.

<b>F</b> Acetè dictum Ioh. Vincentij in extrema vita.	103
Familiarium suorum cura.	49
Fanufius Campanus de familiis illustribus Italiae, liber nondum editus.	3
Ferdinandus Imperatus.	39
Ferdinandi regis Catholici observatio.	51
Ferraria ditioni ecclesiasticae restituta.	
19.89	
Firmana colonia.	111
Flandriae Comitum matrimonium.	89
Fortori portus in Apulia.	111
Franciscus Accursius.	52
Franciscus Apollodor <sup>o</sup> nobilis pictor.	
99	
Franciscus Forteccia.	45
Franciscus Maria Urbini Dux.	40
Fulvius Ursinus.	41

## G.

<b>G</b> abriel Seluagus.	80
Gabriel Fallopius.	14
Galeatius Pinellus primogenitus Cosmi senioris ad bellicam gloriam adspiravit.	7.8
Laudatus à Foliera.	8
Philippo II. Hispaniarum regi charus & ab eodem titulo Marchionatus exornatus.	ibid.
ab eodem rege Dux Acheruntinus declaratus.	ibid.
polytropia delectatus.	ibid. & p. 9
eiusdem mors.	9
Galeatius Cosmi iunioris filiulus.	114
Galeatij filioli Cosmi iunioris pietas in matrem.	119

eiusdem nobile omen.

120

Galiardi, fratres.	45
Galileus Galileius.	29.115
Gallus nobilis Mediolani periclitans in gratiam Ioh. Vincentij liber dimissus.	92.93
Gasparis Contareni Card. dictum.	86
Genio indulgere circa studia nil vitiosus.	17
Genio sinistro, & inuita Minerva agere, nil peius.	ibid.
Genuam patriam agnoscebat, non Neapolim Ioh. Vincentius.	86
Genuae laudes.	87
Gorgias Leontinus auctor extemporalis eloquentiae.	21
Gratia Maria Gratius.	122
Gregorius Nazianzenus.	55.87
Guidus Vbaldus è Marchionib. Montis.	18
Guidus Pancirolus.	38
Guilelmus Sirletus Cardinalis.	59

## H.

<b>H</b> ercules Saxonia.	117
Hieronymi Aleandri iunioris carmina.	73.74.75
Hieronymus Card. <i>na. Alexander.</i>	73
Hieronymus Fabricius ab Aquapendente.	103.117
Hieronym <sup>o</sup> Mercurialis.	21.34.35.55
Hieronymus Seripandus Card.	15
Hieron. Velus Episc. Latinas.	111
Hippolytus Aldobrandinus qui postea Clemens VIII. Pont. max.	17.18
Horatius Cornaethinus.	35
Horatius Marciarius Episcopus.	112
Hospitalitas Ioh. Vincentij.	95

I.

Iacobus Dany Card. Peronæ D.	58
Iacobus Maynoldus.	92
Iacobus Menochius.	ibid.
Iafon Denores.	93
Icones illustrium virorum apud Ioh. Vincent.	72
Ildoualdus VI. rex Gothorum ortus ex familia Pinella.	3
Illitterati quâdo litteratis sint præponendi.	44
Imago Ioh. Vincentij alitteratis exposita.	100
Infirmæ eiusdem valetudo.	95
Innocentij VIII. Summi Pont. auia Pinellorum gentilis.	4
Inspicientis animus plurimis fluctuationibus agitatus.	82
Integritas morum Ioh. Vincentij.	87
Ioh. Vincentij Pinelli, natiuitas, pater, mater, fratres, & sorores.	5, 6
à ceteris fratribus in summo honore habitus.	7
arbiter in fratrum & affiniû discordiis.	ibid.
profectus eiusdem in scientiis.	10.
II. 21	
quo anno Patauium venit.	14
quot annos in ea vrbe vixit.	18
ab Italis & exteris officiosè obseruatus.	ibid.
à Cardinalibus & insigniorib. viris visitatus.	19
multarum linguarum peritissimus.	20
Profectio eiusdem ad Conciliû Tridentinum.	ibid.
ei ex vniuersa Europa libri mittun-	

tur.	25. 26
Iteratas librorum editiones cum primis conferebat.	27
Quibus libèter libros commodabat, & quibus difficilè se præbebat.	30
Nomen ipsius inscriptum in omnibus penè nostræ ætatis optimis libris.	37
Arbiter in Gymnasio Patauino controuersiarû virorum litteratorû.	41
Charissimus Venetis ingenus & litteratis.	42
Vtrû aliquod opus cõposuerit.	48. 49
Neapolim proficiscitur.	56
quàm ægè tulerit Pauli Aicardi mortem.	68
cultus circa vestitum & ornatum domesticum.	72
corporis habitus & valetudo.	75 76
ad eruendam veritatem alicuius rumoris quomodo se gerebat.	79. 80
In aduersis æquè fortis, ac in secundis tempetans.	96
Inuenta eiusdem ad refellendas molestas morbi cogitationes.	97
Quàm difficilè se præbuerit eius imaginem petentibus.	99
Dies eius obitus.	103
Funus eiusdem.	106
In vesica lapides.	14 deprehens. ibid.
Iohannes Aldobrandinus Card.	18
Iohannes Coresius.	52
Iohannes Franciscus Musatus.	20
Iohannes Paulus Vernalio, Ioh. Vincentij Præceptor.	10
Iohannes Picus Mirandulanus.	17. 84
Iohannes Simon Caracciolus.	6
Iosephus Moletius.	29
Iosephus Scaliger.	39. 73
	Iulia-

Julianum oppidum à Cosmo Pinello  
seniore emptum, & regiè instructū.

7. 114

Julianus Medices. 48

Iulius Negronus, 45

Iulius Pinellus. 70

Iulius Sangrius. 120

Iurisconsultorū libri in pretio qui. 25

Iustus Lipsius. 19. 52. 53. 54. 55

Iuuenalis dictum de Demosthene. 18

### L.

Lactantij dictum. 1

Laurentius Pignori. 26. 68. 69. 117

Laurentius Tertius. 45

Leonardus Sgutta. 52

Leo XI. Pont. max. 48

Liberalitas Ioh. Vincentij. 91

Liberalitas vera quæ. 92. 93. 94. 95

Librorum lectio quam utilitatem affe-  
rar. 8. 9

Librorum speciosis titulis fides non  
habenda. 26

Librorum strues affectare ostentatio-  
nis grãtia quàm sit ridiculum. 64

Librorum manuscriptorum Ioh. Vin-  
centij quot capæ. 110

Litteratorum hominum varij fines, &  
quis illorum optimus. 1. 2

Litterati improbi cacodæmonibus æ-  
quiparantur. 44

Litteratorum luctus & mæror, pro-  
pter mortē Ioh. Vincentij. 106. 107

Eisdem litteratis maximum detrimen-  
tum. 108. 113

Liuis Cosmi Pinelli iun. filiola. 114

Liuis Squarciaficus, vxor Galeatij Pi-  
nelli, & ampla eiusdem dos. 8

Ludouicus Septalius. 38

### M.

Marcus Antonius Genus. 16

Marc. Bragadenus Cyprius Chy-  
mista. 90

Marcus Cornelius Episcopus Patau-  
nus. 33. 58. 61. 107. 112

Marcus Vellserus Duumvir Augusta-  
nus. 14. 100

Maria Angelus Accursius. 52

Mariam Virginem deuotissimè cole-  
bat Ioh. Vincentius. 102

Maurocenæ Grimanæ inauguratio. 90

Matthias Lobelius. 73

Medicorum nimia familiaritas sæpe  
nocet. 96

Meditatio mortis Ioh. Vincentij. 102

Melchior Guilandinus. 58

Methodus Ioh. Vincentij in conscri-  
bendis epistolis ad amicos. 22. 23

Michaël Sophianus. 52

Modestia Ioh. Vincentij. 82. 83

Mons Silicis oppidū agri Patauini. 57

Monumentū pulcherrimū designatur  
à Cosmo iuniore Ioh. Vincentio, &  
Aicardo. 114. 115

euanesceit cum ipsius Cosmi morte. 118  
1122

construere ipsum cogitant Nichefola,  
Oliuetus, & Gualdus. ibid. & 123

Mors bacchatur in bonos. 67

Mos mulierum Neapolitanarum in  
funere virorum. 119

Munus legendi in Gymnasio Patauino  
qua de causa refutauerit Aicard. 60

Musarum ianuæ candidæ & apertæ. 77

Musices laus. 11

Mutuum poscentibus quem se præsti-  
terit Ioh. Vincentius. 94



# I N D E X.

## N.

<b>N</b> ayplus appellant Hispani Neapolim, vt summam illius excellentiam ostendant.	4
Neapolis vrbs multis encomiis celebrata.	ibid.
Neronis nummus singularis, Laurentij Pignorijs cōmentario illustratus.	26
Nicasius Ellebodius.	52
Nicolāus Fabricius Gallus.	108
Nicolaus de Ponte, Dux Venetorū.	76
Nicolāus Primus, Patric. Epidauri.	72
Nicoletta Grilla, Ducissa Acheruntina.	93
eiusdem summæ laudes.	116
epistola ipsius ad matrem de Venetorum splendida hospitalitate. ibid.	
eiusdem mortuissimæ lachrymæ.	119

## O.

<b>O</b> Cravius Cardinalis Bandinus.	112
Ocravius Card. Parauicinus.	121
Ocravius Sanmarcus.	2
Oedipus Sophoclis, regio apparatus Vicetiae recitatus.	88
Ordinis laus.	31
Ordo circa pecuniarum numerationem Ioh. Vincentij.	32

## P.

<b>P</b> Acis & cōcordiæ studiosus fuit Ioh. Vincentius.	46
Patauinum gymnasium.	12
Patauij laudes.	70
Patauij cur aduenæ libenter commo- rentur.	ibid. & 71
Patauini aëris clementia.	72
Patauina libertas commendata & ex- penta.	71. 72

Patauini libenter recipissent Ioh. Vincentium in suam ciuitatem.	86
Patauina priuata Academia.	87
Pauli Aicardi vita, sciētia, & virtutes.	53
eiusdem morbus, mors, & testamen- tum.	63
Paulus Comitulus.	41
Pauli Gualdi incomparabilis iactura propter mortē Io. Vin. 105. 107. 108	
Paulus Manutius. 2. 15. 16. 25. 52. 55.	86
Paulus Tagius.	3
Peregrinandi vtilitas.	9
Peregrinantium prudentia.	77
Pestilentia Patauium & Venetias per- uasit.	56
Petrus Pitæus.	38
Phasmatæ gemini Solis.	37
Philippus de Monte, musicus.	12
Philippus Plegafecta.	83. 84
Philosophia & humaniorum studiōrum laus.	17
Pinella familiæ viri semper in reipub. Genuensē ad summos honores euecti.	4
Pinella gens quā antiqua in republ. Genuensi.	86
Pinellæ gentis summa nobilitas & an- tiquitas.	3
Pinelliana vita explicata sine fūco & fallacia.	123
Pinellianæ vitæ diuīsiō.	9
Pinellorum familia honestata pluri- mis priuilegijs.	4
Plinij iunioris dicta.	40 62
Plutarchus de Solone.	47
Principum virorum consuetudo sape pernitiosa.	80
Prudentiæ laus, & quæ sit vera pruden- tia.	14

Prudentia, non versutia laudatur. 77  
Ptolemæus Oluetus. 91. 66. 122

Ioh. Vincentij.

13. 14

T.

**Q.** Fabius maximus. 76

R.

**R.** Anutius Parmæ Dux. 36  
Reginæ Hispaniarum matrim. 89  
Regum & magnatum molesti amato-  
res. 80

Religio & Christiana pietas Ioh. Vin-  
centij. 100

Richardus Efius. 45

Robertus Bellarminus Cardinalis. 19

Roma & Patauium quàm sint dissimi-  
les. 71

S.

**S.** Seuerini oppidum. 112

Sapientis quid proprium. 82

Scipio Amiratus. 12 13

Seggi seu Curia Neapolitana. 6

Sermone hominum mores exprimun-  
tur. 20

Seruorū aliquorū praua natura. 51

Similitudinē causam esse amoris. 56

Sobrietas Ioh. Vincentij, 75

Societas I E S V. 45

Solonis dictum. 21

Sorores Ioh. Vincentij præstantiorib.  
Patriciis Neapolitanis in matrimo-  
nium collocatæ. 6

Spectaculorum minimè amans Iohan.  
Vincentius. 88. 89 90

Spero Speronius. 40

Studiis debilitantur corpora. 96

Sumptus superflui. 78

Symbola & emblemata elegantissima

**T** Abula Aegyptiaca Petri Bembi  
Card. à Laurentio Pignorio de-  
clarata. 69

Testamentum speculum morum. 65

Theodorus Rendius. 52

Thomas Segetus. 52. 53. 55. 114

T. Pomponius Atticus. 82. 106

Tolerantia mira Ioh. Vincentij. 24

V.

**V** Africies, simulatio, & mendacium  
damnantur. 14. 77. 78

Vberti Folietæ nobile encomium de  
gente Pinella. 3

Venetia miraculum Italiae. 114

Venetis Senatusconsulti decreto tri-  
remes concessæ sunt Cosmo Duci  
Acheruntino, & cibaria publico  
are. 116

Vicetini agri vbertas. 75

Viri docti, quos in cõtubernio habuit  
Ioh. Vincentius. 52

Vitæ amplissimum spatium quale sit  
iuxta sententiam Senecæ. 67

Vitam cuius rei assimulabat Iohan.  
Vincentius. 103

Vlysses Aldourandus. 38

Voluptatum blanditiæ quantum affe-  
rant detrimentum viris studiosis. 88


Vrbanus VII. Pont. Max. 111

Vrsatus Iustinianus, Patric. Vener. 89

X.

**X** Enophon quid de ordine & dispo-  
sitione. 31

Corri-



Corrige.


**I**N epist. ad M. Velferum pag. 8. v. 2. *obuersatur.*

In Quærengi carmine v. penult. *plaudant. v. vlt. colat.*

In Stephonij carmine v. 12: *Gemas. v. vlt. interire.*

In Famiani carminis inscript. STRADAE. post v. 10. de-  
est hic versus, *Hunc hi te moriente partum Amoris. v.*  
*14. exprobrabit.*

In carmine Pignorij v. 7. *alias.*



EXCV DIT

AVGVSTAE VINDELICORVM

Christophorus Mangus,

ANNO MDCVII.











